

Aso Toona'i – Aperila 1: “Faaosofiaga atamai” (*Masterful motivation*)

Tusi Faitau – Mataio 25: 31-46

Matua – f. 34: “*Ona fai atu lea o le Tupu i e o i lona itu taumatau, O mai ia, o outou ua faamanuiaina e lo'u Tamā, ia fai mo outou tofi le malo ua saunia mo outou talu ona faavaeina le lalolagi.*”

O se ata manino ma le a'anoa o le fetalaiga a le Alii o Iesu ina ua ia toe fa'amatala au'ilili o lona tagata, ae maise o lo tatou filifiliga fai e tusa ma le vā fealoaloa'i ai ma tagata i aso fai so'o. Afai tatou agalelei ma alolofa atu i ē ua matitiva, ma ē ua fia a'ai ma fia feinu; o tagata ese ma ē ua lē lavalavā; o ē mama'i ato ma ē ua i ai i le fale puipui; ua fa'amautinoa mai i tatou e le Alii, “*o a'u lea na outou faia i ai*” (ff.35-40).

O se fe'au taulogologo lea mo i tatou le 'au uso mo lenei aso, ae maise o le fa'ai'ui'u ai o lenei vaiaso sa tatou feagai ai ma fe'au ma galuega masani. Ua toe fagufagu atu ina ia tatou taunapa pea i le agalelei ma alofa mo so'o se tasi ua mana'omia se fesoasoani. Ia tatou ne'i mea manū o le Talalelei, ae maise o le tofi o le malo o le Atua ua uma ona saunia talu ona fa'avaeina le lalolagi.

Tatalo: Iesu le uo pele e, fesoasoani ina ia matou iloa atu i ni isi ua iai le mana'omia, ma ia matou vave atu ona ofoina le fesoasoani, **Amene.**

O LE EVAGELIA A MATAIO (2) *The Gospel of Matthew*

2 – Vaiaso Paia: O le ala o le satauro (*Holy Week: The way of the cross*)

Aso Sā Laupama (Palm Sunday)

Aso Sā – Aperila 2: “O le meaalofa sili” (*The perfect gift*)

Tusi Faitau – Mataio 26:1-16

Matua – ff. 12-13: “*Auā ua liligi e ia lenei suāuu manogi i lo'u tino e fai ma faataimuaga o lo'u tanuga. E moni, ou te fai atu ia te outou, o nuu uma i le lalolagi e tala'iina atu i ai lenei tala lelei, e ta'ua ai le mea ua fai e lenei fafine, e faamanatu a'i ia te ia.*”

Ua tatou fa'aigoaina nei o le '**Vaiaso Paia**'; peita'i, o nai aso ia i le tala na fa'amaumuina e Mataio, o lo'o fa'amatala ai e le fai-Evagelia le manatu fa'asausili o tagata Iutaia ia Iesu ma lona taunu'uga e ala i le satauro – o le taupulepule leaga o le au ositauloaga sili ma toeaia o le nu'u e faasaga ia Iesu (ff. 3-5); faapea ai ma le fa'alataina o ia e se tasi o ona lava soo filifilia (ff. 14-15). E ui o na mea uma, o le fai togafiti ma fa'apolotiki leaga a tagata Iutaia, ua aumaia lava e Mataio le tala i le fafine ma lana mea'alofa sili na ia faia mo Iesu e faata'imua ai lona tanuga (ff. 6-13). O le suāuu manogi na liligi ai lenei fafine le ao o Iesu. O le mea'alofa na manatu faatauva'a i ai se tasi o soo, ae ua le faapea Iesu. Ua faamanuia e Iesu lenei fafine e pei ona faamauina e upu o le matua o lenei aso: “*e tala'iina atu lenei talalelei, e ta'ua ai le me ua fai e lenei fafine, e faamanatu a'i ia te ia.*”

A o tatou aga atu i lenei vaiaso i le faamanatuina o le aso maluu a lo tatou Alii faaola o Iesu, o le a se mea'alofa sili e te ofoina mo ia? O le Atua na ofoina mai lona alo pele ina ia maluu o ia i luga o le satauro. O le mea'alofa ua atoatoa

(*perfect*) ma e le toe i ai se mea e fa'atusalia i ai. O le soifua fo'i o Iesu na atoatoa i lenei lalolagi, ma ua faia lea ma fa'ata'ita'iga sili mo i tatou uma. Ia tatou tapena nei loa o tatou ola ma ia ofo atu mo ia. O le mea'alofa sili lea e mana'o i ai le Atua mo i tatou—o le salamō ma fo'i atu ia te ia.

Tatalo: A'oa'o mai ia ou pei o Malia: ia ou fa'alogo, a'oa'o ma ou alofagia la'u uo o Keriso Iesu, **Amene.**

Aso Gafua – Aperila 3: “Ua fa'ailoa le faalata” (A traitor unmasked)

Tusi Faitau – Mataio 26:17-35

Matua – f. 21: “*O loo latou aai, ona fetalai atu ai lea o ia, 'E moni, ou te fai atu ia te outou, e faalataina a'u e so outou.' ”*

O le mea ou te fiafia i ai i lenei fuaitau, o le matagfie o le Talisuaga Paia (*Holy Communion*), fa'atasi ai ma saunoaga fa'apea elemeni masani o lo'o fefa'asoa'i ai i Aso Sā o Fa'amanatuga. Ae peita'i ane, i totonu o lenei tala, o loo lotolotoi ai fo'i ma le agaga o le fili, e pei ona fa'alataina ai le Alii o Iesu. O Iuta o lo'o fai ma ata fa'ata'ita'iga i se uo faa'ole'ole e fetaia'i pea ma i tatou i lenei olaga.

Ioe, o lenei soifuaga e tatou te fetaia'i pea ma mea tigā ae maise o le fa'aosoosoga. Ia tatou ne'i ave ma uo faa'ole'ole tatou te fa'alata ma vavaoina ai i latou mai le galuega a le Atua. A ia faia i tatou ma uo lelei e fai mea sili mo le Atua ma lana Talalelei.

O se fesili e tatou te mafaufau atili ai i lenei aso, ae maise o le tatou tusi faitau aso, e iai ea se mea e masani ona vavaoina i tatou mai le Atua? Afai o lea, e iai se auala e mafai ona e tete'e i ai, pe mafai fo'i ona e manumalo i ai?

Tatalo: Le Alii e, matou te faiaina uma ia te oe i le tele o taimi. Fa'amagalo mai pe a ou sese; a'oa'o mai ia te a'u ina ia ou fa'amaoni ma ia ou maua le malosi ma lototele e mulimuli ai ia te oe, **Amene.**

Aso Lua – Aperila 4: “Lofitūina i fa'anoanoaga, e tauau ai ina oti”

Tusi Faitau – Mat. 26:36-56 (*Overwhelmed with sorrow, to the point of death*)

Matua – f. 39: “*Ua maliu faaitiiti atu i huma, ona faapaū fao ai lea o ia ma tatalo, ua faapea atu, 'Lo'u Tamā e, afai e mafai, ia ave ese lenei ipu ia te au; a e aua le faia lo'u loto, a o lou finagalo.' ”*

O lenei soifuaga e tofotofoina pea i tatou i le itu faaletino, faaleagaga faapea foi ma le faalemaufau; e iai fo'i taimi e oo ai lava le tofotofoina o i tatou i ona tulaga e matuā faigatā lava. O le tusi faitau o lenei aso, ua tatou faitau ai ia Iesu ma le tofotofoga lē mafaitaulia na oo ia te ia. E ui lava o le alo o le Atua, ae na tofotofoina foi o ia i mea tigā o lenei soifuaga—o le itu fa'aletino, fa'aleagaga ma le mafaufau. O le tagata soifua na lofitūina i le tigā, ma ua oo lava i le oti. Oute masalo ana lē puapuagatia le Keriso, se manū e le taunu'u le fa'amagaloina o agasala; i le ma lea, e leai foi se isi mea e agatonu ma le galuega fa'aola a le Atua. Ua na'o le maliu tigā o le Alii o Iesu.

A o i tatou, e talitonu le agaga e lē tuulafoa'iina i tatou e le Atua pe afai tatou te feagai ma tofotofoga o lenei lalolagi. Ae afai foi e foliga ua tuulafoa'iina i tatou, e

pei ona manatu ai o Iesu a'o tatalo i Ketesemane, ia tumau pea le fa'atuatua i le Atua ma finaua'i ina ia manumalo i tofotofoga.

Tatalo: Le Tama e, ua e silafia lo'u fefe. Foa'i mai le loto toa ina ia ou fa'afesaga'i ai ma mea e tatau ona ou faia, ma ia ou mautinoa i lou fa'atasi mai i o'u tofotofoga, **Amene.**

Aso Lulu – Aperila 5: “O le fa’amasinoga fa’afoliga” (*The show trial*)

Tusi Faitau – Mataio 26:57-75

Matua – f. 59: “*A o le au ositaulaga sili, ma le taupulega uma, ua latou saili ni e molimau pepelo ia Iesu, ina ia latou fasioti ia te ia.*”

A o fa'auau pea le tatou faitauga mai le Evagelia o Mataio i lenei vaiaso, ua tatou oo mai nei i le vaega o le tala ua sili ona faaitino le ituaiga polotiki (*politics*) leaga o lo'o tatou vaaia fo'i i taupulepulega o nisi o nu'u ma itumalo i nei ona po. O le faia lea o se fa'amasinoga ae ua mautu le i'uga e mana'o iai. Ua fa'afoliga ae le moni.

O Iesu sa feagai ma nei faiga leaga i totonu lava o lona nu'u ae maise o nisi o le 'au ta'ita'i lotu. Ua latou taupulepule leaga ina ia latou faaoo le oti ia Iesu. E mafua nei mea uma au'ua fai Iesu ma faalavelave i le pule ma le sa'olotoga ua latou maua ona o tofiga o le lotu faa-Iutaia. Ua faaali e Iesu le mea moni ia te i latou, ae peita'i e le talafeagai ma le faalogo a nei tagata leaga. Ona fai mai ai lea o le tatou tala, “*ua latou saili ni e molimau pepelo ia Iesu, ina ia latou fasioti ia te ia.*” O ta'ita'i o le tulafono, ae ua latou taumafai e fa'aogaina le tulafono ina ia faataunu ai o latou mana'o.

O se fesili tatou te mafaufau atili ai i lenei mataupu, O le a sou manatu i nei faiga leaga sa feagai ma Iesu? Ua tatou faia ea ni faamasinoga ae ua mautu le i'uga tatou te mana'o i ai?

Tatalo: Le Alii e, ou te tatalo mo i latou ua mōlia po'o ua fa'asalaina fo'i e 'aunua ma se fa'amasinoga tonu. Fesoasoani ia te i latou uma o lo'o i ai le pule e fa'amasinoina ai ma fa'asalaina ai, **Amene.**

Aso Tofi Poloa'i (*Maundy Thursday*)

Aso Tofi – Aperila 6: “Faanaunauga” (*Desperation*)

Tusi Faitau – Mataio 27:1-6

Matua – ff. 1-2: “*Ua ao, ona taupulepule ai lea o le au ositaulaga sili uma ma toeaina o le nuu ia Iesu, ina ia fasioti ia te ia; ua latou noanoa ia te ia, ona latou ta'ita'i ai lea ia te ia, ma tuu atu ai ia Pilato le alii pule.*”

O ai ea tatou te sulufa'i ai pe afai o tagata e tatau ona tausisi ma fa'amalosia le tulafono o le Atua, a o tagata lava ia e taulamua i le le faamaoni ma le amanaia le tulafono? Ua fasiotia le tagata amiotonu ona o le mana'oga a tagata sa tatau ona faia le amiotonu: o soitaulaga ma toeaina o le nuu.

O Iuta o se tagata ua le mautonu au'ua malamalama nei o ia i lana mea leaga sa faia ia Iesu. Ua ta'utino nei lona sesē sa faia, ae peita'i e le'i maua e ia se fa'amafanafanaga po'o se fa'amautinoaga mai i tagata sa ia fesoasoani iai ina ia faalataina ma pu'e atu ia Iesu. O tagata paia lava ia o le malumalu. Ua latou

fa'aaogaina o Iuta ina ia fa'ataunu'u ai lo latou mana'oga, ae ua lei lava so latou manatu e toe fesoasoani atu ia te ia. Ae ua atili ai ona latou tu'imomomoina o ia ma latou toe lafoia le leaga ia te ia. Ioe, o tagata paia o le malumalu, ae ua latou fulitua i tagata o le nu'u ua man'omia se fesoasoani.

Tatalo: Le Alii e, fa'afetai ua e foa'i lou alofa mutimutivale; 'auina mai i o matou luga lou alofa tausii mai a o matou liliu atu ia te oe. Fa'amanatu mai ina ia matou tuu atu le fa'atuatua ia te oe, e tusa lava pe manumalo pule'aga a lenei lalolagi, **Amene.**

Aso Malii (Good Friday)

Aso Faraile – Aperila 7: “Inosia ma tuulafoaiina” (*Despised and rejected*)

Tusi Faitau – Mataio 27:27-44

Matua – ff. 28-29a: “*Ua latou toeseina ona ofu, ona latou faaofuina ai lea o ia i le ofu mūmū. Ua latou taataai foi laau tuitui ua fai a'i le pale, ona latou faaee ai lea i lona ao, ua tuu foi le u i lona aao taumatau.*”

E matuā matuiā ma ōgaōga le tala a Mataio e uiga i le Aso Malii o Iesu: o le fa'alumaina ma le tauemuga, ma le sauāga e lē mafa'agaloina. Na faia lava le satauro ma faailoga matagā ae maise ina ia ōgaōga le tigā. A o le tala a Mataio, o Iesu e le'i maua e ia se mapusaga, ma o nisi fo'i sa latalata ia te ia ua tūtū mamao lava. Ua na'o le inosia ma le loto ita ua si'omia ai o ia.

O le masani a tagata, o le va'ai maulalo lea i nisi e faatauva'a ma lē tauagava'a i se mea. Masalo o le to'atele o nisi o i latou sa i ai lea aso, latou te le'o silafia pe iloa fo'i poo ai lenei tagata o lo'o faasatauroina. E talitonu fo'i se lagona, o le to'atele fo'i o nisi o i latou sa alalaga ma fofola laupama i le ala i nai aso ua tuana'i atu.

O le fe'au o lenei aso mo i tatou, ia tatou manatunatu loloto i le maliu tigā o Iesu. Ua tatou iloa, na maliu lava o ia ina ia fa'amagaloina i latou na fa'asalaina o ia. O lona alofa fo'i ua fa'aolaina ai i tatou uma.

Tatalo: Fa'afetai Iesu. Ua ou iloa na e maliu ma puapuatia ona o lou alofa ia te a'u. Fesoasoani mai ina ia ou manatua pea lou alofa i taimi uma ma ia viia ai lava oe, **Amene.**

Aso Toona'i Paia (Holy Saturday)

Aso Toona'i – Aperila 8: “Ua momomo Keriso mo oe”

Tusi Faitau – Mataio 27:45-66 (*Christ broken for you*)

Matua – f. 50: “*Ua toe alaga Iesu ma le leo tele, ona tuuina atu ai lea e ia o lona agaga.*”

E ese le manino o le fa'amatalaga o le tala a Mataio e uiga ia Iesu ma le mea na tupu ia te ia. Ua faai'u le tatou faitauga o lenei vaiaso i le toe taimi ae le'i toina le manava a Iesu i luga o le satauro. O le atoaga o le va'aiga a Mataio ia Iesu le Keriso Fa'aola, “ua momomo Keriso mo i ta'ua”. Ua momomo Keriso, ua tuuina atu lona agaga, o le faailoga o le ofoina atu o le ola ina ia fa'amagaloina i ta'ua, ma ia toe faaleleia i tatou ma le Atua ina ia tatou maua le faamoemoe ola mo le ola atali

faatasi ma ia. Ua tauaveina e Iesu le mamafatū o le lalolagi agasala ina ia tatou maua ai se aga ua tonu i le silafaga o le Atua.

E te mafaia ea ona ofoina lou ola ina ia feola ai nisi? E te mafaia ea ona ofoina lou atalii ina ia fa'amagalo ai nisi? O le atoaga lea o le galuega faaolataga a le Atua mo le lalolagi. Ua 'aumaia lava e le Atua lona alo e to'atasi ina ia tatou maua ai le ola, ma maua atili ai lava.

Tatalo: Ou te vivii atu i lou suafa ma faailoa atu na tauaveina e Keriso le mamafatū o o'u agasala ina ia ou agatonu ai i luma o le Atua; ua fa'amomomoina lona tino ona o a'u, **Amene.**

Fa'amanatuga (*Celebrations*)

Aso Sā o le Eseta (Easter Sunday)

Aso Sā – Aperila 9: “E te le savali to'atasi” (*You never walk alone*)

Tusi Faitau – Luka 24:13-35

Matua – ff. 29b-31: “Ona uhufale atu lea o ia, latou te nonofo. Ua taoto o ia e taumafa faatasi ma i laua, ona tago ai lea i le areto, ua faafetai, ua tofitofi, ma avatu ia te i laua. Ona pupula ai lea o laua mata, ua la iloa o ia; aua mou o ia nai ia i laua.”

O le vai taimi o le Koviti-19 na tatou iloa ai le tāua tele o mafutaga ae maise o le femafutaa'i o tagata, auā sa tele ona tatou nofo'esea ina ia fa'aitiitia ai le pepesi o le faama'i. Ae masalo o le fa'anofo'esea ma le nofoto'atasi sa fai ma fa'ama'i natia i le olaga faaneionapo. Tatou te mana'omia lava se tasi e liliu atu i ai pe a tatou i ai i se tulaga maulalo – o se uo moni, se faufautua, poo se tasi fo'i tatou te soa i ai. Se tasi tatou te faasoa i ai le tauiviga ma fiafiaga.

Ua aumaia e le tala i Emau le tāua tele o le mafutaga ma le fefaasoa'i o tagata. Fai mai le tala, ua faatasi atu Iesu ma ni tagata malaga se to'alua ma faasoa la latou savaliga a o faimalaga atu i lo la aiga i Emau. Sa ia faasoa faatasi i lo la popolega; sa faasoa fo'i lona poto; ma mulimuli ane, faasoa fo'i ma lo latou taumafataga i le afiafi. Fai mai le tala a Luka, ina ua tofitofiina le areto, ua la iloa atu Iesu. Ona fa'afuese'i ai loa ona mou ese le lē mautonu ma le faanoanoa. O le uiga o lenei tala, o le mafutaga sa maua e nei tagata malaga e to'alua ma Iesu, ua mafaia ai nei ona la faia se mea sa manatu la te lē mafaia ona fai – o le toe fo'i i Ierusalem, ma ua faatumulia i le faamoemoe ma le folafolaga.

Tatalo: Le Tamā e, faafetai ona o au meaalofa tagata; o i latou uma sa faatasi ma fesoasoani mai ia te a'u i luga o le ala. Faamanuia mai i la matou folauga ma fesoasoani mai ina ia matou savavali e tusa ma lou finagalo, **Amene.**

Aso Gafua – Aperila 10: “O le aso ma lona 'ai” (*Sufficient unto the day...*)

Tusi Faitau – Levitiko 23:4-14

Matua – f. 4: “O tausamiga ia i le ALII, o faapotopotoga paia, ia outou tala'i ai i o latou aso ua atofaina.”

O le tusi faitau o lenei aso ua faatāua ai le aso ma lona 'ai. I le tusi filifilia mai le Feagaiga Tuai, ua tatou faitau ai i tausamiga fa'apitua i le Alii ma ona aso ua

uma ona atofaina e mulimulita'i ai le nuu o le Atua. O le tāua o lenei mea, ia tatou manatunatu loloto i le tāua fo'i o aso fa'apitoa ua tatou fa'atāuaina i nei ona po.

E pei ona fa'aautū ai le manatu aoao o lenei vaiaso, "Fa'amanatuga" (*Celebrations*) – ia fa'atāuaina o aso fa'amanatu fa'apitoa o le tatou kalena Kerisiano; auā na atofaina i le fesuia'i o le fati o le ola i lenei soifuaga – pei o aso fanau, aso maliu, aso e nofo tatalo ma taputapua'i ai, aso na taunu'u ai se fa'amoemoe, aso fiafia, aso fa'anoanoa, o aso o le tausamiga fa'apea fo'i ma le anapogi. E tāua tele le tatou mulimulita'i faamaoni i aso fa'apitoa uma o le tatou kalena Kerisiano, ae 'aua le na'o aso e tatou te maua ai le fiafiaga.

O Iesu na afio mai ina ia tatou maua le ola ma maua atili ai lava. Ae peita'i, o le tamāoaiga o le ola e masani ona ufiufi ma natia i totonu o aso fai so'o o le soifuaga. Afai tatou te fa'atāuaina le aso ma lona lava 'ai, ona tatou iloa ai lea o le faula'i o le ola fa'amanuia ua uma ona saunia e le Atua. E mafai fa'apefea? E mafai pe a tatou te fa'atāuaina le aso ma lona 'ai.

Tatalo: Le Tamā e, faafetai ona o lenei aso fou. Faafetai i lou faatasi mai i taimi uma ma aso uma. Foa'i mai lou alofa tunoa ina ia ou iloa ai le mana o lau galuega paia, **Amene.**

Aso Lua – Aperila 11: "Tusitusiga i le pa puipui"

Tusi Faitau – Tanielu 5:1-12 (*The writing on the wall*)

Matua – ff. 1, 4: "*Na faia e Pelesara le tupu le faigā'ai tele ma alii e toaafē sa ia te ia, ua na inu uaina foi i luma o le toaafē... Sa latou feinu uaina, ma latou vivii atu i atua auro, ma ario, o 'apa memea, o uamea, o laau, ma maa.*"

I soo se augatupulaga, o le masani lava a tagata o le omai fa'atasi ma latou faia se tausamiga tele, po'o se 'aiga tele ina ia fa'amanatu ai se tagata tāua po'o se mea tāua fo'i na tupu i lo latou soifuaga. E oo fo'i i taimi o faanoanoaga ona o se maliu, e omai fa'atasi tagata ina ia latou fa'atāuaina lē ua maliu. E oo fo'i i malo tetele ma malo malolosi i talafa'asolopito o le lalolagi, e fa'amausali lava se osiga feagaiga po'o se fa'aleleiga i le omai faatasi ma faia le tausamiga tele.

Sa faapea fo'i ona faia e le tupu o Pelesara le atlii o Nepukanesa le tupu o Papelonia. Sa ia faia le tausamiga tele a le tupu, na si'omia o ia e ona tagata ma sa latou inu uaina ai ma le tupu. A o faia lenei tausamiga ma inu oonana le tupu o Pelesara ma ona palako, ona ia aami lea o ipu auro ma ario na aumaia e lona tamā nai le malumalu i Ierusalem, ina ia feinu ai le tupu ma alii sa ia te ia (f. 2). Fai mai ona fa'afuase'i ai lea ona oo mai ai o tamatama'i lima o le tagata, ma ua tusi i le penisina o le pa puipui o le maota o le tupu. Ua uma tagata popoto o le nu'u, ae le mafa'amatalalia e se tasi le uiga o nei tusitusiga.

O le auga o lenei tala, ua faailoa e le Atua malosi o Isaraelu ia Pelesara, e lē ulagia le Atua ma e toe ave'ese e le Atua le malosi sa ia tuuina i lona tamā o Nepukanesa. Ioe, ia tatou ne'i ulagia le Atua ona le malosi ma le poto ua tatou maua. A ia tatou faamoemoe ma faalagolago i lona mana lavea'i, ma ia faia i tatou ma fa'aolataga mo e mana'omia le fesoasoani.

Tatalo: Tamā, e iai taimi ou te faamuamua ai lo’u mana’o ona ou le iloa atu ai i latou o loo i ai le mana’omia. Ia alofa ma foa’i mai lou mana ina ia ou maua le loto foa’i, **Amene.**

Aso Lulu – Aperila 12: “Taimi o fiafiaga” (*Party time*)

Tusi Faitau – Luka 15:11-24

Matua – ff. 23-24: “*Au mai ia foi le tamai povi peti, ma fasi; tatou te aai ma olioli; auā o lo’u atalii lenei, na oti, ua toe ola mai; na le iloa foi o ia, a ua maua. Ona latou olioli ai lea.*”

O le tala i lenei aso Lulu, o le tala masani i le uii faamaumau ‘oa. O le tala ua lauivivilu i le faalogo ma e fou mai pea lona fe’au i taimi uma tatou te faitau ma faalogologo i ai. O le fa’ata’oto na faamatalaina ai e Iesu le uiga o le alofa o le Atua i lana fanau.

Ina ua toe manatu le uii e toe fo’i i le fale o lona tamā, e le’i mafaufauina o le faia e lona tamā se tausamiga tele mo ia, auā e leaga le mea sa ia faia. Sa ia manatu lava i se isi mea e sili atu nai lo’o le mea’ai o pua’a. E tusa lava pe teena fo’i o ia pe musuā fo’i le taliaina o ia, a’o le mea sili ia i ai sona nofoaga mauualalo i totonu o lona aiga. Ae peita’i, na fa’afeiloa’i lava lenei uii faamaumau ‘oa i le olioli ma le loto fiafia o lona tamā.

Fetalai Iesu, e fa’apena fo’i le alofa a lo tatou Tamā oi le lagi pe afai tatou te fo’i atu ia te ia ma le loto salamō. E naunau lava o ia ina ia tatou iloa le ala e toe fo’i atu ai, ma toe faalelei ma ia, e tusa lava po o le a le umi tatou te o ese ai ma ia. E fa’atalitali lava le Atua mo i tatou ma se povi peti.

Tatalo: Le Tamā e, o le tele o taimi ou te sola titipa ai ma le ala. Ou te tautevateva ai ma ou pa’u ese ma lou Afio. Fa’afetai ona o lou alofa mutimutivale, e te lavea’i mai ma toe faafo’isia mai i matou i a’ao alofa, **Amene.**

Aso Tofi – Aperila 13: “O le mataupu tau le aiga” (*It’s a family affair*)

Tusi Faitau – Luka 5:27-32

Matua – f. 29: “*Ua faia foi e Levi le faigaai tele māna i lona fale; sa i ai tagata ao lafoga e toatele lava, ma isi tagata e na taoto e aai faatasi ma i latou.*”

O le taumafataga sa ogatotonugalemu i le galuega tala’i a Iesu, ae maise ai o lana galuega fa’amisiona ina ia aapa atu mo nisi o lo’o mana’omia le fa’aolataga. Sa ia mafai ai fo’i ona maua se tulaga tutusa ma le to’atele o tagata ese’ese—e pei o tagata ao lafoga ua manatu leaga i ai le ‘au faresaio. Ua fai lea mea ma ala e fete’ena’i ai Iesu ma le manatu o tagata amioatua. Ua tali atu Iesu i le ‘au faresaio fa’afiaamiotonu, “*Ou te lei sau e valaau i e ua amiotu, a o e ua agasala, ina ia latou salamō*” (f. 32).

I le taimi o taumafataga, e le’i filifili tagata Iesu po o ai latou te nonofo i le laulau ma a’ai faatasi. I le silasila a Iesu e pei ona fa’atāuaina mai e le tusitala o Luka, e tutusa uma le tagata agasala ma le tagata amioatua; le ao lafoga ma le faresaio.

E mafai ea ona tatou faapea atu fo’i i o tatou lava lotoifale faa-Kerisiano i nei ona po? O ai ea tatou te talia i luga o le laulau, a o ai fo’i e lē taliaina?

Tatalo: Le Tamā e, e faigotie ona matou faamasino atu i nisi; fesoasoani ina ia ou faatāua le mea e maopoopo ai se mafutaga, ae le’o le mea e fe’ese’esea’i ai, **Amene.**

Aso Faraile – Aperila 14: “Faataitai soo e lelei atoatoa ai”

Tusi Faitau – Ioane 2:1-11 (*Practice makes perfect*)

Matua – ff. 3-5: “*Ua uma foi le uaina, ona fai atu lea o le tinā o Iesu ia te ia, ‘Ua leai sa latou uaina.’ Ua fetalai mai Iesu ia te ia, ‘Funa e, se a ea lau na ia te au? e lei oo i lo’u itu aso.’ Ua fai ane lona tinā i auaua, ‘O se mea lava e fai mai ai o ia ia te outou, ia outou faia.’”*

E faapefea ona e iloa ua lelei ‘atoatoa’ (*perfect*) se mea? O fa’aipoipoga faaneionapo e tatou te va’aia pea le taumafai o le tele o aiga ina ia lelei ma atoatoa tāpenaga o le aso. Ia lelei le taumafa ma ia lava fo’i meaalofa mo le ‘au vala’aulia. O le tusi faitau o lenei aso, e leai fo’i sona ese’esega. O le fa’aipoipoga sa lelei ma atoatoa a o lenei o le a ta’uleagaina auā ua faasolo ona leai se uaina. O le tinā fo’i o Iesu, ua le mana’o e faalumaina le ulugalii fou ona o lenei mea ua tupu.

E tau faapena se va’aiga i lo tatou vā tuutuunononofo i nei ona aso. E tatou te manana’o lava ina ia lelei se tāpenaga o se faamoemoe, ina ia ‘aua ne’i upuia pe faalumaina fo’i i le va’aiga a tagata. I le vaaiga faa-Kerisiano, ua vala’auina fo’i i tatou ina ia tatou lelei atoatoa e pei o le Tamā oi le lagi (Mat. 5:48), o se lu’itau e foliga mai e matuā faigatā lava e faapei o le liua o le vai i le uaina. E faapefea ea ona lelei atoatoa se tagata soifua?

O le ala i le atoatoa o le tagata o lo’o ta’oto i upu a le tinā o Iesu: “*O se mea lava e fai mai ai o ia ia te outou, ia outou faia.*” Ia usita’ia ma mulimulita’i i fetalaiga uma a Iesu. Ia fai i tatou ma talalelei e faitauina ai lou Kerisiano moni e tagata.

Tatalo: Tamā, fesoasoani ina ia ou faia lou finagalo. Fesoasoani fo’i ina ia ou taliaina ma le fiafia mea’ai e tatau ma le aso, **Amene.**

Aso Toona’i – Apr 15: “O le mea e iai le to’alua po’o le to’atolu

Tusi Faitau – 1 Korinito 11:23-26 (*Where two or three are gathered*)

Matua – f. 26: “*Auā o aso uma tou te aai ai i lenei areto, ma feinu i lenei ipu, tou te faailoa atu ai le maliu o le Alii seia afio mai o ia.*”

O faatasiga o Kerisiano i Aso Sā ta’itasi, o loo ua faavaeina i le tausamiga e pei ona i ai tuua i aso anamua. E ui ina ese’ese le faiga o faamanatuga ae maiso o le faamamafa ma le faatāua, a o le ‘auga o na mea uma o le omai faatasi o tagata, e pei fo’i ona faia e le ‘au uso i Korinito.

Na talitonu le ulua’i Ekalesia, *solus Christianus, nullus Christianus* (*Latin*)—o lona uiga, “o le Kerisiano e na’o ia, e lē se Kerisiano moni ia”. O lo tatou fa’atuatuaga ma lo tatou tapuaiga e ogatotonugalemu ai le mafuta faatasi; i se nofoaga e fa’atāua ai le tulaga tutusa o tagata uma auā ua faapaiaina i tatou e le mana o Iesu.

Tatalo: Le Tamā alofa e, fa’afetai ona o mafutaga faale uo ua ou mauaina i le tele o tausaga. Ia ou toe tauia le agalelei atu e pei ona faia e nisi mo a’u, **Amene.**

FA'AMASINO O ISARAEU—*Judges of Israel*

1 – Tepora ma Kitona (*Deborah and Gideon*)

Aso Sa – Aperila 16: “Toe amatalia” (*Starting over*)

Tusi Faitau – Fa’amasino 2:6-23

Matua – f. 16: “*A ua fa’atuina e le Alii o fa’amasino, ua latou fa’aola iā te i latou ai lima o ē vetea a latou mea.*”

O Mose e tele ona fa’afeso’ota’i ma le *ō* ese o Isaraelu mai i Aikupito, a o Iosua e fa’afeso’ota’i ma le taunu’u o Isaraelu i le “nu’u folafolaina”. Ina ua maliu Iosua, ua o’o lagona o le *lē* mautonu i le nu’u filifilia a le Atua. Ua ta’apeape itū’āiga o le nu’u i fanua eseese o le nu’u folafolaina, ma ua tofu fo’i itū’āiga ta’itasi ma auala ua latou ola ai fa’atasi ma itū’āiga o Kanana ua latou nonofo fa’atasi. O a’afiaga sa latou masani fa’atasi i ai – le nofo pologa i Aikupito, ma le feoa’i i le toafa – ua le toe fusia fa’atasi ai i latou. Ua tofusua i latou ma auala ua latou atiina a’e ai i fanua fou, ua latou filifili e taliaina o tū ma agaifanua o tagata Kanana ina ia aua nei latou fete’ena’i. O nisi ua filifili e fa’asea i latou, ua avea lenei tulaga ma mea ua masalomia ai i latou.

O le tulaga ua latou o’o i ai o le motusia o le so’otaga ma lo latou talafa’asolopito, fa’apea fo’i ma le Atua, auā ua amata ona latou talitonu ma tapua’i i le Atua soifua, fa’atasi ai ma atua o tagata Kanana. Ua avea fo’i le latou tulaga ma mea ua lamatia ai i latou ma faigofie ai ona osofa’ia i latou e o latou fili. O lea taimi i lo latou talafa’asolopito – le vaitau lea i le *vā* ina ua uma ona latou fa’amautu i Kanana, seia o’o atu i le amataga o le nofoa’iga o le tupu o Tavita – o le vaitau lea o Fa’amasino, lea sa fa’atūina ai e le Atua o ta’ita’i e fesaga’ia lu’i ma tulaga faigata ua feagai ma le nu’u. E foliga mai ua sauni ai le Atua e toe amatalia la latou malaga ina ia latou iloa ai mea ua tatau ona lafoa’i, ma mea e tatau ona latou tumau i ai; fa’atasi ai ma mea e tāua ma tulaga ese ai la latou feagaiga ma so’otaga, ma mea e *lē* aoga mo i latou. E fa’apeaina fo’i lo tatou faimalaga fa’atasi ma le Atua i nei ona po.

Tatalo: Le Ali’i e le Atua, o oe o le amataga ma le gataaga, o le Alefa ma le Omeka. O oe fo’i o mea uma i le *vā*; ia mafai ona ou tumau ia te oe i mea uma e feagai ai. **Amene.**

Fu’a Amerika Samoa

Aso Gafua – Aperila 17: “O ala o le Atua” (*The ways of God*)

Tusi Faitau – Fa’amasino 3:12-31

Matua – f. 15: “*A ua alalaga atu le fanauga a Isaraelu i le Ali’i, ona fa’atuina ia lea e le Ali’i o le fa’aola mo i latou, o Euta lea le atali’i o Kira o le sā Peniaminā, o le tagata tauagavale ia.*”

O le upu i le gagana fa’a Latina mo le agavale o le *sinister*, a fa’amatalaina le uiga o lenei upu, o le leaga. Sa ou fa’alogo i ni tala mai aso ua mavae i nisi o faiaoga ua latou fa’aaogaina fa’asalaga ina ia iloa ai e le tamaitiiti agavale ona tusitusi i le lima taumatau, ona o le latou mafaufau o le tusitusi i le lima agavale o se mea e sese toe leaga! I nisi o nu’u i Sasa’e Tutotonu, o le lima taumatau e

tausami ai ma fa'afeiloa'i ai tagata, a o le lima agavale e fa'aaoga i le fa'amamāina o mea, fa'apea fo'i ma le taimi e fa'amālū ai. O lo'o tumau lava ia uiga i nisi o nu'u i nei ona po. O loo i ai lava nisi o loo u'una'ia le 'alo'ese mai le lima tauagavale, e ui lava o le toatele ua suia o latou manatu i nei aso ma ua ese talitonuga. I aso nei e talitonu lava le to'atele, o tagata ta'aalo e fa'aaoga le lima tauagavale, o i latou ia o lo'o mauaina se manuia ma se taleni e le aumaua.

I le tusi faitau o lenei aso o lo'o ta'ua ai e le tusitala lenei uiga ese e fa'ataua ia Euta, fa'atasi ai ma le fa'amatalaina o lona tino, malosi, tomai, ma lona lē fefe. O le ala fo'i o le fa'amatalaina o nei mea, o le taumafai lea o le tusitala e fa'afeso'ota'i Euta ma isi tagata tāua o le Tusi Paia i luma mai sa fa'apea fo'i ona ausia nisi galuega tetele mo le Atua. O lo'o ta'ua fo'i le so'otaga ma le ituaiga o sā Peniaminā, aua sa folafolaina o se tasi e fanau mai i le ituaiga o sā Peniaminā e lavea'iina ma togiolaina Isaraelu. O tala nei i ia "toa" e mai anamua lea, ma e toe fa'amatalaina ina ia fa'amanatu mai ai nisi o uiga o lo'o maua i tagata o le Atua. Ua avefa lea ma vala'au i tagata ina ia tatala pea o latou loto ma mafaufau, ona e tatou te lē iloa po o ai le isi meafaigaluega tāua e auala mai ai le fa'aolataga a le Atua.

Tatalo: Le Alii e le Atua e, e faigofie ona matou sailia ni mafuaaga e ta'uleagaina ai se tasi o lo'o auala mai ai lou alofa ma lou fa'amaoni. Alofa ma fesoasoani mai ina ia maua le loto matala. **Amene.**

Aso Lua – Aperila 18: “Fafa’i ese le amo ma fa’asa’olotoina le pologa”

Tusi Faitau – Faamasino 4:1-24 (*Breaking the yoke and freeing the captive*)

Matua – ff. 8-9: “*Ona fai mai ai lea o Parako ia te ia, afai ta te o ma a’u, ona ou alu lea; a e afai ta te le o ma a’u, ou te le alu. Ua fai atu o ia, ta te o lava ma oe.*”

O le laumua o *Cape Town* i Aferika i Saute, o lo'o molimau lava nisi i a'afiaga tetele ua fefefe ai tagatanu'u i isi oganu'u e feoa'i, ona ua le saogalemu nofoaga ua alaala i ai. Ua le toe tafafao tamaiti i fafo pe savavali fo'i i faleoloa, o tinā mātutua ua le toe savavali e ao mai a latou penisione pe asiasi atu fo'i i ni a latou uo e fai ai sina ipu lauti. O le ta'atele o kegi (gangs), lea e tumu i tupulaga talavou ua lē toe o i ni a'oga, ma o le to'atele fo'i ua pulea a latou olaga e fuala'au fa'asāina, o le ala tonu lea o lo'o fa'atupuina ai le fefefe ma le lē mautonu o tagata. O tupulaga o lo'o i totonu o ia kegi e le fefefe i le oti po o ni leoleo fo'i, ma e tele lava ona latou fa'asagatau i so'o se ituaiga pule. E ui lava ina talavou o i latou, a o nisi ua faia o ni solitulafono matuia. E mo'omia lava le lototele e feagai ai ma ia tagata, aua o le to'atele ua maua auupega mata'utia ma e le fefefe fo'i i latou e fa'aaoga ia auupega. A o lea ua amata ona va'aia le tete'e o nisi i ia kegi. Ua molimau nisi i ni tinā ua tutū fa'atasi ma ua le toe fia nonofo ma le fefe ona o ia tulaga. O lea tete'e ua amata ai ona fafa'i ese ai le amo ma fa'asa'olotoina ai le tele o fanau o lo'o maumau atu i ia kegi.

I le faitauga mo lenei aso, o lo'o fa'amatalaina mai ai o Tepora ma Iaeli. O i la'ua nei o nisi o tinā sa fa'apea ona fa'aolaina lo la'ua nu'u o Isaraelu ina ua la fasiotia o Sesera, le ta'ita'i 'au o le 'au tau a le tupu o Iapino. Sa maua lava le lototele ia Parako ona o le ta'utinoga a Tepora, ua ia iloa ai fo'i e ia o lo'o maua lona fesoasoani e feagai ai ma ia tagata leaga.

Tatalo: Le Atua e, ia e alofa ma foa'i le lototele ma le malosi mo i latou o lo'o nonofo popole ma fefefe ona o tulaga faigata o lo'o feagai ai. **Amene.**

Aso Lulu – Aperila 19: “Ua tu’u mai e le Atua le pese i o tatou loto”

Tusi Faitau – Fa’amasino 5:19-31 (*God puts a song in our hearts*)

Matua – ff. 26-27: *“Na tago atu lona lima i le fao, ma lona lima taumatau i le samala a le tufuga; ona ta lea e ia ia Sesera, ua momomo ai lona ulu; na ia tu’i ua ati i ona manifinifi. Ua punou, ua paū, ua taoto i ona vae; ua punou, ua paū i ona vae; o le mea na punou ai o ia, na paū oti ai lava.”*

O le masani lava i le tele o atunu'u i Aferika, e fiasia lava tagata e fai pesega. Latou te pepese i aso o maliu, o fa'aipoipoga, i taimi o oge, i taimi o lologa, latou te pepese lava i aso lelei fa'apea fo'i ma aso leaga. E latou te pepese fo'i i taimi o filemu ma taimi fo'i o taua, e tele ona fa'amatalaina ai o osofaiga fa'apea ma le feoti o a latou tagata. E tu'ufesili ai lava ma le mafaufau, pe fa'apefea ona talia ni pese fa'apea? O le tusi faitau o lenei aso, e masani ona ta'ua e nisi lenei mataupu i le tusi o Fa'amasino, “O le pese a Tepora”. O lenei faitauga o se fa'ata'ita'iga lea o se tasi o gasologa masani i totonu o le Tusi Paia, o le fa'amatalaina lea o se tala ae tusia fa'a solo ma fa'a pese. E manatua lava se tasi pese o tamaiti i le gagana fa'a Peretania, “*Ring-a-ring-o-roses...a tissue, a tissue, we all fall down.*” O lenei pese e masani ona usuina ma fai ai ta'aloga a tamaiti, a o lenei pese o lo'o fa'amatalaina ai se tasi o fa'ama'i oti sa malilili ai le to'atele.

O pese, e pei o tala malie, e fesoasoani mai e fa'ato'afilemuina lagona tiga e o'o mai i taimi o fa'afitauli. E mafai ai fo'i e le tagata ona iloa le eseese o le tagata ua a'afia, ma le tagata ua solitulafono, ma fatuina ai loa ma ni manatu ma mafauauga auā le aga'i i le lumana'i. O le totonugalemu o le olaga o Isaraelu lausalamo. Na atagia mai ai a latou tatalo, o o latou viiga, ma a latou auega i le olaga i aso taitasi, faapea foi ma o latou fesootaiga i le laveaiina ma le manumalo. I le taimi a o po po fou mai aafiaga o le Koviti-19, sa taofia ai tapua'iga ma ua le lagona ai fo'i pese ma vi'iga i le Atua, o se mea fou tatou te le masani i ai. A o tagata fa'atuatua lava ia a o'o ina potopoto, latou te tau fai pese atu ai ma si'i ai le vi'iga i le Atua.

Tatalo: Le Ali'i e le Atua, ia tu'u mai se pese i lo'u loto ina ia ou tatalo, vivi'i, ma auauna atu ai ia te oe i mea uma ou te faia. **Amene.**

Aso Tofi – Aperila 20: “Tapua’i i le agaga ma le upumoni”

Tusi Faitau – Fa’amasino 6:11-32 (*Worshipping in spirit and in truth*)

Matua – f. 13: *“Ona fai atu ai lea o Kitiona ia te ia, E! le alii e, afai ua ia te i matou le Alii, se a le mea ua oo mai ai ia mea uma ia te i matou; o ifea ona vavega uma, na ta'u mai ai e o matou tamā ia te i matou, ua faapea mai, e lei aveina ae ea o i tatou e le Alii ai Aikupito?”*

O mafutaga ma so'otaga e tatau ona fa'afesaga'i uma itū e lua ina ia moni ma solo lelei. E tatau ona saogalemu lou fa'aailoa atu o ou lagona i se tasi ua e ta'utino i ai. O Kitiona ua tauto atu i le Atua, ae ua leaga lava le tulaga ua o'o ai o ia ma lona nu'u. Ua latou nonofo lava ma le fefe ona o tagata Mitiana sa fa'apea ona osofa'ia

o a latou nofoaga; a o tatou va'aia Kitiona o sasaina le saito i se soligāvine gaogao ma e leai se uaina, o se ata lea o le leai o se mafua'aga e fiafia ai! A o lea fa'atinoga o se tete'e, e lē gata o le saunia o mea'ai a o lona tali atu fo'i i le agelu, e leai lava ma se mata'u iā Kitiona. Le ala lea sa fa'apea mai ai le agelu: 'Oe na le toa malosii!'

A i ai se a'oa'oga tāua o lo'o maua i lenei tusi, e fa'apea, o le silasila mai o le Atua i le tagata, e na te iloa mea e lē o va'aia e le tagata. O lenei tusi o se vala'au iā i latou uma o lo'o faitau i ai, ina ia latou va'ai i mea o lo'o va'aia e le Atua, e tusa lava pē a lē mafaia. Ua lē to'afilemū Kitiona i le Atua, auā e foliga ua tu'ulafoa'i i latou i mana'oga o a latou fili, ma ua ia fa'ailoa atu lenei mea i le agelu. E fa'apena fo'i i le nu'u, auā e to'atele lava ua fulitua i le Atua a ua latou tapua'i atu iā Pa'ala, o se atua ese ua latou suia ai le Atua lea sa fa'apea ona lavea'iina i latou mai i Aikupito. E o'o atu i le fa'ai'uga o la tatou faitauga, ua fa'aumatia le fata faitaulaga a Pa'ala ma ua toe fa'atuina e le Atua le filemu, e lē gata o totonu o Kitiona, a o totonu fo'i o le nu'u atoa.

Tatalo: Le Ali'i e le Atua, o le olaga nei ua faigata lava mo le to'atele. Tatala maia le faitoto'a mo i latou uma e mo'omia le fesoasoani e ola ai, ma fa'atuina i latou uma ua fa'avaivai. **Amene.**

Aso Faraile – Apr 21: “Faafilemu le vāvāō, ma tuua mea faaputupu”

Tusi Faitau – Faamasino 7:1-21 (*Silencing the noise and shedding the excess*)

Matua – f.4: *“Ona fetalai mai ai lea o le Alii ia Kitiona, e toatele pea le nuu; ia e aveina ifo i latou i le vai, ona ou tofotofoina ai lea o i latou mo oe i lea mea; o le ou te fai atu ai foi ia te oe, lua te o ma lenei, ona oulua o ai lea ma ia; o le ou te fai atu ai foi ia te oe, lua te le o ma lenei, ona le alu ai lea o ia.”*

Ua tatou ola nei i se vaitau o le fa'aputupu. O lo'o fausia ni fale fogafale tetele ona o le teuina o mea ua fa'aputupu e tagata. Ua tele ona fausia fale ona o lea tulaga o le fa'aputupu o mea, a ua le faia fale e nonofo ai. Pe o le manatu e fa'alagolago lava le tagata iā te ia lava ma taofimau i le tele o mea ua maua, e maua ai se fa'amautinoaga iā i tatou? O le fesili, e sili atu ea le tele o mea? I totonu o Evagelia, o a'oa'oga a Iesu i le fa'atuatua o lo'o ta'u mai ai e lē o le tele o lo tatou fa'atuatua, a o le tagata o lo'o fa'asino i ai le fa'atuatua lea – e tusa lava fo'i pe itiiti e pei o le fatu o le sinapi. O le tatou faitauga o lo'o ta'u mai ai o le Atua e mafaia ona fa'atinoina le galuega – pe itiiti, e sili lava lea! O le fa'agasologa lea sa tu'ua ma fa'aitiiti ai le fuainumera o tagata, fa'apea ma le feinu o le 'au tau a Kitiona e pei o ni ta'ifau, e mālie tele pe a manatu i ai. Atonu o se fautuaga lea a le tusitala i le manatu a Kitiona, ma i tatou fo'i, auā ua tele ona fa'amoemoe i le tele o tagata ma mea, nai lo'o le Atua; o se mea mālie fo'i lea pe a manatu i ai! O lo'o a'oa'o le Atua iā Kitiona e uiga i mea o lo'o mo'omia mo le fa'atuatua ma le olaga.

O le fa'atinoga lea sa faia e le 'au tau a Kitiona, o le ta'ei o fagu ma le ili'ina o pū, sa fa'atupuina ai le fefe ma le mata'u i le 'au tau a Mitiana. E ui i le latou la'ei i ofu tau, a ua latou sosola ina ua latou fa'alogoina nei mea uma. Ua fa'aalia mai ai le latou vaivaiga ona o le latou fa'amoemoe ma fa'atuatua i le tele o mea. Pe tutusa ea lea ma i tatou? O le tele o a tatou mea, e fa'aitiitia ai lo tatou fa'amoemoe i le

Atua mo le saogalemū o le tatou ola. O le fa’atuatuaina o ia ma le fa’amaoni, o le taumafai lea e tu’ua le tele o mea ua tatou fa’aputuputu.

Tatalo: A’oa’o mai, le Atua le tupu silisili, ina ia matou fa’amoemoe ma fa’atuatua iā te oe, le Atua na foafoaina mea uma. **Amene.**

Aso Toonai – Aperila 22: “Malosi i le vaivai” (*In weakness, strength*)

Tusi Faitau – Fa’amasino 8:22-35

Matua – f.22-23: “*Ona fai atu ai lea o tagata o Isaraelu ia Kitiona, ia e pule ia te i matou, o oe, ma lou atalii, ma le atalii o lou atalii; auā na e faaolaina mai i matou ai lima o Mitiana. Ua fai mai Kitiona ia te i latou, ou te le pule ia te outou, e le pule foi lo’u atalii ia te outou; e pule lava le Alii ia te outou.*”

O le taimi muamua lea i le Tusi Paia ua fa’asino mai ai le mea o lo’o aga’i i ai le nu’u filifilia o le Atua – o le a faia se tupu mo i latou. O Fa’amasino sa fili mai i so’o se tagata, e tusa lea ma mana’oga a le nu’u i le vaitau. A o le filifilia o le tupu e fa’au’uina muamua, e va’aia le itūaiga tagata, ma e fa’atonuina e le Atua. Ua tele ona fesāga’i le nu’u ma tupu o Kanana ia sa pulea a latou olaga, ma o le ala lea ua latou manatu ai e faia se latou lava tupu. E lē manino tele le faitauga ma o lo’o ta’u mai le tete’e a Kitiona i le manatu a le nu’u, a ua fa’aigoaina lona atali’i iā Apimeleko, o lona uiga, “O lo’u tamā le tupu”! E ui i lea, ua fa’ata’atia mai ai se felafolafoa’iga mata’utia i Isaraelu, pe tataua ona faia ma i ai se latou tupu e pei o isi nu’u. O Kitiona na aveva ma fa’aola, fa’amasino, ma atonu fo’i o se tupu. Ae peita’i, i le fa’ai’uga, na ia fa’aalia lava vaivaiga e pei o i latou sa muamua iā te ia, ma na ia fa’aailoa mai fo’i o ia e na o se tagata. I le amataga o le tusi na ia manatu o ia lava e vaivai ona e leai sona poto ma ua lē mautonu lava ia, ae sa fa’aaogāina lava e le Atua. E ui i lea, ina ua fa’atupuina lona talitonu ma lona malosi, ma ua fa’ato’uilaloina le ‘au Mitiana, ua iloa lava lona vaivai ina ua ia manatu e sili lava ia. E tusa ma tagata o le nu’u filifilia, ua galo iā te le Tupu, Fa’amasino, ma le Fa’aola moni a Isaraelu o le Atua.

Tatalo: Le Ali’i e, e ui o i matou o se fanau e fa’agalagalo, ia aua lava ne’i matou fa’agaloina oe lo matou Tupu, lo matou Ali’i, ma lo matou Fa’aola. **Amene.**

FA’AMASINO O ISARAEU—*Judges of Israel*

2 – Iefata ma Samasoni (*Jephthah and Samson*)

Aso Sa – Aperila 23: “O ai e alu a’e mo i matou?”

Tusi Faitau – Fa’amasino 10:6-11:11 (Who shall go up for us?)

Matua – f. 14: “*O ia, ina valaau atu i atua ua outou loto i ai, se’i latou faaola ia te outou i ona po o lo outou puapuaga.*”

‘O ai e alu a’e mo i matou?’ E fa’apena le fesili o lo’o maua i le tusi o Fa’amasino 1:1. O le vaiaso lea ua tuana’i na tatou va’ai ai i le lūgā ma le lālō o le tulaga a Isaraelu i lalo o le ta’ita’iga a Tepora ma Kitiona. O lenei vaiaso o le a tatou fa’asaga iā Iefata ma Samasoni. O i la’ua ea lenei o le a lavea’i i le nu’u filifilia? O lo’o manino mai i le faitauga o lenei aso le tumau o Isaraelu i le loto maa’a, ma e lē o taumafai lava i latou ina ia fai se suiga. O Isaraelu ua tapua’i ma

mulimuli i atua ese, ma o le tali atu a le Atua i lea tulaga o le tu'u o i latou e fesāga'i ma puapuaga ma faigata e o'o mai ona o le latou filifiliga. E faigata pe a tatau faitau i ai; ae sā tigāina le finagalo o le Atua ona o le puapuaga o Isaraelu (f.16). Ae o lo'o i ai le fa'amoemoe i tua atu o ia mea.

Nai lo'o Tepora ma Kitiona, o lo'o fa'amatalaina le fanau mai o Iefata. O se ta'ita'i ese ia, e tusa ai ma le fa'amatalaina o le tala. E pei o Tavita ma isi ta'ita'i o Isaraelu na mulimuli mai iā te ia, o le tala iā Iefata o se tala i le tūtūmau, o le lototele, ma le amio fa'amaoni. O Iefata na fanau mai i le fafine talitane, o se fafine i la vaitau e leai ni ona 'aiā tatau ma e tulaga maualalo i totonu o nu'u; e lē manuia la le amataga a Iefata. Sa tulia ia e ona uso, fa'apea fo'i ma tagatānu'u uma, ma ua ia fa'apotopoto atu o tagata fa'atauva'a e feoa'i fa'atasi ma ia, ma ua manuia ai o ia. E faigata ona talitonuina, o ia o le a fa'afo'isiaina Isaraelu i ala o le Atua. O le a le mea o le a o'o mai i lona ta'ita'iga?

Tatalo: A o'o ina motusia lo matou fa'amaoni, le Atua e, ia tumau pea lou fa'amaoni iā i matou. **Amene.**

Aso Gafua – Aperila 24: “Tautoga e le fa'avaea” (A rash vow)

Tusi Faitau – Fa'amasino 11:29-40

Matua – ff. 39-40: *“Ona fai lea ma tu ia Isaraelu, o lea tausaga ma lea tausaga ua o ai afafine o Isaraelu e vivii i le afafine o Iefata le Kiliata e taifa aso i tausaga.”*

E tau tutusa le tala iā Aperamo ma Iefata. O Aperamo e tasi lava lona atali'i, lea sa fetalai le Atua e osi ai le taulaga, ae sa taofia e le Atua ma na fa'asao ai le atali'i sa folafolaina e le Atua. O Iefata e tasi lava lona afafine, lea sa fa'apea ona ia faia ai le tautoga i le Atua; sa lē taofia pe fetalai mai le Atua, ma na i'u ai lava ona osi le taulaga a Iefata i lona afafine. I le tasi tala, o lo'o fa'amatalaina le tulaga ese o le usita'i a Aperamo, le tamā o fa'atuatuaga fa'a Kerisiano, fa'a Iutaia, ma fa'a Mosalemi. A o le isi tala, o lo'o fa'amatalaina ai le fa'avalevlea o le tagata, ma le lē taofia e le Atua. E leai se isi tala e sili atu ona pogisā i le tusi o Fa'amasino nai lo'o lenei tala, vagana ai le tala i le palake a le sā Levī lea o lo'o fa'ai'uina ai lenei vaiaso.

E o'o lava i le igoa Mesepe lea o lo'o ta'ua i lenei tusi, e i ai lona fa'auigaga uiga ese. O le uiga o le igoa o lenei lau'ele'ele o le “va'ai”, masalo e fa'asino aga'i i se 'olo i luga o se mauga e va'ava'ai ai ma puipua ai le nu'u. A o Iefata o se ta'ita'i e lē taitai ona va'ai. Ua ia tauto fa'atinati, a ua ia lē manatunatu i se mala o lo'o i tua atu. A o Aperamo, na ia fa'asaga a'e i le fetu o le lagi ma ua ia va'aia o ana sulī. E lē gata i lea a ua misi fo'i iā Iefata le uiga moni i Isaraelu o le osiga o taulaga, e ui i le tāua tele o le osi o le taulaga, a o se mea e faia fua; e lē mafai ona suia ai le finagalo a le Atua o Isaraelu. Ina ua ia tu'uina atu lona afafine i le Atua, ua ia fa'asesēina lava lona fa'atuatuaga. O le lē taofia e le Atua le fa'avalevlea a Iefata e faigatā lava ona talia – a o le upumoni lava e pa'ū lava lona fa'avalevlea iā te ia lava. Sā le mafai lava e Iefata ona talia lona sesē, ma ua ia tautu'ua'i solo lana valea. E pei o isi fafine i le tusi o Fa'amasino ma fafine fo'i i nei ona po, ua totogi e lenei fafine le ta'usalaina ma le sesē a le isi tagata.

Tatalo: Le Atua alofa e, matou te talosia i latou uma o lo’o fa’asauāina, ae maise o fafine ma tama’ita’i o lo’o feagai ma sauāga i totonu o latou lava aiga.
Amene.

Aso Lua – Aperila 25: “O se fafine potō” (A wise woman)

Tusi Faitau – Fa’amasino 13:2-25

Matua – f.7: *“O le a to oe, e te fanau foi le tama tane; o lenei, aua e te inu uaina po o se ‘ava, aua foi e te ‘ai se mea leaga, auā e faia le tama ma naseri i le Atua, e afua mai ina fanau, e oo i le aso o lona oti.”*

E ui lava i le lē ta’ua o lona igoa, o lo’o fa’atāuaina i lenei aso le tinā a Samasoni ona o lona va’aia ma talileleia o le ave feau a le Atua. E pei o Sarai i le tusi o Kenese, fa’apea ma Elisapeta ma Maria i le Feagaiga Fou, o le tinā a Samasoni o se tagata ua naunau e auai atu i ala ofoofogia ma fa’avavega a le Atua. E moni, o lenei tala ua mulimuli i se faiga masani lea sa fa’apea ona tusia ai nisi o tala i le Feagaiga Fou. O lo’o mapu mai ai fo’i mai i tala o le agasala ma le malepepepe lea o lo’o fa’amatalaina mai i le tala iā Iefata. Lea ua tatou fetai’a i ma feagai ma le tala i le lalolagi o lo’o tatala atu mo le afio o le Atua paia. O le folafolaina atu i mātua a Samasoni le tulaga o le a o’o i ai, na alu a’e ai le agelu a le Ali’i i le mumū o le afi o le fata faitaulaga. Na mata’u lava mātua a Samasoni ona ua la va’aia le Atua (f.22), e pei fo’i ona mata’u Elisapeta ma Maria i se vaitau o i luma.

O lo’o fa’aaogaina le upu “silisili” i lenei tala e fa’amatalaina ai le Atua (f. 18). O le upu lava lenei o lo’o fa’aaoga i le Esoto 15:11 e fa’amatalaina ai le vavega lea sa fa’apea ona vavae ai e le Atua le Sami Ulaula. E fa’a tolu fo’i ona fa’aaogaina lenei upu i le Salamo 139, o lo’o fa’amatalaina ai e le faisalamo lona mata’u i ala silisili o le Atua. O le igoa Samasoni i le gagana Eperu e tau tutusa ma le upu Eperu lea o lo’o fa’aaogaina ai le lā. E pei o Samuelu, Tavita, Ioane le Papatiso, ma Iesu, o lo’o fa’agae’etia o ia e le Agaga o le Ali’i (f.25). O ia ea lenei o le a togiolaina ona tagata?

Tatalo: Le Atua o ‘au, tatala o matou mata ina ia matou iloa i latou ua lē iloa ma lē igoā—ma ia fesoasoani ina matou fa’atāuaina i latou ona o lou fa’aolataga,
Amene.

Aso Lulu – Aperila 26: “Samasoni fai togafiti” (Samson the trickster)

Tusi Faitau – Fa’amasino 14:1-20

Matua – f.14: *“Na alu atu le mea e ‘ai nai lē ‘ai mea; na alu atu foi le mea suamalie nai lē malosi.”*

E vave lava ona mou o le fa’amoemoe i se togiola e ala mai iā Samasoni pe a tatou faitau i le tala atoā. Nai lo’o se ta’ita’i e potō ma fa’autauta – se tasi e malamalama e pei o lona tinā pe talimālō fo’i e pei o lona tamā – ua naunau lava Samasoni e fa’amalie lona loto, lea sa ia naunau ai i le fafine Filisitā (f.2). Ua lauiloa o ia i le Tusi Paia ona o lona malosi, a o le mea moni lava o ia o se tagata e pito sili ona vaivai, e tauaso lava o ia ona o lona naunau i mea e fa’amalieina ai. O le mea e ‘ai, o lē malosi, ma le mea suamalie...o upu nei a le tupua a Samasoni i le

f.14 e fa'amatalaina ai le tu'inauga i le tausama'aga o le fa'aipoipoga. O ia fo'i upu o lo'o atagia ai le Pese a Solomona 8:6, "Ua malosi le alofa e pei o le oti; ua fa'aululumau le tu'inanau e fa'apei o le tu'ugamau". O le "malosi" ma le "suamalie" e fa'amatalaina ai le tulaga o Isaraelu. O le Atua o Isaraelu e malosi o ia e lavea'iina ona tagata; ua ia tu'uina mai fo'i le ala i le ola, o le tulafono e suamalie e pei o le meli.

I lea la fa'amatalaga, e mafai ona avea Samasoni ma fa'atusa o ona tagata. E pei o Samasoni, ua naunau fo'i Isaraelu i mea e fa'amalieina ai e pei o tagata nu'u ese e fai mo latou avā fa'apea fo'i ma atua o ia nu'u ese, e tusa ai ma le va'aiga lea i le tusi o Fa'amasino. E pei fo'i o Samasoni, ua latou gaoioi e aunoa ma se mafaufau. Ua tu'ulafoa'ia e Isaraelu o tiute fa'aletapua'iga, ma ua latou fa'agalo fo'i i le feagaiga. Pe o se fuafuaga ea lenei a le tusi o Fa'amasino, o le fa'aali mai o vaivaiga i le fa'atuatua o Isaraelu? E lu'i e le tusi o Fa'amasino masalosologa uma e fa'ataui i le lelei o le tagata. O lo'o i ai le lumana'i e mafai ai ona salamō, a ua fultua lava Isaraelu i lo latou Atua. O i tatou tagata faitau ua molimau lava i le fa'atamala o Isaraelu. Ae o lo'o tumau lava le alofa a le Atua e o'o i le oti.

Tatalo: Le Atua o le ola, a'oa'o mai ina ia matou fiafia i ou afioga paia, ma ia ta'ita'iina ai lom matou ola. **Amene.**

Aso Tofi – Aperila 27: “Samasoni ua alofa” (*Samson in love*)

Tusi Faitau – Fa'amasino 16:4-22

Matua – f.19: *“Ua na faamoe ia te ia i ona vae; ona valaau lea i le tagata e tafti i fuafuati e fitu o lona lauulu, ona afua ai lea e ia ona faatiga ia te ia; ua mavae lona malosi ai ia te ia.”*

O le faitauga fo'i o lenei aso o lo'o fa'amatalaina ai fo'i le vaivai a Samasoni – a o lea la ua alofa o ia i se tasi, ma ua ia mana'o i ai (f.4). Pe ese ea lenei taimi? E lē tau fa'ailoa atu, o lenei tusi o Fa'amasino e lē matagofie le fa'amatalaina o le itūpā vaivai. E ui o lo'o fa'amatalaina ai ni ta'ita'i fafine malolosi e pei o Tepora ma Iaeli, ae o lo'o fa'amatalaina ai fo'i le fa'asauāina o fafine e pei o le tala i le palake a le sā Levī, fa'apea fo'i ma le tala i le afafine a Iefata. O Talila la ma isi fafine o lo'o ta'ua i totonu o lenei tusi, e suia ai lea tulaga. E ui i le malosi o Samasoni, na ia to'ilalo lava ona o Talila. Ua fa'aali mai lava e Talila, e pei fo'i o le āvā na muamua iā te ia, e sili atu lana fa'amaoni i lona nu'u, nai lo'o lana fa'amoni i lona to'alua o Samasoni. O nei fafine, atonu o ata ia o le fa'amaoni e tatau iā Isaraelu. E o'o fo'i i le tinā a Samasoni, e ui e lē ta'ua mai lona igoa, ae o lo'o fa'aali mai i ona uiga le fa'amaoni ma le fa'atuatua e tatau i le nu'u filifilia.

E lē pei o Samasoni ma Iefata. E ui o i la'ua o ni toa malolosi, ae telē lava le vaivaiga iā i la'ua. O uiga fa'a ta'ita'i ma le fa'atuatua ua ta'ua fa'atauva'aina ona o fa'ata'ita'iga ua tu'uina mai e Talila ma isi fafine. I le i'uga, o le malosi a Samasoni na maua lea i se tulaga ese: o lana tautoga fa'a Naseri, e lē o sona lava malosi. E lē o fa'atāuaina tele lea tautoga i le tala, a o lenei tautoga e pei o se feagaiga ua ala mai ai le malosi. O lo'o lu'i mai e Fa'amasino i tatou ina ia tatou va'ava'ai i tua atu o mea ua masani ai, ma taumafai ona tatou iloa le Atua o lo'o galuea mai i tua o ona tagata. Na i'u leaga lava Samasoni. O le nu'u o Kasa na ia feiloa'i ai ma fafine

talitane; o lea fo'i nu'u na nonoa ai o ia i fusi 'apa memea, ma ua olo saito ai o ia e pei o se manu (f.21). Ua tauaso o ia ona o mana'oga a le tino, ma na i'u ai lava ona sali ese ona mata e Filisitia. Pe moni ai ea lo tatou va'ai i lenei olaga?

Tatalo: Le Atua agalelei e, a'oa'o mai ina ia matou ta'ita'i ma le fa'atuatua, le moni, ma le fa'amaoni ina ia iloa ai o lou pule alofa. **Amene.**

Aso Faraile – Aperila 28: “Toa o le tatalo” (*Prayer warrior*)

Tusi Faitau – Fa'amasino 16:23-31

Matua – f.28: *“Le Alii e le Atua, i e manatua mai, ma e faamalosi mai tau lava i lenei toe mea, le Atua e, ina ia ou tau ma sui faatasi ia Filisitia i o'u mata e lua.”*

I le fa'atinoga mulimuli a lenei tala iā Samasoni, ua tau ai atu Samasoni i le 'au Filisita lea ua pu'e fa'apagota ma fa'asauāina o ia. O Samasoni sa lē fa'atāuaina lana tautoga atoa ai ma le amio mama fo'i, a ua ia talepeina se fa'aailoga i se tupua, o le malumalu i se atua fa'apaupau. Ua tauemu ma tau fa'alili e le 'au Filisitia o ia, ma ua avea le toa ma se mata'aga e fa'afiafia ai tagata. Ae o lo'o i ai se togafiti mulimuli o lo'o taumafai ai o ia. Ua ia tatalo i le Atua ina ia fa'afo'isia ma fa'afoi tasi mai le malosi iā te ia, ma ua ia talepeina ai le malumalu i luga o ia ma le 'au Filisitia. E ui lava i le sali ese o ona mata, le saisaitia o ia, ma le vaivai o lona tino; e tele atu Filisitia na fasiotia e Samasoni i lona oti, nai lo'o lona olaga atoa. Ina ua ia fa'aali le fa'atuatua ma tatalo atu i le Atua – o se fa'atusa iā Tanielu a o feagai ai ma sauāga – na sili atu ona aogā lea nai lo'o le malosi lea sa ta'uta'ua ai o ia.

E ta'u la le olaga a Samasoni o se manumalo, po'o se mala? O ia o se toa, po'o se vale? O se tagata a le Atua, po'o se tagata ua to'ilalo i mana'oga a le tino? O le tala moni, o ia mea uma e mafai ona fa'amatalaina ai Samasoni; o se tala e tele ona fa'auiaga e pei o le tupua lea sa ta'ua e Samasoni. O le malosi ma le suamalie, o le alofa ma le tu'inaanau, o le ola ma le oti: o ia mea uma e fa'amatalaina ai lona olaga. O le tala iā Samasoni o se tasi o tala mata-gofie, ma e lelei fo'i le tu'ufa'atasiga i totonu o le Tusi Paia. Na toe aumai lona tino e ona tagata, ma na tanu fa'atasi o ia i le tu'ugamau a lona tamā. I lona oti, a e lē o lona ola, ua mālolō fa'atasi ai Samasoni ma ona tagata.

Tatalo: Le Atua malosi, o a matou olaga e atagia ai o matou tagata. A'oa'o mai ina ia matou saili iā te oe i mea uma matou te faia. **Amene.**

Aso Toonai – Aperila 29: “O se fafine ua nutimomoia” (*A broken woman*)

Tusi Faitau – Fa'amasino 19:10-30

Matua – f.30: *“E le iloa foi se mea faapena talu le aso na o mai ai le fanauga a Isaraelu mai le nuu o Aikupito e oo i lenei aso; ia outou manatunatu i lenei mea, ia outou filifili, ma fai mai so outou loto.”*

Ina ua maliu Samasoni, ua leai se isi e ta'ita'iina le nu'u o Isaraelu. Ma o fa'afitauli uma ia sa tula'i mulimuli mai, e mafai ona fa'amalamalamaina lea i se tala e toetoe lava a lē mafa'amatalaina: “O le palake a le sā Levī”. Fai maia lea tala ua malaga atu le tagata sā Levī lea sa nofo i itū mauga o Efaraima e toe aumai lana āvā (o le palake le fafine, ma o palake i Isaraelu anamua e maulalo a latou tulaga). Ina ua lā toe faimalaga mai, ua amata ona pogisa ma ua lā saili se mea e malolo ai.

O le nu'u o Kipea na fa'afeiloa'i atu ai se tasi o toeaina, ma na ave i lona fale e fai ai se malologa. Ina ua po ifo le aso ua si'omia le fale a le toeaina i tagata ulavavale ma ua latou patu'i i le puiptui ma fa'apea atu i le toeaina, e tu'u atu le tagata sã Levī i fafo. E manino le latou fa'amoemoe ina ua ofo atu e le toeaina lona lava afafine fa'atasi ai ma le palake a le sã Levī. Ua pu'e atu i le palake, ma ua latou fa'amalosi ma fa'aleaga iã te ia i le po atoa, ina ua malama le taeao ua fa'amalosi lava le palake e toe fo'i i le fale a le toeaina. Ua maua atu e le tagata sã Levī o lana palake, ua paū i le faitoto'a o le fale ma ona lima ua i le faitoto'a. Sã lē i'u lelei lava lea tala, auā na taunu'u atu loa i la'ua i le fale ua tago ifo le sã Levī i le polo ma pena le palake i tufa'aga e sefulu, ma avatu i itū uma o Isaraelu.

E tusa ai ma le tala i le afafine o Iefata, o le tala i le palake a le sã Levī o lo'o fa'amatalaina ai sauāga i fafine. O ia tala uma e lua e tau feso'ota'i ma le tala i le taulaga na toetiiti osi e Aperaamo iã Isaako i le tusi o Kenese 22, e tau atagia mai ai fo'i i le faitauga o lenei aso le tala i le vala'au atu o Saulo iã Isaraelu i povi ua vaevaea i le 1 Samuelu 11:7. O le faitauga ma le tala o lenei aso e aumai ai se lu'i. Pe tataua ea ona ufitia ma lē ta'ua mea sa tutupu i lea tala? Pe talia ea e le Atua le amio leaga o Isaraelu? Mafaufau loloto i ai, talia fautuaga, ma tautala atu e fa'ataua i ia tulaga!

Tatalo: Le Atua agalelei e, matou te talosia o tama'ita'i ma fafine uma o lo'o fa'asauāina i lima o tamaloloa. Matou te tatalo fo'i ina ia latou maua le fa'amalologa ma le fa'amasinoga tonu. **Amene.**

FALETUSI O TUSITUSIGA PAIA (2) *Biblical library*

Talafa'asolopito (*History*)

Aso Sa – Aperila 30: “Ina ua mavae Iosua” (*After Joshua*)

Tusi Faitau – Fa'amasino 6:1-10

Matua – f.10: “*Na ou faapea atu foi ia te outou, o a'u o le Ali'i lo outou Atua; aua tou te matatau i atua o sa Amorī, e o latou le nuu ua outou nonofo ai; a ua outou le anaana i la'u upu.*”

E ese ma lo'u fiafia e faitau i tala, e pei o tala a le Tusi Paia lea o le a tatou va'ai i ai i lenei vaiaso. A e vave lava ona ou fiu i tusi ia e tele fa'amalamalama: o itulau e tau fa'amatala ai se mea e tasi, o itulau ua tele ai ona fa'atalatalanoa ai o tagata, fa'apea fo'i ma itulau e toe fa'afo'i ai i tua le tala ina ia fa'aילו mai ai se tasi tagata o i le tala. E pau lava le mea e fia tulimata'i i tala, po'o le a le mea o le a soso'o mai i le tala, ia fa'agasolo pea le tala, ma ia iloa gaoioiga uma o le a faia. E leai fo'i se eselega ma le Tusi Paia: o lisi o gafa, fa'apea ma lisi fo'i o tulafono – pau le mea ua fia iloa, po'o le a le mea o le a soso'o mai i le tala!

O le faitauga o lenei aso e muamua lea i le tala iã Kitiona: ua amio leaga tagata o Isaraelu ma ua latou alalaga atu i le Atua mo se fesoasoani. Ua ou faitau i luma atu i le tala i le feiloa'iga ma le agelu, le fa'apea atu o le agelu “Oe na le toa malosi”, le tala i le fulufulu mamoe, le tala i le vavae o le tupua o Asaria, ma le tala i le feinu o le 'au tau. A o le mea moni lava, o le fesoasoani lea sa alaga atu ai o tagata e lē amata lea i le lavea'i o i latou e Kitiona, a e amata ina ua latou iloa le

mafua'aga o le latou tigāina. “Ua outou lē anaana”. A lē iloa e latou le mafua'aga o le latou tigāina, e leai se lavea'i e maua e i latou. O e alaga atu e ai le Atua mo se fesoasoani? Aua tatou te fa'anatinati e fa'alēaogaina o auega, ma le ta'u atu o agasala, ma le salamō, ma le toefuata'ina. Aua tatou te tulimata'i le taunu'uga, ae fa'agaloina le faigamalaga.

Tatalo: Le Ali'i e, fesoasoani mai ina ia aua ne'i matou fa'anatinati i lou finagalo ina ia matou taunu'u ai i mea ua matou fiafia i ai. **Amene.**

Aso Gafua – Me 1: “O le mea e te alu i ai, oute alu ai fo'i”

Tusi Faitau – Ruta 1:1-19; 4:11-17 (*Where you go, I will go*)

Matua – ff. 1:16-17a “*A ua fai atu Ruta, aua e te finau ia te a'u ina ia ou tu'ulafoa'i ia te oe, ia le mulimuli atu ia te oe; auā o le mea e te alu i ai, oute alu ai fo'i, o le mea e te nofo ai, oute nofo ai, e fai lou nu'u mo'u nu'u. O le mea e te oti ai, oute oti ai, e tanu ai fo'i a'u.*”

O se tala e ofo'ofogia le tala ia Ruta! Peita'i e le mafai ona tatou malamalama i ai pe afai ua na ona tatou faitauina ua se tala. Ua amata i le taimi o le oge o Petele'ema. Peita'i a faitau i le loloto, o le uiga o Petele'ema ‘O le fale o areto’ (*House of bread*). O le a'ai sa tamaoai i le areto, ae ua leai ni areto. Ua o i Moapi – o le nu'u na fa'asa e Iutaia e pei ona i ai i le Feagaiga Tuai: Lea ua tatou iloa le mafua'aga o le maliu o Emeleka ma lana fanau – ua latou o ese mai le puipuiga a le Atua, mai le a'ai o manuia ma aga'i i le a'ai ua malaia. Ua toe fo'i Naomi ma ave Ruta.

Ua faaii le tusi o Ruta i le gafa. O le tala ia Ruta o le tala i le tagata sa ola i le olaga masani, pei e le malamalama i le Atua, ae mulimuli i ona ala ona o le faatuatua. E i ai taimi e fa'aaoga ai e le Atua le olaga masani ma liliuina i se tulaga ese ma le maoa'e, e pei ona i ai le tala i le fa'aipoipoga ma le pepe, ma uma ai le tala ia Ruta. A o tua atu o lo'o taoto ai le gafa. Mai ia Opeta, na fanau mai ai Iese, Ua fanau Tavita mai ia Iese, ae le'i gata ai i na le galuega a le Atua. Ina ua sau le togisala mo tagata uma, o le Tupu o Tupu ma le Alii o Alii.

Tatalo: Aumaia lou filemu ma le onosa'i Tamā, matou te saili ai i lou finagalo ina ia matou iloa ai le atoatoa o lau afio. **Amene**

Aso Lua – Me 2: “Fa'au'uina le Tupu” (*Anointing the King*)

Tusi Faitau – 1 Samuelu 16:1-23

Matua – f. 7: “*A ua fetalai mai le Ali'i ia Samuelu, aua e te va'ai i lona tino, auā ua ou tete'e ia te ia; auā e le va'ai le Ali'i pei o le va'ai o tagata, auā e va'ai le tagata i le tino, ae va'ai le Ali'i i le loto.*”

Na tofia Mose ma Iosua e avea ma ta'ita'i tumau. E ese mai ai le vaitau o Fa'amasino; ua fa'atuina e le Atua ina ua mana'omia. E ese le vala'auina o nei tagata – ua vala'auina ma le fa'amoemoe ia atagia ai aga fa'ale-Atua, ae le o le fa'ata'ita'i i malo tuaoi. Peita'i ua latou te'ena lea mea ma ua latou tagisa i le Atua ina ia foa'i mai se latou tupu, e pei o isi atunu'u. Ma ua foa'iina ai e le Atua Saulo, o le ua foliga e pei o se tupu. E mafai ona avea foliga va'aia ma mea taufa'asese! E pei o se tala o lo natia ai se uiga loloto. O se tagata ua foliga o se tupu; ae le o se

tupu. E tatau ona tatou iloa ona va'ai e pei o fofoga o le Atua i tulaga o mea ma tagata, ma va'ai i le manino o lo'o i ai i lalo o nei tulaga. Auã a le mafai ona tatou iloa, ona sese lea o le tatou fa'ai'uga fai i le tagata, ma i'u ai e pei o se sosi ua le lelei lona tofo i le gutu.

Tatou va'ai i tua o le tala. O Hana o le tinã o Samuelu, ua tatou iloa le amataga o le tala. Le tagata sa va'ai i le tulaga i fafo atu, ina ua va'aia e Eli mafatiaga o Hana ma ia fa'amasinoina ai ua onã i le uaina. Ae ua finau Hana ina ia va'ai i tua atu o ona mafatiaga. Ma o le mea fo'i e tatau ona faia e lana tama o Samuelu, atoa ai ma i tatou.

Tatalo: Le Atua e, saili mai ma fa'aailoa maimea uma o natia, susulu mai lou malamalama ina ia ou iloa a'u atoa ai ma nisi. **Amene.**

Aso Lulu – Me 3: “Solomona” (Solomon)

Tusi Faitau – 1 Tupu 1:1-18

Matua – ff. 5-6: *“O Atonia o le tama a Akita, ua fa'amauuluga o ia, ua fa'apea, Ou te fai ma tupu. Ua ia faia fo'i mona o le nofoa fa'ata'avalevale, ma e ti'eti'e i solofanua, ma tagata e to'alimagafulu e taufetuli i ona luma. E le'i fa'atigaina o ia e lona tamã talu ina tupu mai, ilona fai atu, Se a le mea ua e fa'apea ai? O ia fo'i ua aulelei lona tino; na fanau o ia o le tua o ia o Apisaloma.”*

Na fa'aaoga e Tavita lona malosi e fa'ataunu'u ai lona ola tu'inanau ia Patesepa, ma ua aunoa ma sana fa'ai'uga e fai ma toso fa'amalosi ai o ia. Ua ia taumafai e ufiufi lana solitulafono ma i'u na fasiotia ai Uria. A tatou toe va'ai i tua atu mo se fa'ata'ita'iga. Ua tatou iloa ai, na toso fa'amalosi e Amanano le atali'i o Tavita ia Tamara lona afa-tuafafine (half-sister) ma na ufiufi e Tavita e aunoa ma se mea sa faia ai. Ona fasiotia lea e Apisaloma o Amanona, le mea sa le'i mafai ona fa'atino e Tavita.

I le faitauga o le aso, e toalua atalii o Tavita o lo'o totoe; o lo'o tau mo le nofoali'i ona e le'i fa'aילוaina fa'alauaitete e Tavita po o ai ua ia tofiaina. Na ia ta'u fa'alilolilo ia Patesepa o Solomona, ua aunoa ma se a'oa'ia o Atonia ma fa'aילוa ai le mea ua sili i le tupu. Ua tatou manino ai fo'i i le vaivai o le a'oa'iga fa'a-matua o Tavita. E pei fo'i o lona tamã o Iese, ua ia le manatua sona atali'i e igoa ia Tavita.

O le fa'amoemoe o tupulaga ua uma ona totoina i tupulaga o le tuana'i. Ua amata le tala i le maua e Tavita o se isi fafine lalelei i lona olaga, ae ua fa'ai'u i le tulaga le fa'atuatuaina ma le talafeagai i totonu o le mafutaga. Ua maua e Solomona avã e 700 ma palake e 300. Ua taua'imisa atali'i e to'alua o Tavita po ai e nofo mai i le nofoali'i o lona tamã, ua vaevaeina le malo ina ua mavae Solomona. A tatou va'ai i le tulaga o le tala, ua tatou iloa atili ai le alofa tunoa o le Atua ma lona finagalo fa'aילוa.

Tatalo: Le Agaga Paia e, faamolemole ia pupula o'u mata ina ia ou malamalama i tala o le Tusi Paia. **Amene**

Aso Tofi – Me 4: “I le tafeaga” (Into exile)

Tusi Faitau – 2 Nofoaiga Tupu 36:1-23

Matua – ff.15-16: *“Ua a’auina mai ia te i latou e le Ali’i le Atua o latou tamã o e ave ana feau, ua ala a’auina lava i latou; auã ua na alofa i lona nu’u ma lona afoaga; a ua latou fa’atauemu i e na a’auina mai e le Atua, ma ua ino’ino i ana afoaga, ma ula i ana perofeta, ua o’o ina tupu le to’asa o le Ali’i i lona nu’u, ua o’o ina leai se fofo.”*

O Ioasasa, Ioakima, Ioakina ma Setekaia – o tupu mulimuli nei o le malo o Iuta sa sili ona leaga i e na muamua ia te i latou. A faitau i tusi o Tupu ma Nofoaiga a Tupu, ona tatou iloa tonu lea o uiga ua aumai e le tala: o tupu ua latou faia mea leaga ma oti ai. Ona ia maua lea o manuia mai se tasi ua sili atu lona leaga, ma fa’apena ai lava, se’ia o’o ina toe fa’ailoa le Atua e ala i perofeta ina ia o latou toe maua le tulafono, po le a sauaina i latou ina ia toe fo’i ai i le Atua.

E tutusa lelei manatu o lo’o mamananu i mataupu ta’itasi o le tusi 1-2 o le Nofoaiga Tupu. O lo’o aumai ai le uiga o le alofa mutimutivale o le Atua, o le ola onosa’i, a’o le alofa tunoa o le Atua e fa’ailoa ma fa’aalia pea, e ui i se ola sese. E le mavae le alofa o le Atua, ae leai se mea e toe mafai ona fai, ua ia faia uma, ae ua leai se aoga, o lea, o le a lagona e tupulaga o mulimuli mai a latou filfiliga sa fai. Ma e o’o i le tulaga fa’anoanoa ma o le a leai se fofo. Na faia e le Atua mea na latou manana’o ai, ina ia pei o isi atunu’u ma latou aganu’u, e pei o le i ai o le tupu, ave fa’atasi ma fa’atagataotauaina.

Tatalo: Le Alii e, ia e fesoasoani mai ina ia matou loto atu ia te oe, ma tali atu pea i lou finagalo, ina ia fa’apa’iaina i matou e pei o oe. **Amene.**

Aso Faraile – Me 5: “Toe fo’i” (Return)

Tusi Faitau – Esera 1:1—2:70

Matua – ff. 2: 64-67: *“O le aofa’i o le fa’alapotopotoga uma, e fasefulu o afe ma afe e lua ma le tolu ma le tolu selau ma le to’aonogafulu; o a latou auaua tane ma latou auaua fafine, o ilatou ia e fitu afe e tolu selau e to’atolugafulu ma le to’afitu; sa ia te i latou fo’i o tane pepese ma fafine pepese e to’alua selau. O a latou solofanua e fitu selau e tolugafulu ma le ono, o a latou fa’alata e lua selau e fagafulu ma le lima; o a latou kamela e fa selau e tolugafulu ma le lima; o a latou asini e ono afe e fitu selau male luafulu.”*

Aisea ua auiliili manino ai e le Atua lenei lisi/? O le a se mea o fa’ailoa mai e le poto o le Atua mo i tatou? E lelei le fesili ina ia iloa ai le mea o lo’o taoto i tua atu o nei mea e pei ona i ai le faitauina ma le lisi auili’ili mai o tulaga o fuainumera. E lua ni manatu ua ou maua ina ia tali ai le fesili. (1) Ua toe fa’amanatu mai ai le fetalaiga a Iesu: ‘E faitauina e le Atua o matou lauulu.’ E na te auili’ili i o tatou tagata taito’atasi; ma e tãua i tatou. E leai se mea o tatou olaga e le silafia e le Atua. O a tatou aiga, tala’aga, o e ona asini po manu sa latou ti’eti’e ai. (2) Toe manatua nisi o faitauga- tusi o Esoto 12 mo se fa’ata’ita’iga, na fa’amauiina e Mose i latou na o ese mai Aikupito (le fanua lea ua toe fo’i ai tagata nei e 50,000). E fa’atele i le 10 pe sili atu le to’atele o i latou na toe fo’i. Ua fa’amanatu mai ai le fa’amaoni o le Atua, e ui i le amio leaga o tupu male le salamo o tagata i le tele o seneturi ua alu, ma ia taumafai ina ia toe maua mai i latou. Latou te fai mea leaga i le tele o taimi ma nutimomoia ai le loto o le Atua, ae na te taofi lava i le ola fouvale ina ia

fa'asaoina ai nisi. Ma o lea ua uma atu tupulaga o le tafeaga, ma ua toe tapena i latou ma o le a toe fo'i i le filemu o lo'o i Ierusalem.

Tatalo: Le Alii e, faafetai i lou faitauina o a'u, i lou silafiaina o a'u, ona o lou alofa mai ia te a'u ina ua e iloa a'u. **Amene.**

Aso Toona'i – Me 6: “Toe fausia” (Rebuild)

Tusi Faitau – Ne'emias 6:1-16

Matua – ff. 15-16: *“Ua fa'auma fo'i le pa i le aso e huafulu ma le lima o le masina o Elula; na faia i aso e limagafulu ma le lua. Ua fa'alogo i latou uma o e na ita mai ia te i matou, ma ua iloa e nu'u uma na vagavagaia ia te i matou, ona matua fa'avaivai lea o i latou; aua ua latou iloa o lo tatou Atua na fai ai lena galuega.”*

A o tatou va'ava'ai i tala eseese i lenei vaiaso, ma ua manatu ai; pe fa'apefea ona fa'atumau le feso'ota'iga o nei tala e pei o se paso (*jigsaw puzzle*). Ae o le a se ata e mafai ona va'aia ai pe a tu'ufa'atasi. Ua muta fa'afuase'i le tatou faitauga. Ua fetalai mai le Atua i le tagata e le o se Iutaia, a o le ta'ita'i o le malo o lo'o sauaina e o lo'o totoe o Iuta, ae o lona fa'aaloalo i le Atua na ia vala'au ai i tagata e toe fo'i, e toe fausia Ierusalem. Na te faatupeina foi le galuega ma toe fa'fo'i mea na ave'esea mai le malumalu. E tulaga ese le tala i le toefuataina, ona o le lotogatasi ma le lototetele a'o feagai i latou ma e o lo'o tete'e. E ui i le vaitau o le leaga ma le fouvale, e ui i augatupulaga na fa'atafea, male le mafai ona tete'e i le galuega o le toe fausiaina, sa ia tusia ai 'Ua uma'. Ua fa'auma e le Atua le galuega sa ia amataina, ae mai lea fuitau, ua lagona ai i'uleo e o'o i le fa'avavau, ma tatou iloa ai le mea o lo'o aga'i ai tusitusiga paia – aga'i le satauro, o Iesu, ma aga'i i le Atua o le na togiola ma ia toe fuataina. Va'ai po o fea o faasino i ai tusitusiga paia uma – o le satauro, ia Iesu, i le Atua o le togiola ma toefuata'ina.

O le ata o Iesu o lo'o i luga o le atigipusa o le paso! O le ala fo'i lea e ala talafeagai ai i nisi o taimi vaega o le paso o le Tusi Paia. Ioe, e taua mea uma o le paso, o tusitusiga paia ina ua sa'o le vaega o le ata e tu'u i ai ina ia maua ai le ata o Iesu e pei ona i ai i le atigipusa.

Tatalo: Fa'afetai le Ali'i e, i lou fa'amaoni, ua e fa'aumaina le galuega lelei na amata ia te a'u. Amene.

Nofoaga o tapuaiga (Places of worship)

Aso Sā – Me 7: “Tapuaiga i le fale ie” (Worship in a tent)

Tusi Faitau – Esoto 33:1-11

Matua – ff. 9 – 11a: *“Ua ulu atu Mose i le fale ie, ona ifoifo ai lea o le ao fa'aniutu, ua tu fo'i i le faitoto'a o le fale ie, ona fetalai mai lea o le Ali'i ia Mose. Ua iloa e le nu'u atoa uma o le ao fa'aniutu, o lo'o tu i le faitoto'a o le fale ie, ona tula'i lea o le nu'u uma, ma ifo atu ai, e ta'itoatasi i le faitoto'a o lona fale ie. Ua fetalai mai fo'i le Ali'i ia Mose, o lo'o fesaga'i lava, fa'apei o le tagata ona tautalatala ma lana uo.”*

Sa fai ni miti taufa'afefe a Mose ona o tagata na ia aumai mai Aikupito. Ua leai se onosa'i ia i latou ma latou tapua'i ai i le tupua povi auro. Ua mana'omia ona talanoa atu Mose i le Atua talu ai nei mea uma. Ona ia alu lea i le fale ie e mafuta

ai, e ese mai le fale ie o lo’o tolauapi ai le to’atele ina ia maua le filemu, ma fa’alologo i le si’ufofoga o le Atua. Ina ua ulu Mose i totonu ma ia iloa ai se ao fa’aniutu ua fai ma fa’aaliga o le Atua ‘auai. Ua o ifo tagata ma fai tapuaiga a’o i ai i totonu o faigata o le olaga, mo se to’afilemu.

Ua faamanatu mai ai mo i tatou, ua le gata o le alofa o le Atua; ae e mafai foi e le Atua ona fa’aogaina i tatou ma ana mea faigaluega e fa’aailoa ma momoli atu ai lona finagalo, e ala i lo tatou tautatala ai. Ina ia aumaia ai le fa’amoemoe ma le mautinoa, o le malosi tatou te feagai ai ma aso ta’itasi. E leai se ao fa’anitu i luga o le fale ie, ae sa mautinoa le ‘auai o le Atua.

Tatalo: Le Atua alofa e, ua e silafia mea ua ou popole ai i lenei taimi. Ou te aumaia i latou ia te oe ma ou ole atu mo lau fesoasoani mo le ta’ita’iga i aso **Amene.**

Aso Gafua – Me 8: “Tapua’i i nofoaga maualuluga”

Tusi Faitau – 1 Tupu 3:1-9 (*Worship in high places*)

Matua – ff. 4-5: “*Na alu atu fo’i le tupu i Kipeona e fai ai taulaga; auā o le mea maualuga lea e sili; e taasi le afe o taulaga mu na osia e Solomona i luga i lea fata faitaulaga. Ua fa’aali mai le Atua ia Solomona i le miti i le po i Kipeona; ua fetalai mai fo’i le Atua, Ina fai mai ia, pe se a le mea ou te avatua ia te oe?*”

O se taimi lelei lenei mo Solomona ina ua ia ofoina atu lona mana’o mai le Atua. Na filifili ai i le poto ae le o le ‘oa, ina ia fesoasoani i le ta’ita’iga o tagata. E tupu le feiloaiga paia i le taimi o le tapua’iga i luga o le tumutumu mauga i le itu i mātū o Ierusalem, o se ‘mea maualuga’, ma o se faiga sa inoino i ai le to’atele, ona o nofoaga ia sa i ai fata faitaulaga fa’apaupau. A’o le’i fausia le malumalu, sa fiafia le Atua e ‘auai fa’atasi ma Solomona a’o fai tapua’iga i ia nofoaga ma le Atua, sa fiafia e faatasi ma Solomona a o ia tapuai i lona nofoaga. E masani ona fa’alogo i tumutumu mauga ma isi nofoaga mamao o ta’ua o ‘nofoaga paia’ lea e foliga mai, e fa’aailoa ai le latalata mai o le ‘auai o le Atua. E foliga fa’apena le ata na faia e Solomona i Kipeona, ma maua ai le poto ma le musumusuga lilo mai le Atua.

O le tatou faitau e uiga i le maua ai e Solomona o lona malamalama e tulaga ese ma lona mautinoa i le ‘auai o le Atua i tumutumu mauga. Ua faamanatu mai ai, po le a le taimi tatou te tatalo ai, ia aua ne’i o tatou manatu ua na o i tatou; a ia tatou iloa pe fa’apei ona tatou auauna atu mo isi.

Tatalo: Le Ali’i e, ia matou maua le poto e pei ona maua e Solomona, matou te faia ai fa’ai’uga ma filifiliga e tatau. **Amene.**

Aso Lua – Me 9: “Tapua’i i totonu o le malumalu”

Tusi Faitau – 2 Nofoaiga Tupu 7:11-22 (*Worship in a temple*)

Matua – ff. 15-16: “*O lenei, e va’ava’ai o’u mata, ma liliu o’u taliga i le tatalo e faia i lenei mea. Auā ua ou filifilia ma fa’apaiaina lenei fale, ina ia i ai lo’u igoa e fa’avavau; e fa’asaga i ai fo’i o’u mata ma lo’u loto i aso uma.*”

Sa tapua’i ma le fiafia Solomona i luga o le tumutumu mauga, ae ua leai se mea e fa’atusa ai lona olioli ina ua ulufale i le malumalu i Ierusalem, e fitu tausaga ae va’ai le matagofie o le malumalu i Ierusalem ina ua uma ona fausia. O le

mana'o o lona tamã o Tavita; e na te fausiaina, peita'i e le'i finagalo i ai le Atua ma na ia fa'aילו o le galuega e mo lona atali'i. I totonu o le malumalu fou o le atola'au o le feagaiga, fa'atasi ma ario, ma auro, ma meaafale uma na maua ma fa'apaiaina e Tavita i lenei galuega faatino.

O le malumalu moni lava o se nofoaga matagofie ma paia, na fa'aleagaina i le 587 TLM. I se tasi o tatalo a Solomona na atagia ai le lagona o le u'unaia o tagata ina ia tosina o latou loto e fa'alogo ma le manino i le silisili ese ma le alofa o le Atua ina ia latou talia ma avea ai lenei malumalu ma taula'iga o le ola fa'atuatua mo tagata uma. E u'unaia ai le fa'atuatua o le tagata ma talitonu, o lo'o 'auai le Atua.

Tatalo: Le Atua alofa, ua ou maua le malamalama i lau afio e ala i le tatalo, ma fa'alogo i le loto talitonu i lou 'auai. Amene.

Aso Lulu – Me 10: “Tapua’i i totonu o le sunako”

Tusi Faitau – Galuega 17:1-4 (*Worship in a synagogue*)

Matua – ff. 2-3: *“Ua ulufale fo’i Paulo ia te i latou, o lana lea masani, e tolu fo’i sapai ua felafolafoa’i o ia ma i latou i Tusi, ua fa’amatala ma fa’asino atu, na tatau ona tigã o le Keriso, ma toe tu mai i e ua oti; ma ua fa’apea atu, ‘o Iesu lenei ou te folafolaa atu ai ia te outou, o le Keriso ia.’*

E ese le masani a le sunako i aso uma mai le masani a le malumalu, ona o lona igoa Eperu. O lona uiga o le 'fale o le fa'apopotoga'. O le nofoaga e potopoto ai, o se taimi e tatalo ai, su'esu'e, toso ma aumai fa'atasi ai le nu'u e fesoasoani ai le tasi i le tasi. I mau a Evagelia, tatou te maua ai tala o le Ali'i o Iesu; e le o aunoa ona a'oa'o atu i le sunako, atoa ai ma Paulo, i ana malaga fa'amisionare, na fa'aaogaina e fai ma avanoa e a'oa'o ma tala'i atu ai. O le tusi o Tesalonia, ua fa'aילו ai o Iutaia ma Nu'u ese, o tane ma fafine, na fa'asalaina ona o ana upu na ia mafuta fa'atasi ai ma i latou ua ola talitonu.

O le feso'otai i le upu po le afioga a le Atua o se a'oa'iga lelei, e pei ona silafia e Iesu, Paulo ma isi e o i le sunako ma ua latou iloa na o le lelei i na sunako, ma iloa le tãua i la tatou lava olaga tapua'i, pe faia i lauga, o talanoaga, suesuega faale-Tusi Paia po o a'oa'oga o aso ta'itasi.

Tatalo: Mo le olioli i le faitauina o la'u Tusi Paia, o le poto, malosi ma le ta'ita'iga na maua, e o'o lava i fesili e mana'omia ai mafaufauga loloto ma le su'esu'eina, ou te fa'afetai i le Atua alofa. **Amene.**

Aso Tofi – Me 11: “Falesã” (*The house church*)

Tusi Faitau – Roma 16:3-5

Matua – ff. 3-5a: *“Ua ou alofa atu ia Pisila ma Akila, na la fai galuega fa'atasi ma a'u i le galuega a Keriso Iesu. O i laua ia na la tu'u atu o laua e sui ai a'u, ia a'u ola; e le na o a'u e fa'afetai ia te i laua, a e atoa ma ekalesia uma i nu'u ese. Ua ou alofa atu fo'i i le ekalesia o i lo laua fale.”*

Na iloa ma malamalama lelei Paulo ia Pisila ma Akila, o se faigãuo i le tele o tausaga ua alu, i le taimi o latou nonofo fa'atasi a'o feagai ma lana galuega fa'amisiona i Korinito. Ma latou o ai lava i Efeso ma toe fo'i ane ai i Roma. Ma

latou lagologo malosi ia Paulo a'o feagai ma lana galuega i le a'oa'o atu e uiga ia Iesu, ma fa'atuina ai se mafutaga i tapua'iga i o latou aiga. E tele fa'ata'ita'iga mai le Feagaiga Fou o atagia ai le mafuta fa'atasi o tagata talitonu e ala i tatalo ma tapua'iga i fale. O se faiga sa vave ona tupu ai le ekalesia, ma manatu ai e feiloa'i i mafutaga tatalo, su'esu'e ma le tofitofi o areto, tusa lava pe fa'aauau i le malumalu.

O le sauniga i aiga o se va'aiga tãua o le lotu, e tutupu ma ola fa'atasi i le fa'atuatua, a'oa'o e faalagolago le tasi i le tasi, ma le fetufaa'i i le olioli, fa'atasi ai ma fa'afitauli o le ola saogalemu ina ia tupu ma fuga mai o se mafutaga malosi ma le alofa.

Tatalo: Le Atua alofa, mo i latou uma o loo potopoto i le mafutaga, su'esu'e ma talanoaina lou finagalo, ia tupu ma fuga mai lo latou faatuatua ina ia malamalama i lou finagalo. **Amene.**

Aso Faraile – Me 12: “E lē o le malumalu” (*It's not about a building*)

Tusi Faitau – Ioane 4:19-24

Matua – f. 23: *“A e o'o mai ona aso, ua o'o nei fo'i i ai, o e tapua'i faamaoni latou te tapua'i i le Tamã i le agaga ma le fa'amaoni; auã o lo'o saili le Tamã i e tapua'i fa'apenã ia te ia.”*

O lo o talanoa Iesu i le fafine Samaria i luga o le vaieli o Iakopo, ae i na ua o'o le talanoaga i se tulaga ua lu'iina ai ma fesiligia le lotoifale fa'aletagata, na sui ai e le fafine le la mataupu ma ia fesili ai ia Iesu pe ala tatau ona fai a latou tapua'iga i luga o le mauga e latalata ane i le mea o latou nonofo ai, po o le malumalu o Solomona i Ierusalemia i le mea o tu ai e pei ona finau atu ai tagata Iutaia?

E le'i mana'o Iesu e tata'i le talanoaga i ona tala tu'u. I lana tali, ua fa'atautau i ona tuaã o e na tamafai e lalaga fa'atasi le ola tapua'i i tupua ma atua ese, ma le Atua o tagata Iutaia, ae o lana manatu autū e fa'apea, e le o le ofoina o taulaga po o le mea e fa'atino ai le ola tapua'i le mea e tãua. Afai o le Atua o le Agaga, o lona uiga e le mafai ona tatou vavao ia te ia i se nofoaga e tasi po o totonu o se mea. O le tapua'i ma le fa'amaoni i le malosi o lona Agaga, tatou te maua ai le Atua i mea uma tatou te i ai.

O lenei vaiaso ua tatou va'aia ai tapuaiga i totonu o le faleie, i luga o le mauga, totonu o le malumalu, o le sunako ma le fale. I nei nofoaga ua tatou va'aia ai le nu'u o le Atua ua fa'apotopoto e fai taulaga, pepese, tatalo, fa'alogologo i le upu a le Atua ma fa'asoa i lona uiga ma a'ai fa'atasi, ua iloa ai le mafutaga o lo o va'ai mamao i le galuega misiona. O le mea lea e finagalo ai le Atua ia i tatou, ma e le fa'atapula'aina ai i tatou i ni nofoaga, i le mafanafana e pei ona tatou i ai i lo tatou tulaga fa'aleagaga o i ai nei

Tatalo: Le Alii e, ia aua ne'i manatu o ni nofoaga e feiloa'i ai, e pei ona mafuta lau fanau e tapua'i i le agaga o le moni ma le fa'amaoni. **Amene.**

Aso Toona'i – Me 13: “Tapuaiga i le lagi” (*Worship in heaven*)

Tusi Faitau – Faaaliga 21:1-3

Matua – f. 3: “*Na ou fa’aloga fo’i i le leo tele mai le lagi, ua fa’apea mai, ‘Fa’auta, ua i ai le afioga a le Atua fa’atasi ma tagata, e mau fo’i o ia ma i latou, e faia fo’i i latou mona nu’u, e ia te i latou le Atua lava.*”

I le taimi nei, ua tele ina taula’i o tatou manatu i aso ua tuana’i ma le taimi nei, ae i le Fa’aaliga, o le fa’aaliga o le lagi fou ma le lalolagi fou, atoa ai ma le Ierusalem fou. Atonu e faigata ona malamalama lenei tusi ona o le gagana, ae mafai ona tatou maua le ata ma le uiga o le tusi ina ua tatou iloa fatuaga ma fa’atafugana e pei o ni fa’amalama tioata lanu i nisi o falesa. O le tusi fo’i nei o lo’o atagia ai se tasi o manatu o Esekielu, o lo o fa’aata mai ai le Ali’i ua ulu atu i le malumalu, ma o le malumalu e afio ai le Atua fa’atasi ma le fanauga a Isaraelu e fa’avavau. Peitai o le fa’aaliga a Ioane e le o ta’ua ai se Ierusalem fou, aua o le Atua e afio i so o se mea e i ai ona tagata.

O le finagalo o le Atua e mafutaina pea ona tagata. Peita’i ua tatou iloa ma malamalama i le tele o tala ua aumai i le Tusi Paia o lo o atagia ai le a’a-i-tui ma le ola vaogata o le tagata e fa’asaga i le Atua, ma mafua ai ona fevaevae’i. Atonu tatou te le i va’aia se lagi fou, lalolagi fou po o Ierusalem, ae o le feiloa’i ai i falesa, ma mafutaga i totonu o aiga, e fa’ailoa o tatou fa’aletonu ma ofoina atu lo tatou ola auauna, ua fa’ailoa ai lo tatou i ai i le afioaga o le Atua. O le va’aiga a Ioane e mamao, peita’i e fa’ataunu’uina

Tatalo: Le Atua o taimi uma ma nofoaga uma, matou te avatu le faafetai ma le viiga e fa’ailoa ai lo matouola talitonu i lou finagalo fa’ailoa mo le lumana’i.

Amene.

O LE EVAGELIA A MATAIO (3) *The Gospel of Matthew*

1 – Foma’i ma le Faiaoga (*Healer and teacher*)

Aso Sā o Tinā (Mother’s Day)

Aso Sā - Me 14: “**Upu o le ola**” (*Words of life*)

Tusi Faitau – Mataio 7:1-12

Matua – f. 12: “*O mea uma foi tou te loto i ai ia faia e tagata ia te outou, ia faapea lava ona outaou faia ia te i latou; aua o le tulafono lea ma le au perofeta.*”

O le faitauga mo lenei vaiaso e mai le Mataio 7-9, e ogatotonugalemu ai le mataupu e 4-16, o lo o fa’amatala ai a’oa’oga ae maise galuega fa’amalolo a le Ali’i o Iesu i totonu o Isaraelu; atoa ai ma le te’ena ai o ia. I le ulua’i ekalesia, sa avea ulua’i evagelia; o se tusi aoga e ta’iala ma fausia ola o kerisiano i ala o Iesu Keriso. E ui i se manatu le mautinoa e fa’apea na muamua fete’ena’i ai o tagata Iutaia ma nu’u ese ona o lona fa’alagolago i tusitusiga Eperu, o lo’o fautua ai se naunauta’iga e fa’amaonia ai le fa’ailoa ai o Iesu o le Mesia o le ua fa’ataunu’uina le folafolaga mai le Atua.

E pei ona auauna atu i le uluai ekalesia, e fa’apena foi ona auauna mai ia i tatou, ua tu’uina mai i o tatou luma le talalelei ia Keriso, o ana folafolaga ma mea e manaomia, o se lamepa i o tatou vae ma le malamalama i o tatou ala. O le mulimuli i ala o Keriso e tataua ona tauto fa’amaoni ma talitonu. E tataua ona lima foa’i le

kerisiano, ma ia ola mautinoa i le alofa tunoa o le Atua ‘auai i so o se mea ma taimi uma.

Tatalo: Le Ali'i e Iesu Keriso, ia e musumusuina ma fa'atumu mai i lo'u mafaufau, a'o le loto e ta'ita'i ai ina ia suia e lou talalelei ola. **Amene.**

Aso Gafua – Me 15: “Ola ua mautinoa” (Confident living)

Tusi Faitau – Mataio 7:13-29

Matua – ff. 18, 20-21: *“E le mafai i se la'au lelei ona fua mai i fua leaga, e le mafai fo'i i le la'au leaga ona fua mai i fua lelei...O lea fo'i tou te iloa ai i latou i o latou fua. E le sao atu i le malo o le lagi i latou uma o e fai mai ia te a'u, le Ali'i e, le Ali'i e; na o le na te faia le finagalo o lo'u Tama o i le lagi.”*

Sa naunau Iesu mo ona so'o ina ia malamalama i manaoga taua; o le ola i le talalelei. O se lalolagi ua suia ma tete'e i ala fa'ale-aganu'u ua fa'avae mai le mata'utia o le fa'atosina ia Keriso ma le talalelei. Sa le'i malamalama pe tatau ona fa'ataua ala sa a'oa'o ma soifua mai ai Iesu e tagata. O le to'atele ua na ona talia, ae leai se fa'amaoni i filifiliga o le loto, mafua ai ona tausalaina e Iesu nei uiga pepelo. Ua tele ina manatu le tagata mo ia lava, ae ua le va'ai i le lautele. Ua tele ina folafola tagata tauoloa i folafolaga tetele, ae lolo lava ona o le matape'ape'a ma le pi'opi'o.

O le mulimuli ia Keriso ma ola i le talalelei a Keriso, o le ola fa'amaoni e fa'aa'oa'o ai i le olaga fa'a-Keriso: O tatou o lo o i ai le fa'amaoni e tu'uina atu ai o tatou tagata e ola ai i le olaga fa'a-Keriso. Ina ia o fa'atasi a tatou tala ma le amio e filifili ai i le malamalama pe a fa'amalumu mai le pogisa. E pei o Keriso o le malamalama o le lalolagi, e fa'apena foi ona valaauina so'o o Keriso e fai ma lamepa ua tu'u i luga o le mauga ma o le masima o le lalolagi.

Tatalo: Le Alii e Iesu Keriso e, ia e talepe i puipui ole le fiafia o lo'o siomia ai au, ma fa'afoisia a'u i lou filemu ma lou alofa ina ia matou ola e pei o oe. **Amene.**

Aso Lua – Me 16: “Ia atoa ma maloloina le ola”

Tusi Faitau – Mataio 8:1-13 (Living whole and healthy)

Matua – ff. 11-12: *“Ou te fai atu fo'i ia te outou, e to'atele e o mai mai sasa'e ma sisifo, e tao'oto e a'ai fa'atasi ma Aperamo, ma Isaako, ma Iakopo, i le malo o le lagi, a o tagata o le malo, e tulia i latou i le pouliuli i fafo, e i ai le taufaitagiaue ma le lilivau o nifo.”*

O su'esu'ega fa'asolopito i mea o le tuana'i, ua maua ai fa'ama'i pipisi sa ta'atele i Palesitina i le ulua'i senituri. O e matitiva ma e mauoa e tulaga tutusa lava i fa'ama'i pe a taia ma lamatia ai. Ua maua le si'itia o le fuainumera o pepe ua feoti, ua salalau le ma'i lepela ma le mama pala, o ma'i e pisia mai anufe e masani ona feoti ai le to'atele.

I le nu'u sa ola a'e ai Iesu ma ia a'oa'o ma fa'amalolo ai i tagata mama'i ua avea le oti o se masani aua ua fai mo i latou le ola fa'ataumaoui, e pei ona tusia o se fa'ama'i mata'utia. E leai se mea e fa'auigaina o tatou olaga o aso uma e pei o ma'i, ma le oti, aua o le fa'anoanoa lea o lo o nofo pea i totonu o tatou pe a o'o ina maua i tatou i fa'ama'i.

E le mafai ona tatou totogi'ina Iesu ina ia ave'ese le oti mai ia te i tatou. Ae, mo i tatou, o le olaga ua ia Keriso o le mauaina lea o mea uma ua saunia, e le fa'atuaia le alofa tunoa o le Atua o lo'o ia i tatou, a'o tatou feagai ma le tele o mala, ma'i, fa'apea ai ma le oti. Atonu o lo'o tatou va'ai i le tulaga o le fesiligia o le olaga o le tagata ua mafua ai ma'i ma puapuga ma i'u ai i le oti. Ae fa'afetai Iesu i lou le fa'ato'ilaloina o i matou.

Tatalo: Le Alii e Iesu Keriso, ia fai oe ma soa e le aunoa e faatoilaloina le tele o mai eseese o le olaga, e ala i loto onosai ma le filemu mai ia te oe, **Amene.**

Aso Lulu – Me 17: “O le malosilavea'i” (*Saving power*)

Tusi Faitau – Mataio 8:14-17

Matua – ff. 16-17: *“Ua o'o i le afiafi, ona latou aumai ai lea ia te ia o tagata e to'atele ua ulutinoina e temoni; ona ia tulia ai lea o agaga i le upu lava; ua fa'amaloloina fo'i e ia o i latou uma na mama'i. Ona taunu'u ai lea o le upu a le perofeta o Isaia, ua fa'apea mai, o ia lava na na aveina o tatou vaivai, ma na tauave o tatou ma'i.”*

O ai ea lenei Iesu, ua o'o lava i le matagi ma le sami ua ususita'i i ai? O le tasi nei o fesili ua sili ona loloto, ae maise le ola fa'atuaia i le talalelei. Ina ua fa'amalolo Iesu i tagata mama'i, na latou fesili po o ai lenei Iesu ua i ai le mana e fa'amalolo ai? O ai lenei Iesu ua i ai le pule i matagi ma peau? O Iesu o le folafolaga ma le feagaiga a le Atua, ua liutino tagata.

I le amataga: O le tala fa'asolopito o Isaraelu na osia ai e le Atua le feagaiga ma tagata - ia fai Le Atua mo latou Atua, avea i latou ma tagata o le Atua. Na tauto le Atua e fa'atasi ma i latou e fa'avavau. Ina ia fa'amanino atili lena folafolaga, na liutino tagata ai le Atua ma na mau fa'atasi ma i tatou. O lenei fa'atinoga ua atoatoa ai le alofa tunoa o le Atua ua le na o mo le Isaraelu, ae ua aofia ai tagata uma i le alofa ma le manuia o le Atua.

Tatalo: Le Alii e Iesu Keriso, vala'au mai pea ia te a'u pe a fa'alavelaveina a'u i le fefe ma le tiga, **Amene.**

Aso o le Afio A'e

Aso Tofi – Me 18: “Lu'iina o fa'aletonu” (*Confronting dis-order*)

Tusi Faitau – Mataio 8:28—9:1

Matua – ff. 8:34—9:1: *“Fa'auta fo'i, ua o mai le a'ai e fa'afetaia'i ia Iesu; ua latou iloa o ia, ona latou aioi mai ai lea ia alu ese o ia i lo latou nu'u. Ona malii a'e lea o ia i le va'a, ua malii atu i le tasi itu, ona o'o lea i lona lava a'ai.”*

Ua tu'ua e Iesu ma e na mulimuli ia te ia le itu o Iutaia o le sami o Kalilaia ma sopoia atu le isi itu o nu'u ese, o le itulagi o fevaevaea'iga ese'ese. Atonu o le mafua'aga fo'i lea o le i ai o pua'a i le mea na tupu. Ua sau Iesu i le isi itu. Ua le ta mau Iesu i faiga masani, ae ua sopo atu i fafo ma ua tala i le lalolagi tele. Ua leai se fevaevaea'i i tua atu o le tamaoiga mai le fa'aolataga.

Ua sili ona faigofie ma malamalama le va'aiga fa'asaienisi i le taimi nei, o mea e le'i va'aia ma alia'e i le taimi o Iesu. I nai lo'o le taunu'uga o le sauaina o le tino ma le mafaufau. E tupu fa'aletonu ma alia'e i totonu o tatou aiga, ma nisi o

fa'alapotopotoga. A ua vala'auina i tatou e ola atoatoa ma ia galulue fa'atasi ma le upu moni e uiga i le talalelei o le alofa le fa'atuaioa ma le fa'aolataga a le Atua, i so'o se feiloa'iga tatou te mafuta fa'atasi uma ai.

Tatalo: Le Alii e Iesu Keriso, ia e tausia lou alofa tunoa i lo'u tino, ma fa'amalamalama e lou Agaga lo'u mafaufau. **Amene.**

Aso Faraile – Me 19: “Vala'auina ma toe fa'aleleia”

Tusi Faitau – Mataio 9:2-17 (*Called and re-ordered*)

Matua – f. 17: *“E le utufia fo'i le uaina fou i le fagu pa'u tuai; a fa'apea ona papa ai lea o fagu pa'u, ona masa'a lea o le uaina, e maumau fo'i fagu pa'u; a e utufia le uaina fou i fagu pa'u fou, ona fa'atau saogalemu ai lea.”*

Ua o'o mai le malamalama fou, faamaloloina ma'i, tafiesea fa'aletonu, ua fa'amalosia le leai o ni galuega fa'atino ma fa'atulaga i'ugafono. O se mea ua lelei, a'o le fesili tele, 'O le a le mea e soso'o mai tua atu?' O le toe fa'aleleia ma le toe fausia ia avea o se auala e toe maua ai se lumana'i fou e liua ai le tele o ma'i ma fa'aletonu. E le natia le mea moni i le soifua o le tagata, aua e vave lava ona galo leaga pe a liliu. E faigata ona galo le masani, e manatua pea tusa lava pe lamatia ai le ola manuia. A ia talia le malamalama fou ina ia lalagaina le lelei e malolo ai ma'i. ina ne'i vave ona toe leaga i le toe fo'i i le olaga o fa'aletonu.

O le uaina fou i totonu o le fagu pa'u tuai ua atagia ai le maumau o le uaina, a o tulaga fa'aletonu ia e mana'omia ai le tutu fa'atasi o manatu ma faatāua le ta'utinoga. E ta'usalaina ai e Iesu e auuana i upu, ae mamao i latou ma a latou ta'utinoga. A o le tali atu ia Iesu Keriso, ua tatala atu ai lea o tatou olaga tuai i le Alii o Iesu ina ia fa'afouina, ma ia fa'atasi ma Keriso i mea uma.

Tatalo: Iesu Keriso e, o lou alofa tunoa, ia e fa'amalosi mai ai i lo'u loto ma fa'atamau ai lo'u fa'amaoni i folafolaga ou te faia, ina ia atoa a'u e fa'avavau.

Amene.

Aso Toona'i – Me 20: “Fa'aola, fa'afo'isia, fa'afaigaluega”

Tusi Faitau – Mataio 9:18-38 (*Redeemed, restored, recruited*)

Matua – ff. 36-38: *“Ua silafia e ia le motu o tagata, ona mutimutivale ai lea o lona alofa ia te i latou, ona ua lailoa i latou ma tu'ulafoaina, e pei o mamoe ua leai so latou leoleo. Ona fetalai atu ai lea o ia i ona so'o, “E tele saito e seleseleina, a o le au fai galuega e toaiti'iti ia; o lea ia outou aioi atu ai i le Ali'i e ana saito e seleseleina, ina ia a'auina mai e ia ni e galulue i lana saito e seleseleina.”*

Na afio mai Iesu Keriso i le lalolagi ina ia tino le alofa lavea'i o le Atua mo i tatou. Ua faia i tatou i le alofa o le Atua, ma le fa'amoemoe ia alofagia e i tatou. Ia Iesu Keriso – o lo o sailia i tatou e le Atua, ina ia fa'amau la tatou so'otaga ma ia. Ua puapuagina Iesu Keriso ona o le lavea'iina o i tatou mai fa'afitauli e tele o le ola ina ia tatou fo'i atu ia te ia. Ua sau o ia o se faiaoga e na te fa'amalolo, ma fa'asa'oloto, aua e leai se mea mafai ona tu'ueseai i tatou mai le alofa o le Atua. Ia Iesu Keriso, ua tauaveina e le Atua i tatou uma, o tatou vaivaiga uma ma fa'ama'i, o tatou fa'anoanoa uma. Ua fusia e Keriso i tatou ma lagolagoina i lona alofa mutimutivale.

A o folafola mai e le talalelei a Keriso le atoaga o le alofa o le Atua ma le togiola atoatoa ua ia i tatoue ala i le taulaga alofa Iesu Keriso, o le mea moni e le o uma le talalelei. O lo’o faaauau pea le galuega a le Atua i le foafoaga, ma ua tofia i tatou o pa’aga e galulue ma le Atua i le foafoaga ina ia toe fou. O lo’o fa’auau pea le galuega a le Atua i le togiolaina ma fa’asa’olotoina o i tatou. A o la ta’utinoga o le kerisiano, ia atagia Keriso i a tatou upu ma galuega ma o tatou tiute tauave.

Tatalo: Le Alii e Iesu Keriso, afio mai i totonu ia i matou o e tauave lou suafa ma fa’aaogaina i matou e auauna atu ma ia alofa atu e pei ona e alofa atu. **Amene.**

O LE EVAGELIA A MATAIO (3)

(The Gospel of Matthew)

2 – Le Atua o le sapati” (Lord of the sabbath)

Aso Sā Faiga-Me

Aso Sā – Me 21: “Ua sau ile malae” (Showing up in the arena)

Tusi Faitau – Mataio 10:1-15

Matua – ff. 2-5: *“O igoa nei o le au aposetolo e to’asefulu ma le toalua; e muamua Simona e igoa ia Peteru, ma Anetere’a lona uso, o Iakopo le atali’i o Sepetaio ma Ioane lona uso, o Filipo ma Patolomaio, o Toma ma Mataio le ao lafoga, o Iakopo le atali’i o Alefaio ma Tataio, o Simona le Kanana ma Iuta le Sekara, o ia fo’i na fa’alata ia te ia. Ua auuina atu e Iesu lenei toasefulu ma le toalua.”*

O le faitauga lenei ua atagia ai le fa’amaumauina e Mataio o igoa o so’o na auina atu e Iesu e folafola le talalelei. O se mea taua. Atonu e talafeagai i la tatou iloa le manuia e maua e na o i latou na faia le mea lelei e ala i le fa’aailoa atu o le alofa o le Atua, peita’i e leai se manatu fa’apea sa ia Mataio. Ua ta’ua e Mataio igoa uma o le au-so’o e aofia ai ma Iuta, o le sa ta’uleagaina i le tautuaina o Iesu. E le o le finagalo o le Atua e fa’aeaea na o i latou ua faia mea lelei, ae mana’o i le ola fa’atuatua e fa’aailoa ai ma fa’atino. Sa sese le au-soo, a’o le taua e le’i fa’avaivai ai, na latou fa’aailoa ma fa’atino.

Lenei vaiaso o le a tatou va’ava’ai ai i auala ua fautua mai ai Iesu ina ia tatou ola ai, ma o nisi o nei auala e lu’iina i tatou, aua e foliga faigofie ae faigata. Peita’i ia tatou iloa e le fa’alagolago le alofa o le Atua i a tatou galuega. E pei o le au-soo, aua ua manatua ma fa’amauina i tatou, ina ua fa’atino ma le fa’amaoni le mea ua vala’auina ai i tatou e le Atua.

Tatalo: Iesu e, matou te tatalo ia e fa’asaolotoina i matou, ma ia faamaoni a o matou fa’aali atu lou alofa e isi i lenei aso. **Amene.**

Aso Gafua – Me 22: “Ua fatatau i le alofa” (Being strategically love)

Tusi Faitau – Mataio 10:16-33

Matua – f. 16b: *“Ia outou atamamai pei o gata, a ia fifilemu e pei o lupe.”*

Ou te manatu e taua le faitauina o lenei fuaiupu ina ia paleni tutusa ai le uiga o le ‘atamai’ ma le ola ‘mama’. o le tulaga o le atamai ma le ola mama, o sevaega taua o le ola e ao ona lu’itau ai le ola o le to’atele, ae maise lava i le soifua o le

tupulaga. O nisi o taimi ua tatou sopo ai i le fa'atinoia o se mea ona ua manatu ua atamai, ma avea ai o se fa'atinoga ua ta'uvalea. A'o va'aiga ia o le atamai e manatu e mafua mai i le olaga o le tuana'i. Ua taumafi e o'o i se mea sa le'i mafai ona ausia muamua.

Ae fa'apefea le ola mama? E fa'apefea ona tatou ulufale ma o'o mai i le lalolagi e aunoa ma le pisia ai o tatou tagata i mea o le lalolagi? Fa'atasi ai ma le fa'amasani ma mafuta fa'atasi ma tagata ma avea ai ma tatou uo. E fa'apefea ona tumau i le ola mama? Ina ua le fa'atagaina o latou uiga po o amioga e a'afia ai tatou. E fa'apefea na auai Iesu ma telona, fafine talitane, ma ituaiga o tagata agasala ese'ese a'o mau o ia i le lalolagi, ae fai mai na tumau lava i le ola mama e aunoa ma le pisia ai i agasala o le lalolagi? O le ola mama e pei ona aumai, ua fa'atusa i le lupe lea sa fa'atumuina i le Agaga Pai, ma ua fa'atagaina e na te ta'ita'i ma leoleo.

Tatalo: Le Alii e, ia e faailoa mai ia i matou ni vaega e mafai ona sili atu ona lelei i lo matou ola, ina ia mafai ona matou alolofa atu i nisi. **Amene.**

Aso Lua – Me 23: “Fa’ailoa le Atua i tagata uma”

Tusi Faitau – Mataio 10:34-42 (*God revealed in everyone*)

Matua – f. 40: *“O le talia outou, ua talia e ia o a'u; o le talia fo'i a'u, ua talia e ia o le na auina mai a'u.”*

O la'u tatalo i aso uma, ia a'oa'oina i le uiga moni o le Atua i tagata matou te mafuta fa'atasi. Ou te fiafia lava i le manatu o tatou o tagata na foafoa e le Atua i lona fa'atusa, e tusa lava po ua le manino lea fa'atusa, ae atagia lava se vaega o le mamalu o le Atua. Ia aua le fefe pe a feagai ma lui'itau ese'ese, a ia tatou va'ai i ai o se mea lelei ma le matagofie ua tatou maua mai i se isi va'aiga i le Atua.

E mafai ona tatou a'oa'o i uiga fa'atina o le Atua, e na te puipuia lagona o se tagata o saili ma sulufa'i solo ma finau malosi mo lona aiga. E mafai ona tatou fetufaa'i i uiga malie o le alofa o le Atua, tusa lava po se tagata sa solitulafono muamua. Fa'asoa i le tali malie o le Atua, e tusa lava po feagai i tatou ma mafatiaga ma tiga. O le tamaoiga o le olaga e mai le Atua, pe tatou mafuta ia te ia.

Tatalo: Le Atua e, fa'aali mai ia te a'u se mea fou e uiga i lo'u tagata, ma avea o se tagata fou i le aso nei. **Amene.**

Aso Lulu – Me 24: “Gaioga Fa’avae i le Alofa”

Tusi Faitau – Mataio 11:1-19 (*Action rooted in love*)

Matua – ff. 18-19: *“Auā na sau Ioane e le'i 'ai, e le'i inu fo'i ia; ona latou fai ane ai lea, ua ia te ia le temoni. Ua sau fo'i le Atali'i o le tagata, ua 'ai o ia ma inu, ona latou fai ane ai lea, fa'auta, o le tagata 'ai tele ma le inu uaina, o le uo a tagata ao lafoga ma e agasala. Ae ta'uamiotonuina le pote i ana galuega.”*

Ua le pei o ia o le au Faresaio, A'o Iesu lava ia sa le i fa'aaogaina e ia le tusi tulafono e fa'alavelave ia te ia i le fa'ao'oina atu o lona alofa i tagata. O lo'o ua fai mai Iesu ua le o le taulaga po'o le anapogi, a'o le fa'aaogaina o tatou taimi e faia ai ia mea, o le taua lea i le tagata.

Sa ou lagonaina lea tulaga ina ua ou manatuaina i ma'ua ma la'u uo sa ma nonofo fa'atasi. Sa maua i ma'ua i le flu. Sa valaaulia i ma'ua ma la'u uo e le tina o

la'u uo e mate a'ai i se mea 'ai ua ia saunia mo ma'ua. Na fa'apea mai le tina i a'i ma'ua, ua ala ona ma mama'i, ona ua le laki i ma'ua, ona ia mana'o lea e nonoa se fasi manoa i o ma vae, e puipui mai ai i ma'ua mai le agaga leaga. Ou te le'i molimauina lea fo'i tulaga fa'apea i se taimi muamua, a'o le manoa fo'i o lo'o nonoaina i o ma vae, e uliuli. Sa faigofie lava ia te a'u, sa faigofie ia te a'u ona o lo'o fa'apea

O le noanoaina o ma vae i le manoa, sa o'o mai ia te a'u se lagona ua ou le fiafia, ae pe aisea ua noanoa ai fa'apea a'u. Ae sa ou leiloaina, o se galuega alofa na faia e le tinā mo ma'ua. O le manatu ina ia aua ne'i o ma lavevea, a'o alu le tinā i se isi mea. O le alofa moni lenā o le tinā, a'o tua atu, o lo'o ta'oto ai le alofa puipui malu o le Atua mo i matou. O gaioiga uma ma fa'atinoga, e ese le faigata ona mātauina, ae o tua atu, o lo'o ta'oto ai le alofa mafanafana o le Atua mo i tatou. O le Atua a ia o le Atua alofa. O a gaioiga ma fa'atinoga, e galuea'ina mea uma i le alofa. O le fa'avae fo'i lea o mea uma.

Tatalo: Le Atua e, alofa fesoasoani i a'i matou ina ia o matou iloa galuega ma upu o lenei aso ma ia e fesoasoani i gaioiga ma upu e matou te fa'avae ai le alofa. **Amene**

Aso Tofi - Me 25: “O le poto faa-le-Atua mo tama valevale”

Tusi Faitau – Mat. 11:20-12:8 (*God's counter-cultural heart for the unqualified*)

Matua - ff. 25- 26 “*O lea lava itu aso ua fetalai atu ai Iesu, ou te fa'afetai ia te oe, lo'u Tamā e, le Ali'i o le lagi ma le lalolagi, ina ua e nanā ia mea i e popoto ma e atamamai, a ua e fa'aalia atu ia mea i tama valevale. O lea lava lo'u Tamā e, auā o lou finagalo lava lea.*”

Ioe, ua tele ina o tatou fa'alologo ma talia le tele o fa'aupuga ma fa'atonuga ua tu'uina mai i a i tatou e i latou ua maualuluga tulaga ma maua tofiga maualuluga. A'o le upu a le tagata ua agava'a ma ua i ai le aiā. O lo'o fa'aalia i le tusi faitau le lē auai o le Atua i lea tulaga, o le fa'aaogaina o le agava'a o le tagata. Ua matuā leai ai lava ma se amanaiaina o fanau laitī, auā fo'i ua leai so latou aiā i totonu o le li'o lea. O le finagalo o le Atua ia tutusa tagata uma, e tofua lava le tagata ma le taleni ua tu'uina i ai e le Atua.

O i latou ia ua fai mai ua popoto ma iloa ia mea, ua uma ona o latou fo'i mai ai, ma ua o latou malamalama lelei i auala fa'aaogaina ai le isi tagata. A o'o la ina pā'u atu le tagata lea i le leaga, ona mou e se lea o le na tu'uina atu i ai ia mea. O tamaiti laitī, o le fatu lea o le Atua, oi latou fo'i ia ua le amanaia. O i latou ia ua fetalai mai ai le Atua, o i latou ia oe oi le malo o i le lagi, a le liua le tagata ma avea ma tamaitiiti, e le sao atu lava i le malo o le Atua.

Tatalo: Le Atua e, tatala o matou mata ina ia o matou iloa e ua si'osi'omia i matou, ma taumafai e fa'asea i matou, alofa ma ta'ita'i mai i latou ina ia o matou maua uma le manuia o lau Afio. **Amene**

Aso Faraile – Me 26: “Ia pulea lou loto” (*Permission to withdrawl*)

Tusi Faitau – Mataio 12:9-21

Matua – ff. 13-15: *“Ona fetalai atu ai lea o ia i le tagata, inā fa’aloaloa ia lou lima.” Ona fa’aloaloa ai lea e ia, ona toe lelei ai lea, ua pei o le tasi. A ua o i fafo le au faresaio, ona latou taupulepule ai lea ia te ia, ina ia o latou fasioti ia te ia. A ua silafia e Iesu, ona maliu ese ai lea o ia i lea mea. Ua mulimuli mai fo’i ia te ia le motu o tagata e to’atele, ona fa’amaloloina ai lea e ia o i latou uma.*

A’o tau aoao ni manatu mo la’u tusi, sa ou tusia ai se tala e uiga ia Sofia. O Sofia o se tinā nofo to’atasi. O lo’o feagai Sofia ma se ma’i faigata, o le tauaveina lea o le ma’i o le Kanesa. I ni nai masina a’o o’u taumafai e fa’aputupu mai ni tusitusiga mo la’u tusi, o le taimi fo’i lea na maliu ai ma le tinā o Sofia. Sa o matou iloina lava le mea o le a o’o ia Sofia, ae na pei e taia i se pa piliki lagona ina ua maliu Sofia. Na o’o mai ia te a’u se manatu e tatau ona ou tu’umuli ese.

Tau tata’i atu la i tatou i le autu o le aso lenei. Tau fa’amalamalama mai la e Iesu le agamālu ma le loto maulalo, o lenā ua fa’avaeina ai le Sapati. O le mea lea o le fa’amalolo i le sapati ua fa’atulafonoina. Sa ia fa’amaloloina le lima o se tasi tamā i le Sapati, ae na iloa o ia e le au Faresaio, ma ua o latou tete’e i lea mea. A ua ia manatu, e sili pe a ou tu’umuli ese. E foliga mai lea ua fa’aaogaina le vaega lea e pei ona faia e Iesu, o le tu’umuli ese, ae aua le tali atu i tagata le malamalama. E ese fo’i le manaia o lea feau mo i tatou uma. A i ai ni fa’afitauli ma ni fa’aletonu e tula’i mai, a lea ua a’oa’o mai i tatou e lo tatou Ali’i le auala filemu, e tula’i ma alu ese e fa’aitiitia ai le fa’afitauli, ia pe taofia ai fo’i.

Tatalo: Fesoasoani mai lo matou Atua ina ia o matou iloa le taimi e malolo ai o matou tino, o matou mafaufau, ae maise o matou agaga i lau Afio, Fa’afetai ona o lau Afio o se nofoaga e sili ona o matou maua ai le filemu ma le saogalemu.

Amene

Aso Toona’i – Me 27: “Filifili i le fa’amoemoe” (Choose hope)

Tusi Faitau – Mataio 12:22-37

Matua – ff. 22-24: *“Ona aumaia lea ia te ia o le tagata ua uluitinoina e temoni, o le tauaso fo’i o ia ma ua gūgū; ona fa’amaloloina ai lea e ia o ia. Ona tautala ai lea ma va’ai le sa tauaso ma gugu. Ona taufaiofo ai lea o le motu o tagata uma, ua fa’apea ane; Po’o le Atali’i ea lenei o Tavita? A ua lagona e le au faresaio, ona latou fai ane ai lea, ana le se anoa le Pelesepuo le Ali’i o temoni, e le tulia e lenā tagata o temoni.”*

Ua ou tau le mautinoa ina ua ou faitau i manatu ia e lua o lo’o ua aumai e uiga i le vavega na faia e Iesu. I manatu uma ia e lua e leai se manatu o maua tonu le agaga na ala ai ona faia le fa’amalologa. O le isi vaega ua manatu, ua ofo i latou ma aumai le latou manatu e foliga mau e le’o mautonu, ua au mai ai fa’a fesili le latou manatu, fai mai, Po’o le Atali’i ea lenei o Tavita. E foliga mai o se manatu e le’o mautu sona taofi, e foliga ma ii le latou tali, o i latou ia o lo’o i ai le latou fa’amoemoe e i ai le atali’i o Tavita e toe sau e na te toe osi le latou to’ilalo, le mesia n ate toe fa’aolaina i latou. E manaia le manatu o le vaega lea, a’o se fa’amoemoe ua leva ona moemiti ai, a’o lea ua latou molimauina i ana vavega ma ana fa’amalologa o lo’o faia. O lo’o latou nonofo pea ma se fa’amoemoe o le a tanu’u ia mea uma.

E i ai le taimi tatpu te fa'amoemoe ai i mea tatou te le malamalama i ai, e pei la o manatu o le au faresaio, o le latou manatu ina ia tineia le fa'amoemoe o galuega fa'aola a le Ali'i o Iesu. Na latou aumaia ai le ali'i o temoni. Ua manatu lava i latou e leai a se isi i le va o i latou ma le Atua. O le latou manatu, e uma loa le Atua, soso'o loa ma i latou. O le ala lea o le latou tete'e ai ia Iesu ma ana galuega fa'aola. O lo'o aliali mai le manatu tete'e ma le manatu fa'apito, o lona uiga latou te le taliaina.

I le taimi o le Korona virus, o au se tagata sa le matua'i le mautonu a lo'u mafaufau, ona o tala tau fa'amata'u o le fa'ama'i, o le maua ai o le tagata, e o'o a i le uma ai o le soifua ma le ola. Peita'i, na fautua mai a'u uo, ae maise na i o'u aiga, fai ma ii latou, filifili pea oe i le fa'amoemoe e pei ona matou filifili ina ia o matou tutu malosi e tete'e atu le fa'ama'i ma le fa'amoemoe, o le a manuia lo matou fa'amoemoe o le tete'e atu lea i lenei fa'ama'i. O le tatou tutu malosi lea e pei o i latou ia na filifilia le fa'amoemoe, i latou ia na fa'apea atu, o ia lava lea e pei ona fai mai ai o ia, o ia lava lea.

Tatalo: Le Ali'i e, pe a o matou leiloa, ma o matou le mautinoa, fesoasoani i lo matou vaivai, ina ia fa'amalosia pea lo matou fa'amoemoe, ua na o lau Afio lava lo matou fa'amoemoe sili e matou te saogalemu ai ma o matou ola ai. **Amene**

O LE FA'ATINOINA O TIUTE LAUTELE MA LE ALOFA

Social Responsibilities and Love in Action

1 – Fa'aali atu Lona mamalu (*Display His glory*)

Aso Sā Penetekoso

Aso Sā – Me 28: “Talalelei mo e ua Sauaina”

Tusi Faitau - Isaia: 61:1-3 (*Good news for the Oppressed*)

Matua – ff. 1; 3 “*Ua i o'u luga le Agaga o le Alii le Atua, auā ua faauuina a'u e le Alii e tala'i le talalelei i e ua tigaina, ua ia auina mai a'u e fusifusi i e loto momomo, e tala'i le sa'olotoga i le tafeaga, ma le matuā tatalaina o e ua fusifusia ... e avatu le fiafia i e o faanoanoa i Siona, e foaiina atu ia i latou le matagofie e sui a'i le lefulefu, o le uu o le olioli e sui a'i le faanoanoa, o le ofu e fai a'i viiga e sui a'i le loto faavaivai; e igoa i latou, O laau o le amiotonu, o le faatoaga a le Alii, e fai mona viiga.*”

O le fuaitau o le asō o lo'o aumai ai le amataga o le faitauga a Iesu i le sunako i Nasareta, ina ua ia folafola atu i lona nuu, ‘Ua i ai lenei mau i le aso nei, ua fa'ataunu'uina i o outou taliga’ (Luka 4:18, 21). Na folafola atu e Iesu lenei talalelei; a o le tala e fou ua pei o le tatalaina ma le toe fa'aleleia o le sa'olotoga mo e o fa'apologaina i sūauga, mo e le va'ai, ma i latou e le atoatoa le malosi o le tino ma le mafafau. O le talalelei e fa'asa'olotoina ma liua e o sauaina, ma e o faia le sauaina. Le tala e maua ai le ola i fa'alapotopotoga o i le foafoaga e pei ona finagalo ai le Atua. E fa'ailoa atu ai i e o fa'asāua, ma e o sauāina, latou te maua pale e fai ma lefulefu, ua fiafia mo e fa'anoanoa ma vi'iga mo e vaivai.

O le mau ma le fa'avae o le ola fa'amagalalo ma le toe fausia o se lelei ma le maopo'opo, e afua mai i le ola sa'oloto ma le mafuta fiafia e aunoa ma se ola taotaomia i sauāga. Ua fa'apena le manatu ua aumai mo i tatou i lenei taeao. O le tala e fou ma lelei e fa'anofu filemu le sauāina e pei ona i ai le nu'u o le Atua i le tafeaga i Papelonía. A ua fa'ailoa mai le fa'ato'ilaloina o le ola sauāina, e ala i le ola fou mai le Atua.

Tatalo: Le Ali'i e, fa'ailoa ma ii a'i matou ala o le talalelei ina ia o matou avatu i le lalolagi, ia avea i matou ma tagata o le talalelei i aso nei. **Amene**

Aso Gafua – Me 29: “Agalelei i le mativa” (*Generosity to the poor*)

Tusi Faitau – Teuteronome 15: 7-11

Matua – ff. 10-11: *“E te matua avatu lava ia te ia, aua lava ne'i e avatu ia te ia ma le tigā o lou loto, auā o lenei mea, e fa'amanuia ai oe e lou Ali'i lou Atua i au galuega uma, ma mea uma lava e tago i ai ou lima. Auā e le aunoa ona i ai i le nu'u o le tagata mativa, o le mea lea ou te fai atu ai ia te oe, o lo'o fa'apea atu, ia e matuā fa'amafola atu lou lima i lou uso, i le ua tigāina, ma lē ua mativa e ia te oe i lou nu'u.”*

O le tusi lea o Teuteronome o lauga ma apoapoa'iga a Mose a'o le'i o'o atu i le nu'u folafolaina. Sa masani lava i le 'ai a o i ai i le ola pologa, A'o lea ua le lava le manai e pei ona aumai mai le lagi. Sa i ai lava le i le fa'alagolago i le Atua a'o i ai pea i le vao, a'o lea ua taunu'u i le laueleele na folafolaina i ai, ua maua lava le laueleele e galue ai, ua i ai fo'i le malosi e pulea ai a e i latou a latou mea e 'ai. E foliga mai ua o latou faia fo'i le malologa i le aso lona fitu. Ua fetalai mai le Atua, tausaga uma e atoa i ai le fitu o tausaga, o le a fa'amagaloina uma lava au aitalafu.

Ua silafia e le Atua le ala o lo'o taumafai mai ai le agasala ina ia fa'ateleina agasala o lo'o faia e le tagata. O lo'o taumafai le Atua e puipui mai i tatou mai isi mea tele tatou te le o mana'omia, a ia o tatou va'ai i isi o tatou uso a tagata, o lona uiga, a tatou maua mea, ma ua lava, ua a'oa'o mai Iesu i a'i tatou, manatua lou uso mativa, po'o e o lo'o mo'omia le fesoasoani. O le tatou faia o lea tulaga, o lo'o tatou a'oa'o atu fo'i isi tagata ina ia fa'apea fo'i ona o latou alolofa atu fo'i i isi fo'i tagata. O le a avea lea ma ala o le a maua ai le fia e mafuta fa'atasi, ma galulue fa'atasi, e pei ona fesoasoani mai le Atua i lana fanau. A'o o lo'o tau vala'au mai pea le ti'apolo, e taumafai e talepe ma fa'aleaga le mafutaga ua mafanafana ma mausali.

O le a le mafai ona uma le tele o tagata e fia a'ai ma fia maua ni mea e nonofo ai, ma le tele lava o isi manaoga, ia o tatou nofo uta i ai, tatou alolofa i ai ma tatou taumafai e foa'i atu e tusa ma le mana'o. Fesoasoani poo le a lava, tatou taumafai e fai, ae aua ne'i o tatou o ese e aunoa ma se fesoasoani. Pipi'i i le Atua o le ala lea e mafai ai ona tatou fesoasoani, o fea lava o tatou i ai.

Tatalo: Le Ali'i e, ia o matou mulimuli i ou ala, ina ia o matou avatu le fesoasoani i le o lo'o mana'omia, ma ia tatala o matou matai auala e matou te feso'ota'i ai m i latou on lo'o mana'omia le fesoasoani, o fea lava matou te i ai.

Amene

Aso Lua – Me 30: “Lavea’iina i le fa’apologaina”

Tusi Faitau – Teuteronome 15:12-15 (*Redeeming the enslaved*)

Matua – ff. 15a: *“Ia e manatua fo’i na fai oe ma auuuna i le nu’u o Aikupito, na lavea’iina fo’i oe e le Ali’i lou Atua.”*

O lea tusitusiga e foliga mai o lo’o aumai e le tusitala e fa’atautu i feso’ota’iga, feso’ota’iga i le taimi, taleni, po’o ni oloa t̄aua fo’i, ma isi lava mau mea o lo’o ia i tatou. O mea ia ua fai ma ta’iala tatou te mulimuli ai ma taumafai e inivesi pe fa’aaogaina mo le tatou ola i le tatou feso’ota’i atu i le Atua, o isi tagata ma le foafoaga atoa lava. O nei mea uma ina ia pupula o tatou mata i ala o le Atua e fesoasoani ina ia fa’ataunu’u ai tulafono t̄aua nei e lua, (1) Alofa i lou Atua ma lou loto atoa, lou agaga ma lou mafaufau atoa, ma lou malosi atoa. (2) Ia e alofa atu i lou tuaoi ia pei o oe lava ia te oe.

O le tupe e nono mo e o lo’o mana’omia, o aitalafu e fa’amagaloina i le fitu o tausaga, ia toe fa’afo’i fanua ma laueleele i le uma ai o le Limasefulu tausaga, ua fa’amanuiaina i tatou ma tatou aapa atu mo isi o tatou uso vaivai, o lo’o silasila le Atua i le tagata ma lana foa’i ma lona agalelei i le isi ou uso. E fa’amanuia le Atua ia te oe ma lou aiga. O le tatou va feagai ai ma isi ou uso a tagata, ua ese lava fo’i i nei fo’i vaitau.

O le faitauga fa’a Eperu o lo’o aumai ai se va’aiga o le ofoina atu o lou fesoasoani mo le isi ou uso a tagata. A’o le aumaia o tauasaga fa’asapati, e maua ai le avanoa e toe fa’amagalo ai aitalafu. Ao le toe tula’i mai o le Ali’i o Mandella le peresitene muamua na ia toe faia se galueda fa’aola ma Aferika i saute. Fai mai le ali’i o Mandella, O le avefa ai ma tagata sa’oloto, e le o le aveesea o le filifili ma lima, ae o le a le aveesea ai le fa’aaloalo ma fa’aaoga tatau le sa’olotoga. Ioe, afai ua tatou ola i le sa’olotoga, ia tatou iloa ona fa’aaloalo ma fa’aaoga tatau mea ua tatou maua i le sa’olotoga.

Tatalo: Iesu Keriso e, le Alo o le Atua, famanatu mai po’o le a le taimi e ofo ina atu ai le fesoasoani i nisi o matou uso, pe ua ala tatau ea ona fa’atino i le taimi nei? **Amene.**

Aso Lulu – Me 31: “Ia tausii i le Lalolagi” (*Look after the earth*)

Tusi Faitau – Salamo 8:1-9

Matua – ff. 6-9: *“Ua e foa’iina ia te ia le pule i galuega a ou ‘aao; ua e tu’uina mea uma lava i lalo o ona vae; o lafu mamoe ma povi uma lava, atoa ma manu vaefa o le vao, o manu felelei, ma i’a o le sami, ua tata’a i ala o le sami. Le Ali’i e, lo matou Ali’i, e silisili lava lou suafa i le lalolagi uma lava.”*

I le Salamo e 8; o le Salamo o vi’iga, a’o vi’iga o le Atua, O lo’o fa’aalia ai le Paia ma le mamalu silisili ese o le Atua, o lo’o aumaia o se ata mo le fa’aaogaina i o tatou ola ae a le Atua ma lona finagalo. O lo’o fa’aalia ai fo’i le tausiiaina o ana foafoaga Paia. O lo’o ua pupula ai o tatou mata, o le Atua e pule aoao. O i tatou o tagata tausii mea a le Atua, o lo’o ua tu’uina mai ia i tatou ina ia tatou tausii lelei le lalolagi. Ia o tatou tausii o a tatou lava mea totino. E le tatau ona tatou fa’aleagaina, a ia tatou fa’aleleia. O le foafoaga a le Atua o mea tatou te fa’aete’ete ai. O lo tatou

si'osi'omaga tatou te tausi ma vi'ivi'i ai. O le fale o le Atua ua fai ma malu i lana foafoaga atoa.

O le Ekolosi (Oikos) o le su'esu'eina lea o le feso'ota'iga o meaola, manu uma o lea vao, o la'au ma mea toto i fa'afo'aga, ma laau uma o le vao, o le fa'aogaina o ia mea ta'itasi o le foafoaga. O la'au e maua mai ai mea 'ai e tausi ai le tagata, ma manogi eseese e sasala mai e maua ai e le tagata le malosi, ma isi lava mea e fa'aogaina ai, e pei o le fausiaina o fale, ma le tele o isi mea aoga.. O meaola uma fo'i ua tofua fo'i a ma lona aoga i le si'osi'omaga.

O lo tatou si'osi'omaga, o le foafoaga pa'ia lea a le Atua, a'o fuafuaga loloto a le Atua ae a le tausia ina o le tagata o lana na faia i lona lava fa'atusa. O lo'o ua fa'amanatu mai ina ia o tatou malamalama i le silisili ese o le Atua, ma o tatou molimauina le mamalu o le Atua. O le Atua o le Atua e alofa, ma e le fa'apito le alofa o le Atua, e fa'asafua lona alofa, o ai lava o fia 'ai ma fia inu, e silasila i ai le Atua ma le Alofa. A'o lea ua aumai i le autu, o le tatou tali atu lea i le Alofa o le Atua. Ina ia fa'atino o tatou tiute ma o tatou taleni, e tatou te tausi fa'alelei ai mea totino a le Atua, o a mea ua i a'i tatou, o mea ia a le Atua. A tatou alolofa la i le Atua, Tausi lelei le lalolagi, o le mea totino a le Atua.

Tatalo: Fa'afetai tele le Atua ona o matou aiga, ma fanua o lo'o matou nonofo ai, fesoasoani mail au Afio ina ia o matou tausi lelei ma mama lau foafoaga Pa'ia.
Amene

Aso Tofi – Iuni 1: “Tautala mo ē gūgū” (*Speak up for the voiceless*)

Tusi Faitau – Fa'ataoto 31:1-12

Matua – ff. 8-9: *“Ia e tautala mo ē gugu, o le finauga lava o'i latou uma ua aumatua; ia e tautala ia fa'amasino ma le tonu, ma ia finau mo e puapuagatia, ma e ua mativa.”*

Fa'ataoto e 31 i le fuaiupu muamua o lo'o fa'aailoa mai ai le a'oa'oga a le tinā e le o mailoa poo ai, ma le tupu o lo'o fa'aogaina le igoa o Lemuelu. O lo'o fa'apea ona fa'aailoa atu ai e le tina i lana tama na fanau i lona manava, ma le tama na ia tauto ai i le Atua, ina ia fa'apea ona ia alofa atu i e ua sauaina, atoa ai ma fafine ua oti lana tane. O lo'o fa'apea fo'i ona fautuaina e le tinā lana tama ina ia fa'amasino ma le tonu. O lona uiga o le fautuaga a le tinā i lana tama, a o se fautuaga lelei fo'i lea mo'i tatou uma, ina ia o tatou fesoasoani i o tatou uso ua puapuaga ma e o lo'o fia maua se fesoasoani. O lo tatou tautala lava lea mo e ua gugu, afai ua lava le tamāoaiga, fa'asoa atu mo e o lo'o mana'omia, o le finagalo fo'i lea o le Atua ina ia o tatou fa'atinoina lona finagalo.

Tatalo: Le Atua paia e, ia matou saili e ave a matou ma tagata ua e finagalo i ai. Ia matou iloa o lou malosi i mea uma matou te faia. **Amene.**

Aso Faraile – Iuni 2: Puipui lē ua sauāina (*Defend the oppressed*)

Tusi Faitau – Isaia 1:16-20

Matua – ff. 17; 19-20: *“Ia outou faamasani i le amio lelei, sailiili ia i le faamasinoga; ia outou faasaoina le ua sauaina, ia outou faamasino i le ua*

mātuaoti, ia outou finau mo le fafine ua oti lana tane ... Afai tou te gauai ma outou faalogo, tou te aai i mea lelei o le laueleele. Ae afai tou te le mafafai ma outou fouvale, e fa'aumatia ai outou i le pelu; auā ua fetalai mai ai le fofoga o le Alii"

O le Isaia 1:11-16, o lo'o fa'aailoa mai ai le to'atama'i o le Atua ona o amio a tagata ua leaga ma ua leaga lava. O lo'o fa'aali mai ai le lē fiafia o le Atua ona o amio leaga a lona nu'u auā ua lē fa'aaogaina le malumalu ma le tatau a ua faia ai mea e fa'afiafiaina ai le tagata. Ua faia fo'i a latou taulaga i auala ua le tusa ai ma le finagalo o le Atua. O lo'o fa'aailoa mai fo'i le lē fiafia o le Atua ona o tagata-sauaina ua le amana'iaina.

O le finagalo lea o le Atua mo i tatou lana fanau, ina ia o tatou alolofa i isi o tatou uso a tagata, ma fesoasoani i lē ua sauaina. Silasila i nai o tatou fanau, o i latou ia o lo'o tele ona sauaina. O le tagofia o fualaau fa'asaina, ava oona ma isi mea e ono afaina ai le ola. O le tatou galuega, ia o tatou tatalo mo i latou ia.

Tatalo: Le Atua e, agalelei lau Afio ma fa'amanatu i a'i matou ina ia o matou lavea'i i latou ua afaina i mailei a le fili. **Amene.**

Aso To'ona'i – Iuni 3: “Saili le lelei, ae le o le leaga”

Tusi Faitau – Amosa 5:1-15 (*Seek good, but not evil*)

Matua – f. 4b: *“Ia outou saili mai ia te a'u, tou te ola ai.”*

E ese le matagofie o le feau o lo'o aumai i le tatou tusi faitau i lenei aso, fai mai, “Saili i le Atua.” Ioe, saili i le Atua e manuia ai ou fa'amoemoega ma au taumafaiga uma. Pupula o tatou mata fa'aleagaga, ona o tatou iloa lea le auai mai o le Atua, ma o tatou lagona ai le fiafia i le ola pe a tatou molimauina le ola lea, e tatou te fa'asoa atu mo e o lo'o mana'omia le ola. Saili i le Atua e maua ai le ola, tali atu i le valaau a le Atua alofa, le o lo'o auala mai ai fa'amanuiaga o lo'o tatou molimauina e ala i lana foafoaga Pa'ia, o lo'o aumai e Iesu le ata o le la mafutaga ma lona Tama, le ata o lo'o aumai ai le auai o le agaga, le ala e feso'ota'i ai ma le isi uso a tagata, ma ofoina atu ai le vaega o lou ola lea ua suia e le agaga, ma suia ai fo'i ma isi tagata o lo'o mo'omia le suiga lea, o le malo ma le lalolagi i nei ona po.

Valaau Amosa i le fanauga a Isaraelu ina ia saili i le lelei ae le o le leaga, e fa'aolaina ai i latou i le Ali'i, ma o le a latou vaaia ai le auai mai o le Atua ma ta'ita'i i latou i o latou ala. E le fiafia le Atua i le leaga, e pei ona fai mai ai le fuaiupu 14 ma le 15 e fa'apea, “ ia outou saili i le lelei, a e le o le leaga, ina ia ola ai outou, ona i ai lea ia te outou o le Ali'i o le Atua o au, e pei ona outou fai mai ai. Ia outou inoino i le leaga, ae loto atu i le lelei, ma ia outou fa'atumanu le fa'amasinoga i le faitoto'a, aua ua fetalai mai ai le Ali'i. atonu e mo i tatou i aso nei, le manuia o le Atua mo le lalolagi uma.

Tatalo: Fa'amanatu mai ia te a'u le Ali'i e, i lea taimi ma lea taimi, ina ia amata ona ou saili atu ia te oe, ma ia ou saili atu ia te oe i lou lelei ma lou alofa, atoa ai ma lau fa'amasinoga tonu mo a'u. **Amene.**

O LE FA'ATINOINA O TIUTE LAUTELE MA LE ALOFA

Social responsibilities and love in action

2 – Tausisi i le alofa naunau o le tasi i le tasi

(Maintain constant love for one another)

Aso Sā Tolu-Tasi Paia

Aso Sā – Iuni 4: “Ua tanu e Iosefa le tino o Iesu”

Tusi Faitau – Ioane 19:38-42 *(Joseph buries Jesus’ body)*

Matua – ff. 38a; 39a; 40-42: *“Ua mavae ia mea, ona faanoi atu lea o Iosefa le Arimataia ia Pilato, ina ia ave ese e ia le tino o Iesu, a e fa’alilolilo ona o le fefe ia Iutaia. Ua tu’uina mai fo’i e Pilato, ona alu ane lea o ia ua ave le tino o Iesu. Ua alu ane fo’i Nikotemo, o le na mua’i alu ia Iesu i le po, ua ana ave fo’i le muro fefiloi ma le aloe, po ua selau o pauna. Ona la ave lea o le tino o Iesu, ua teuteu i ie e tanuma’i atoa ma mea manogi, fa’apei o le tu a Iutaia i le fa’ata’imuaga o le tanuga. Sa i ai i le mea na fa’asatauroina ai o ia le fanua, ua i lea fanua le tu’ugamau fou, e le’i tu’uina ai lava se tasi. Ona la tu’uina ai lea o Iesu i lea mea, ona o le aso o le sauniuniga a tagata Iutaia, aua ua latalata mai le tu’ugamau.”*

Tapenaga ma sauniuniga mo le tu’uina atu i le tino maliu o le Ali’i i le tu’ugamau, ae o lo’o sauni fo’i tagata Iutaia mo le sapatu, o lo’o maitauina o se taimi e sili ona fifilemu ai tagata. Lea na alu ifo le tagata e igoa ia Iosefa le Arimataia, e fa’anoi le tino o Iesu, sr’i ona ave eseina ona ua lata mai le sapatu. O se taimi o lo’o molimauina ai le Pa’ia ma le mamalu o le Atua. O lo’o fa’aalia ai le auai mai o le Atua ma galue mai i auala fou mo aso fou, ma faia ni suiga fou. Iosefa le arimataia o se so’o fa’alilolilo, sa fa’apea ona fa’ato’a iloa i le taimi ua mae’a le galuega a le Ali’i, o lona fefe sa fa’apea ona le iloa ai lona tino i tala’iga ma gaioiga uma a le au so’o. O lona fefe ua pei sea’i o se fanua ua le fa’ato’aina, a ua na o le ola o laua ma fua mai fua masani i lea tausaga ma lea tausaga, e leai se mea fou. E fa’apena tonu a le soifuaga ma le ola lea o lo’o ola ma soifua ai tatou i nei ona po. O aso nei, ua tele ni uiga ma aga ua fa’ailoa mai ai le fefe o le tagata, ua le gata i le tagata lava ia, a ua mafua ona o fa’alapotopotoga o lo’o auai, a’o se vaaiga lautele i le tumutumu o tagata. Ua avea le fefe ma ala ua saisaitia ai i tatou mai le fa’atino ina o le ola fa’atuatua. na suia a Nikotemo i le pio na alu ai ma talanoa ia Iesu e uiga i le tagata ua toe fanau fouina. Na suia mai ai Nikotemo ma avea ai ma tagata fa’atuatua.

O Nikotemo o le fa’ata’ita’iga o le tagata ua ola i le fa’atuatua. Na suia a o ia i le po ma alu ai ia Iesu, o lo’o ta’ua i le tusi a Ioane i lona mataupu e tolu. Lea ua toe fa’ailoa mai lona i ai i le taimi na aveina ifo ai i lalo le tuno maliu o le Ali’i, na ia aumai ai ni fagu u’u manogi, o le muro ua fefiloi ma le aloe, o mea ua sili le taugata, a ua ia aumaia ina ia fa’aaogaina i le fa’ata’imuaga o le maliu o le Ali’i. O lo’o ia tautala mo le Ali’i i lona maliu e aunoa ma se agasala, ma sa ia saunia ni u’u manogi e u’u ai lona tinu mo lona tanuga. Ma o lo’o tuputupu pea lonamalalama ma taumafai e lagolago malosi le tala’ina o le maliu ma le toe tu o le Ali’i nai e ua oti. Ma o lo’o ua ia aumaia se ata manino mo i tatou e alai le fa’atuatua.

Tatalo: Iesu, a’oa’o mai ia te a’u ina ia ou ola i le fa’atuatua, ma ia ou fa’ailoa atu i isi tagata le alofa o lau Afio. **Amene.**

Aso Gafua – Iuni 5: “Toreka” (Dorcas)

Tusi Faitau – Galuega 9:36-40

Matua – f. 36: “*Sa i Iopa le tasi so’o fafine o Tapita le igoa, e ta’ua pe a fa’amatalaina, o Toreka; ua tele ana galuega lelei ma mea alofa ua ia faia.*”

Toreka o lo’o fa’amatalaina ose so’o. I le feagaiga fou, o le so’o, tane po’o le fafine, na te tauaveina le tulaga fa’a so’o, ma o le tagata e atagia ai le ola fa’a keriso e pei ona a’oa’oina ai, e pei ona fa’ata’oto le alafua mo i latou uma e mulimulita’i i ai, ma tatala ai faitoto’a mo e o le a fai ma ta’ita’i i le lumana’i. O le tala ia Toreka ua o tatou iloa ona o lona maliu. Tele ona o tatou iloa tala i le soifua ma le ola o le tagata, pe a o tatou malimauiua lona maliu. O Toreka ma Tapita o le tagata e to’atasi, o lo’o fa’amatalaina e le tusitala ose kasele (*deer*). O lo’o aumaia e le tusitala ni uiga e fa’amatalaina ai igoa ia e lua, Toreka ma Tapita. O lo’o ia fa’amatalaina ai le alofa fa’amaoni i so’o se tagata, ae maise fafine ua oti a latou tane, o se fafine e loto alofa ma fesoasoani i tagata. O uiga ia o lo’o famatalaina ai e le tusitala le uiga o igoa nei ua fa’aigoaina ai lenei ama’ita’i. o se tama’ita’i e alofa ma agalelei i so’o se tagata. Ae le o ta’ua ai le lalelei o lenei tama’ita’i. E le gata le fa’atinoina o lona alofa, a’o le fiafia o tagata i lona lalelei ma lona aulelei.

E mafai fo’i ona tatou fa’apea ifo o i tatou fo’i o Toreka ma Tapita, e iloa ia tatou amioga ma tatou fesoasoani mo e o lo’o fia mana’omia le fesoasoani. Aua tatou te aputiputi mea ua tatou maua, a ‘ia o tatou fa’asoa atu mo e o lo’o fia maua le fesoasoani. O le finagalo fo’i lea o le Atua mo’i tatou uma, ina ia o tatou alolofa ma fesoasoani i e o lo’o puapugatia ma mafatia, o le a se mea ua o tatou maua ma ua tele, fa’asoa atu. Alolofa i ou tuaoi, alofa i so’o se tagata, ae maise ai le o lo’o ita ia te oe. Ua fetalai mai le Alii lou Atua.

Tatalo: Agaga Paia e, ia e fa’atasi mai ia i matou ina ia matou lagona o lou fa’atasi mai. **Amene.**

Aso Lua – Iuni 6: “Konelio ma ana meaalofa”

Tusi Faitau – Galuega 10:1-8 (*Cornelius and his alms*)

Matua – ff. 1-2: “*Sa i Kaisareia le tasi tagata o Konelio le igoa, o le ta’ita’i o le to’aselau, i le au e igoa o le au a Italia, o le tagata amio Atua, ma mata’u i le Atua, atoa ma lona aiga uma, o le avatu mea alofa e tele i le nu’u, ma ua tatalo i le Atua e le aunoa.”*

O Konelio, o le ta’ita’i au o le au ua fa’aigoaina o le au a Italia. Vaega au o lo’o i ai Iutaia i lana va’ava’aiga, o se tagata fo’i e fiafia e fai ana foa’i i tagata, a’o se tagata fo’i e fiafia e tatalo i le Atua, o le ata manino o le tagata e mafuta i le Atua. O Konelio o se tagata o lo’o fa’amoemoe i ai nisi o nu’u ma Itumalo o loo fa’apea ona i lalo o lana va’ava’aiga. O se va’aiga e matua talia gata e tagata le valaau a le Atua ia Konelio e alu e vaai ia Petaeru i Iopa, a’o le’i o’o la Konelio i Iopa, sa valaau fo’i le Atua ia Peteru e tusa ai ma le o’o atu o Konelio. Ua fa’aailoa e le Atua ia Peteru le tala e fai ia Konelio pe a taunu’u atu. Sa feiloa’i Peteru ma Konelio, ma sa fa’aailoa i ai mea uma sa fetalai mai ai le Atua ia Peteru. E pei ona aumai i le tusi o Galuega 10 i lona fuaiupu 34 e fa’apea, “Ona o’o atu ai lea o le lauga a Peteru, ua a’apea atu, E moni, ua ou iloa e le fa’aailoga tagata le Atua, ae

peitai o le mata'u ia te ia o nu'u uma lava, ma talia o ia, ma fai e i latou le amiotonu, ua talia i latou e ia."

Aumai e Konelio se a'oa'oga mo i tatou, tatou te toe to manatu ai i suiga o le olaga o lo'o taou o ola ai i lenei vaitau. O le vaitau o le fa'ai'uina o taumafaiga a nisi o fanau i a'oa'oga, e le gata i le tatou alolofa i a tatou fanau, a ia o tatou fa'asoa atu fo'i le alofa lea mo isi fo'i fanau o lo'o feagai pea ma a'oa'oga. Pei o Konelio e fa'asoa atu ana mea alofa i tupe, mea ai, ma isi mea, a'o fautuaga fo'i e tatau mo a tatou fanau, fa'asoa atu ae aua le taofiofi mamau. E le gata le i a tatou fanau, a'o isi fo'i fanau o lo'o mo'omia lea fesoasoani, pei o Konelio, ua le gata i mea alofa ua tu'uina atu, a'o lana tatalo ina ia manuia ai isi tagata e to'atele. Ia fa'amanuia le Atua i fanau ua fa'ai'uina taumafaiga i a'oa'oga, a ia sili ona fa'amanuia le Atua mo le aga'i atu mo le lumana'i, ina ia fa'aaogaina le ola ma le malosi e tautua ai aiga, nu'u ma Ekalesia. Ia pei o Konelio le ola tatalo ma foa'i mo isi.

Tatalo: Le Ali'i e, ua o matou tutu i ou luma ma fa'atoga atu i lau afio ina ia e fa'amanuia mai i matou i le alofa fou, le malamalama fou, atoa ai ma le ola fou.

Amene.

Aso Lulu – Iuni 7: “Litia” (Lydia)

Tusi Faitau – Galuega 16:12-15, 40

Matua – ff. 14-15: *“Ua fa'alogi mai fo'i ia te'i matou se tasi fafina, ua mata'u i le Atua. E nofo o ia i Tuatira, O lo'o ia fa'atauina ie pauli. Na ia aioi atu ia Paulo, Afai ua outou manatu o a'u o le fa'atuatua i le Ali'i, o mai ia i lo'u fale ma nonofo ai.*

A o āga'i atu Paulo i lana malaga i Maketonia, sa ia afe ane ai i le 'aai o Filipi, o se 'aai o lo'o i lalo i le va'ava'aiga a le malo o Roma, o se kolone i lalo o le Puleaga a Roma. O le aso Sapati na o latou taunu'u ai ma o latou maua ai se fa'alapotopotoga o Fafine o lo'o tatalo, e latalata i le faitoto'a i tafatafa o le vaitafe. I lea fa'alapotopotoga sa i ai se tina e suafa ia Litia. O Litia ua uma ona papatisoina ma e o lo'o nonofo ma ia. Ua uma ona latou fa'alogi i le lauga a Paulo, ona valaaulia lea e Litia Paulo ma lana aumalaga i lona fale.

E ui ina o latou feiloa'i i Filipi, a'o Litia e sau mai i Tuatira, ma o lo'o ia galue i le faia o ie pauli ma fa'atau atu. O Litia o se fafine fai Pisinisi, e tausi ai lona aiga. O Litia o se tama'ita'i e fa'amaoni i ona tiute i le Ekalesia, e fiafia e talia so'o se tagata e ulufale i le aulotu ma fa'aali i ai lefa'aaloalo. I le tusi o Galuega o lo'o aumai ai se tala matagofie i le aveeseina mai o Paulo na Sila mai le falepuipui atoa ai ma le papatisoina o le sa va'aia le falepuipui fa'atasi ai ma lona aiga. Sa toe aga'i atu ai Paulo ma Sila ia Litia mo le fa'amalosia pea o'i la'ua mo le fa'aauaina o le galuega, fa'atasi ai ma lagolagoina e Litia o le la galuega. E le faigofie le galuega fa'amisona a le Ekalesia. A'o le galulue fa'atasi o le au tala'i ma tutufa'atasi, e maua ai le malosiaga e fa'aauai ai pea le galuega mo le Ali'i ma lona malo. E le ma'imau le fatu e pa'u i le elelee, le mlosi fo'i i le fanau ua mae'a le taumafaiga i a'oa'oga, o le a manuia le lumana'i ma le aga'i atu mo le isi la'asaga fou.

Tatalo: Le Atua e, a'oa'o mai ia te a'u ina ia ou talileleia lou Agaga Paia lea o lo'o galue i totonu o isi, ina ia iloa ai ona galuelue fa'atasi i lou alofa ma lou agalelei. **Amene.**

Aso Tofi – Iuni 8: “Meaalofa a le alofa tunoa” (*Grace gifts*)

Tusi faitau – Roma 12:6-21

Matua – ff. 6-8: *“O lo'o eseese fo'i a tatou mea e tufaina ma i le alofa tunoa, ua foa'iina mai ia te'i tatou, po'o le perofeta, ia fa'atatauina ma le tofi o le fa'atuatua; po'o le ti'akono, ia faia le faiva o le ti'akono, po'o le a'oa'o, ia a'oa'o atu ia, po'o le apoapoa'i, ia apoapoa'i o ia, o le foa'i mea, ia faia ma le matamau; o le pule, ia faia ma le filiga, o le fai mea alofa, ia faia ma le fiafia.”*

I le tele o mea alofa o lo'o ta'ua i le tatou matua, o mea alofa mo tagata ta'ito'atasi ua aumai e le Atua ina ia fa'aaogaina e le tagata ae lona sao i le galuega tala'i a lo tatou Ali'i o Iesu Keriso. O lo'o aumai e Paulo i le tusi 1 Korinito mataupu e 13 le mea alofa fa'aleagaga, o lo'o ia aumaia fo'i i le 1 Korinito, a'o lona mataupu 12, e fa'apena fo'i i le tusi a roma 12. O lo'o aumai ai e Paulo fatuga i le Alofa e silisili ese ma e mata'utia, o le alofa o le Atua. O lo'o fa'aalia lea i le soifua ma le ola o Iesu Keriso, fa'aalia i le alofa i so'o se tasi. E le gata la i upu a'o le amio fa'aalia a le tagata e iloa ai le alofa i isi tagata, ua pei a o le tagata taalo, ua le gata i le tamo'e, a'o le fa'aaogaina o le mafaufau e i ai le taimi e malolo ai. O le malolo o le tino atoa, e mafai ona toe fa'aopoopo le malosi e toe fa'auau ai le ta'aloga ia po'o le tamo'ega fo'i. O lo'o ua aumai i tusitusiga a Paulo ua le gata i mea alofa a le Atua mo le tagata e fa'aaogaina mo lona lava tagata, ae o lo fa'ailoa mai foi e Paulo le lelei silisili ese o le Atua e alai lona alofa. Lea lava ua fa'aalia i le auina mai o lona alo pele o Iesu Keriso, ina ia maliu ma toe soifua manumalo nai oti ma le tuugamau, lea ua tatou maua ai le ola ma maua atili ai lava.

Tatalo: Le Ali'i e Iesu, fesoasoani mai ina ia moni lo matou alolofa i lau Afio ma isi tagata, fa'amanatu mai e le na'o le aso nei, a'o aso uma lava o le matou ola. **Amene.**

Aso Faraile – Iuni 9: “Alofa i ou fili” (*Love your enemies*)

Tusi Faitau – Luka 6:27-36

Matua – ff. 27; 31: *“A ou te fai atu ia te outou o e fa'alogo mai, ia alofa atu i e o fai latou mo latou mo latou fili; ia agalelei atu i e ita mai ia te outou, pei ona outou loto i tagata ina ia latou faia ia te outou, ia fa'apea lava ona outou faia ia te i latou.”*

O lea le ta'iala mo fa'alapotopotoga ina ia o latou ola ai ma o latou molimauiina ai le le ola fa'atuatua o lo'o fa'apea ona latou ola ai. Fa'atasi ai ma le ola o lo'o latou ola ai i le taimi nei, fa'atasi ai ma le molimauiina o le silisili ese o le Atua. O se fa'alapotopotoga o lo'o savavali i fa'ata'ita'iiga a lo latou ta'ita'i o Iesu Keriso. Ua maua ai fo'i ma le avamoia e tatala ai saisaitiaga o e olo'o saisaitia i le agasala. E fa'afofoga le Atua i le valaau a le tagata agasala, o le finagalo fo'i lea o le Atua ina ia lavea'ina mai le tagata mai le agasala o lo'o ia faia. O le fa'amagaloina o agasala, o le a maua ai le avanoa e galue ai mo le malo o le Atua. Ma e tatau ona

tatou fa’ailoa atu i isi tagata le silisili ese lea o le Atua ma ia maua ai e i latou le ola lea o lo’o fa’apea ona maua e le tagata o lo’o ola ma ia iloa le silisili ese o le Atua.

Tatalo: Ia o’o mai lou malo i le lalolagi e pei ona faia i le lagi, ia o matou ola i lou silisili ese e pei ona fa’ailoa mai e Iesu i a’i matou. **Amene.**

Aso Toona’i – Iuni 10: “Sui va’aia o le Atua”

Tusi Faitau – 1 Peteru 4:7-11 (*A representative of God*)

Matua – ff. 7-10: “*A ua lata mai le gataaga o mea uma lava; o lea, ia faautauta ai outou ma ia mataala outou ma le tatalo. Ia muamua ona maua e outou le alifa naunau o le tasi i le tasi, aua o le alofa e ufiufi ai agasala e tele. Ia outou talia Malaga o outou ma le le muimui. Ia outou ta’ito’atasi ona auuuna o le tasi i le tasi i lea lava mea, e pei ona maua e ia o le mea alofa.*”

I totonu o le Unaiete Sitete o Amerika, o lo’o i ai le sa’olotoga mo tagata uma, ina ia galue lava le tagata ia ma ia faia lava fa’ai’uga mo ia lava, o se auala fa’a Kerisiano ina ia ola manuia ma maua e le tagata le fiafia. O le tusi muamua a Peteru, o lo’o malamalama lelei a i ai Peteru i le ituaiga ola lea, o le ola fetausi a’i. Aua e te te’i i fa’ai’uga e fai ma le alofa ia te oe, aua fo’i e te mafaufau o lou faia o se mea lelei o le a e mautinoa ai lou saogalemu. E le o le fiafia la ma lauiloa ai oe, a’o lou fiafia e fa’asoa atu puapuaga o lo tatou Ali’i. E le o le mea lea ua mafua ai ona tutupu mea leaga i le tagata amio lelei, ae ona o mea tutupu ona o le talalelei, e le faigofie le galuega o le tala’iga o le talalelei, e inosia ma sauaina le tagata ona o le talalelei, a’o le tagata e lelei le amio ma tausa’afia e tagata. O sauaga na o latou faia ia Iesu, fa’apea fo’i tiga ai ma le tagata o lo galue mo Keriso. I le maitau atu i alumaga o lenei vaiaso, aua ne’i o tatou mumusu e fa’asoa atu mafatiaga o le fa’aola ona tatou te ma asiasi ona o le maulalo, aua o le tatou fa’asoa lea o le a tatou molimauina i taimi o le i’uga.

Tatalo: Le Ali’i e Iesu, tauto’aluina i matou o fea lava matou te aga’i i ai, avea i matou ma fa’ata’ita’iga lelei, fa’amaoni ma molimauina le matagofie o le Atua, ma ia o matou ola i le ala e fa’atuatuaina ai maia o matou galulue, i ala o le alofa ma ia fa’ailoa i o matou tagata. **Amene**

FALETUSI O TUSITUSIGA PAIA (3) *Biblical library*

Tusitusiga o le i’uga (*Apocalyptic*)

Aso Sa – Iuni 11: “Ua alu ese le mamalu o le Atua”

Tusi Faitau – Esekielu 10:1-22 (*God’s glory departs*)

Matua – f. 12: “*O latou tino uma, ma o latou tua, ma o latou lima, ma o latou apaau, atoa ma mea taavavale ua tutumu ia i mata, ua so’o lava i mea ta’avavale na ia te’i latou.*”

O le tele ia o tala tau fa’amata’u, tala tau fa’afele, e le gata i lea o tala i le fesusia’iga o le tau, ua tele a ina savili ma matagi i taimi sa le masani ai, ae maise ai fo’i o le tele o le mau fa’ama’i e tula’i mai, ae naise ai a le Koviti-19 o lo’o feagai pea ma nisi o le lalolagi, ai maise ai si o tatou atunu’u atoa. O fesusia’iga o le lalolagi ua leai ai se mautinoa i le tele o tagata po’o le a tonu le mea e tataua oma fai.

A o le tatou faitauga mo lenei aso e fa'atatau i o tatou mata ina ia pupula ma manino i le tatou vaai le fa'aali mai o le Atua e alai le tatou iloa o le Atua e fa'aali mai e ala i mea ua ia faia. Ua molimauina e Esekielu le tali, o le aveese a lea o le mamalu o le Atua mai Ieruselema, ma ua fa'aleagaina fo'i le malumalu, a'o le mea ua molimauina, o fea lava na ave ai le fanau a le Atua, na i ai fa'atasi ma le Atua. Ioe, o fea lava tatou te o i ai, o lo'o i ai pea le Atua ma'i tatou.

Tatalo: Le Ali'i e, alofa mai i lau fanau, ona o mea e tutupu ma i lenei vaitau, fesuia'iga o le tau, fa'ama'i, ae maise ai tala taufa'amata'u mai i le matou ola. Fesoasoani mai ina ia matou iloa o lo'o e puipui ma leoleo matou uma. **Amene.**

Aso Gafua – Iuni 12: “Fa’aaliga iā Tanielu i manu fe’ai”

Tusi Faitau – Tanielu 7:1-28 (*Daniel’s vision of the beasts*)

Matua – f. 8: *“Na a’u manatunatu i nifo, fa’auta fo’i, o le tasi nifo itiiti ua tupu a’e i le va o nifo e lua, ona fa’i ese a lea o nifo e tolu sa lua’i tutu; Fa’auta fo’i, ua i lenei nifo mata ua pei o mata o le tagata, atoa ma le gutu ua tautala i upu fa’asausili.”*

O tala i le tusi a Tanielu, O lo'o aumai tala i fa'aliga, o lona uiga o lo'o fa'aali mai mea o le a tutupu i le nu'u o Isaraelu, o lo'o aumai ai fo'i tala i le manu fe'ai e pei ona aumai i le tusi o fa'aaliga. Talosia sa e le i miti i se Kariota ma ona pa'u ta'avalevale e fai ni ona mata e pupula ai ma iloa mea. O ituaiga tala ia o lo'o aumai ai se tau fa'afefe. Ae o tala o lo'o aumai ai se feau mo le nu'u o le Atua. O lo'o aunai ai e Tanielu tala e tutupu ai ni manatunatuga i tagata, ma taumafai tagata e ola ai e tusa ma le vaitau o lo'o iai fa'i i latou. O lo'o fa'amanatu mai e Tanielu le uiga o ia fa'aaliga mata'utia. Ina ia iloa e tagata le fa'aali mai o le Atua ma Ia silasila i mea olo'o tutupu i le ola o lo'o ola ma soifua ai le tagata.

O le fa'aaliga ua iloa e Tanielu i manu fe'ai, o lo'o aumai se ata o le Atua e malosi, o le malosi fo'i lea e na te taia ai le manu fe'ai ma lafo ifo i le afi ma susunu ai. E leai se taimi po'o sina minute e tatou te tau manatunatu ai i tala ii a manu fe'ai, a'o le mea e ao ona tatou faia, tatou vaايا ai se ata i gagana eseese, o tatou mafauauga, ma le fa'agae'etia o tatou loto, tatou te maua ai se malosi fou e fa'atuina ai se malo malosi i lenei lalolagi. O le ;lagi fo'i, o lo'o galueina ai se ata manaia i se lalolagi fou ma le lelei. Ae o lona i'uga o lona fa'amasinoga, ua lafoa'ia ai le manu fe'i i le afi ma le teio.

Tatalo: O lenei aso, taumafai ona tatalo mai i lagona ae le o lona mafuaaga, **Amene.**

Aso Gafua – Iuni 13: “O manu fe’ai i le Fa’aaliga”

Tusi Faitau – Fa’aaliga 13:1-18 (*The beasts in Revelation*)

Matua – f. 4: *“Ua latou ifo fo’i i le tarako o le na tu’uina atu le pule i le manu fe’ai, ua fa’apea atu, o ai se ua tusa ma le manu fe’ai? O ai se na te mafaia ona tau ma ia?”*

Sa taua ia Tanielu fa'aaliga na o'o mai ia te ia, ae sa fa'apea fo'i ona fa'atauaina e le au Kerisiano e pei ona fa'ailoa mai e le Ali'i i a'i latou, o ia lava o le atali'i o le tagata. Ae se'i o tatou tilotilo i fa'aaliga ia o lo'o aumai tusi Fa'aaliga

13 ma le Tanielu 7. E le faigofie fo'i le tatou va'avaai ma faitau ni fa'aaliga o lo'o ta'ua ai le o'o mai o le i'uga o le lalolagi i le lumana'i. E taua lo tatou malamalama i le tusi o Fa'aaliga i lona fa'atulagaina ma lona talaaga na mafua ona tusia ai. O lo'o ta.ua ai le fa'aumatia o lotu Kerisiano laiti i le atu Asia. Ma fa'amalosia ai i latou ina ia tapua'i atu i le Ameperoa. O tala o lo'o aumai ai le sauaina o le Ekalesia, Le vaitau o le Ameperoa sau lea o Nero. O ia faigata ma tala e fa'amata'u ai le ola tapua'i i le Atua, e leai a se mea e n ate mafai ona ave ese le malosi o le agaga ua uma ona fa'ae'e mai i o tatou luga. O le malosi lea o le Atua silisili ese e to'atasi. Ioe, aua ne'i o tatou fesiligia le o'o mai o le fa'aaliga, o mea e ao ona tatou nofo sauniuni i ai. E tatau ona tatou malamalama lelei i le fa'aaliga ona o tatou iloa lea o mea e tatau ona fai.

Tatalo: Talosia uma mea ua matou fa'atāuaina, ae maise ai o le matou ola tapua'i i lau afiō. Ia matou iloa le tāua tele o le avea o Iesu e fai ma o matou fa'aolataga. **Amene.**

Aso Lulu – Iuni 14: “Le Tupu o Tupu ma le Alii o Alii”

Tusi Faitau – Fa'aaliga 19:1-21 (*The King of Kings and the Lord of Lords*)

Matua – ff. 17b-18: *“O mai ia, inā outou fa'apotopoto ane i le faigā'ai a le Atua silisili, ina ia outou 'a'ai i tino o tupu, ma tino o ta'ita'i o 'au ta'itoaafē, ma tino o tagata malolosi, ma tino o solofanua ma ē ua ti'eti'e ai, ma tino o tagata uma, o ē sa'oloto atoa ma pologa, o tagatānu'u atoa ma ali'i.”*

Ua tele tala ua o tatou fa'alogo i ai, ae le gata i lea o tala ua tatou faitau i ai e uiga i le o'o mai o le mutaaga o le lalolagi. Ae afai o lea, e aisea ua leai ai ni lapata'iga ma ni fa'asalalauga, ina ia nofo sauniuni ai le tagata aua le o'o mai o lea aso, leai se fa'aילו fa'aeteete ai i mea e ao ona faia. Ae ua na o ni manatu o e o lo'o faia nei tusitusiga, ae le o le finagalo lea o le Atua. I le tusi lea o Fa'aaliga e 19, o lo'o aumai ai e i latou lava le latou taua pa'ia, ma ua fa'aילו mai ai o i latou e lelei, o lo'o faia le taua ma e o Ti'apolo. Ae o le mea lea, ua to'atele ai le au kerisiano ua aveese a mai ai lo latou i le ola fa'a le lalolagi, ae ua vavae ese mai i latou ma puipui ai i latou mai fa'afitauli ia. Po'o a tala ma tusitusiga i le i'uga o le lalolagi, e tā mau lava le fa'atuatua i le Atua, ua na o ia lava e mau ai le tali o nei mea uma. Ioe, tele fa'afitauli e tula'i mai i le tatou ola, ae o fa'afitauli lava e amata atu ia i tatou lava, o le mea lea ua tavavae ese mai ai le au Kerisiano, aua o lo'o mau pea le to'ovae ia i latou e fa'atuatua ai pea i le Atua pe a o'o mai tala tau fa'amata'u ma tala tau fa'afefe e a'afia ai fua le ola o le tagata.

Tatalo: Le Atua lo matou fa'amasino, fesoasoani mai i ou tagata ina ia matou tutu fa'atasi e fa'aali atu o lou alofa ma lou fa'amaoni. **Amene.**

Aso Tofi – Iuni 15: “Fa'amasinoga” (Judgement)

Tusi Faitau – Fa'aaliga 20:1-15

Matua – f. 5-6: *“A'o e ua totoe o e ua oti, e le i toe ola i latou se ia atoa tausaga e afe, o le ulua'i toe tu lena. Amuia mona le ua pa'ia le ua i ai se tofi i le ulua'i toe tu; e le o'o fo'i le pule a le oti fa'alua ia te'i latou.”*

O le aso ananafi o lo’o aumai ai se finauga ua ova atu ma le seneturi, ae le fa’atusatusalia i le finauga a le meleniuma ia. To’atele le au Kerisiano ua vavae i tapua’iga eseese ma a latou tusitusiga i le Meleniuma ma le fa’amatalaina o le Atua. O lo’o malosi pea se lagona i le latou fa’amalosia pea o taua fa’aniukilia i sasa’e tutotonu. Ua fa’ailoa ai le fa’ataunu’uina o perofetaga a le au Perofeta. Meleniuma ua na o se mataupu itiiti i le tusi pa’ia, e maoa’e fo’i sona sao i le aumai o tala i le fa’aleagaina o le paneta, po’o le lalolagi. Talanoa mai se tama’ita’i i a’i latou o tagata fa’alelagi i latou, ua le toe aoga i se mea i le lalolagi. E tele le au kerisiano ua o latou ola ai i lea tulaga, e pei ona aumai i le tusi o Fa’aliga. O lo’o aumai ai tala i taua fa’alelagi, ae o tala i le fetaua’i ona o le manatu i le ola i tua atu o le oti. Ae o lo’o talanoa mai Ioane i tala i le fa’asauaina o le au Kerisiano, o lo’o ia aumai se fa’amalosiau mo le au Kerisiano ina ia maua le ola tutu fa’atasi ma fetausia’i ma ia manatua o lo’o iai pea le ola i tua atu o le oti.

Tatalo: Le Atua e, matou te tatalo mo lau Ekalesia o lo’o feagai ma sauaga. **Amene**

Aso Faraile – Iuni 16: “O le na te foia fa’afitauli”

Tusi Faitau – Fa’aaliga 4:1-11 (*The one comes to resolve*)

Matua – f. 11: *“Lo matou Ali’i e, ma lo matou Atua, e tatau lava oe ina ia tu’uina atu ia te oe le viiga, ma le fa’ane’ene’ega, ma le mana; aua na e faia mea uma lava, ona o lou finagalo fo’i e i ai i latou ma ua faia.”*

Afai tatou te fesili i se Kerisiano mo sana fa’asoa mai e uiga i le tusi o Fa’aaliga, ou te talitonu o le a latou tali mai o le tusi o lo’o aumai ni tala i mea o le a tutupu, tala i taua, fevaevaea’iga, tala i le lalolagi vevesi, o tala fo’i i fa’amasinoga, ae le o ni tala e aumai ai se filemu. Ua tatou iloa o le tusi lea o Fa’aaliga o lo’o aumai ai tala i le toe fausia lea o le lagi fou ma le lalolagi fou. I le tatou faitau ai i le tusi o Fa’aaliga o lea e aumai e foliga mai ua fa’auma tusitusiga i le Tusi Pa’ia. A’o tatou ola ma tutupu a’e i totonu o le lotu, tatou te fa’alogoina pea le pepese o tagata fa’apea, e pa’ia, e pa’ia, e pa’ia, ona o tatou tilotilo lea i se ata o se pale o lo’o taoto i luga o le samitioata oi le lagi, ma olo’o tata logo mo’i tatou.

I le avea ai ma Metotisi, ese lo’u fiafia e pese, a’o le taumafai e pepese fa’atasi ma nisi i luga uegata’ilagi, e le faigofie, ona matou toe fo’i a lea e fai a matou lotu fa’atino fa’atasi. O le isi mea e tsi lea e aumai e le tusi lea o Fa’aaliga, o lo’o aumai ai ia te a’u se uiga loloto, ia po’o le lautele fo’i o faiga o tapua’iga o lo’o fa’apea ona tpua’i atu ai. Ou te iloa le moni ma le fa’amaoni o lea manatu pe a ou pese leo tele i taimi e vivi’i ai i le Atua. I le avea ai ma ta’ita’i o se sauniga, ou te fa’alogoina lava le pa’i mai o le agaga. O le tu’uina o le vi’iga ma le fa’amanu i le Ali’i, o le lea ala na valaauina ai i tatou ina ia o tatou faia.

Tatalo: Ia fa’amuumua i lau tatalo ona ave le vi’iga ma le fa’ane’ene’ega i le Atua. **Amene.**

Aso Toona’i – Iuni 17: “Ua tatau le Mamoe” (*Worthy is the Lamb*)

Tusi Faitau – Fa’aaliga 5:1-14

Matua – f. 4: “*Ona ou tagi tele ai lea, ina ua le maua se tasi e tatau ai ona fofolaina e ia ma faitau le tusi taai, pe vaai i ai.*”

I le faitau ai pea i tusitusiga a Ioane i Ekalesia, i latou o lo’o molimaaina sauaga, ma faigata ua o’o i a’i latou. Pe le ua tatau ea ia Ioane ona avatu ni upu fa’amafanafana, upu fa’alaeiau, upu e fesoasoani ai i mafatiaga o lo’o feagai ma i latou, o se fa’aosoosoga i a’i tatou, e fausia ai ni polokalame, ia po’o ni poroketi, nai lo le taumafai mai pea o Ioane e va’ ai pea ma taula’i ia Iesu lo tatou ola tapua’i. O le vaai a Ioane i le tusi taai o talaaga ma fesili po’o ai se isi e n ate mafaia ona tatala le tusi, pe i ai fo’i se tagata e n ate mafaia ona toe tusia se isi fa’ ai’uga e sili atu i mea ua uma ona tusia. Ae ui a i lea sa le mafai ona ia iloaina se tasi e n ate mafaia, Ioe sa le mafai ona ia vaai i se tasi e mafai ona tutulu, ma lona fatu ua afaina ona aga’i atu lava ma fa’aaau le leaga o lo’o i ai, a’o le fa’aali mai o le Tama’i mamoe, ua leai lava se isi e n ate mafaia ona faia, aua ua uma ona ia aumaia le fa’ata’ita’iga o le ofoina atu o lona tagata atoatoa. O le ala lea ua latou vivi’i ai ma o latou manatua ai le taumafai mai o Ioane ina ia o latou fapua’i atu i le Ali’i ma vivi’i atu ia te ia. Manatua o le ola i tua atu o le oti o le ola ua uma ona saunia e pei ona aumai i le mataupu 4 ma le 5 le afioaga i le lagi o le faitoto’a matala pea. Ae i le vaaiga a Ioane o le nofoaga tonu a lea mo le lalolagi sese o lo’o faia nei. O mafatiaga, ma sauaga, o lea ua fa’ailoa mai le nofoaga tonu mo i latou nei, ma o iina e maua ai le filemu o le Ali’i. O Iesu lava ia ua tatau ia te ia ona ia tatalaina le talafa’asolopito i lona atoatoa.

Tatalo: Le Atua alofa e, ia avese a i matou mai lo matou tapua’i atu i mea e le tau i lau Afio, ina ia o matou avatu ia te oe le natou tapua’iga ma lo matou ola. **Amene.**

O ai lo’u aiga? (*Who is my family?*)

Aso Sā o Tamā (Father’s Day)

Aso Sā – Iuni 18: “Ia faia le finagalo o le Atua”

Tusi Faitau – Mareko 3:31-35 (*Doing the will of God*)

Matua – f. 35: “*Aua o le faia le finagalo o lo’u Tama, o lo’u uso lea, o lo’u tuafafine lea, o lo’u Tina fo’i lea.*”

Mo se malamalamaaga i nofoaga i le itu i sisifo o le lalolagi e pei o Ausetalia ma Niusila, e ese mai i nisi o Atunu’u o le Pasefika. O le fa’ataua o lo’o i le tele o nei atunu’u, o aiga. I le tele la o motu o le pasefika, ua le gata i le aiga o le Tama ma le tina ma le fanau, A’o aiga e i ai ma uso ma tuafafine, o uncles ma anties. O aiga Samoa a ia, e i ai i aiga i tua atu, e i ai matua o matua, uso ma tuafafine, o tausoga. Le vaiaso lenei ua ou aumaia le avea ma Kerisiano, o le avea lea ma aiga o le Atua. Ua mafai ona maua uma lava le agaga o le Atua. A’o le vaiaso lenei ma lona faitauga, o ai lou aiga, a lea ua fa’amanino mai i le tatou tusu faitau, fetalai Iesu, o lo’u Tuafafine, o lo’u uso, o lo’u tina, o’i latou ia o lo’o faia le finagalo o lo’u Tama o ile lagi. O i tatou o totino o le aiga o le Atua, pe a tatou faia le finagalo o le Atua.

Tatalo: Le Atua e, ia e a’oa’o mai i a’i matou lou finagalo i aso ta’itasi, ina ia o matou tatala o matou loto e te afio ai ma faia lou finagalo. **Amene**

Aso Gafua – Iuni 19: “Ta’ita’i e le Agaga” (*Led by the Spirit*)

Tusi Faitau – Roma 8:12-17

Matua – f. 14: “*Aua o i latou uma ua ta’ita’ina e le agaga o le Atua, ua ta’ua i latou o atali’i latou a le Atua.*”

I le aso leni i le tolusefulu ma le tolu tausaga ua mavae, na ou faia ai se fesili e fa’apea, “O ai lo’u aiga?” I le tuputupu a’e i totonu o si o matou aiga, e tele a ina o matou feoa’i solo ona o le valaau a le Atua i nai o’u matua i le mea e galulue ai, O lea sa o matou o ai i Aoteroa Niusila, e pei o Murupara ma Taumarunui, o Vailoa Faleata i Samoa, ma o matou fa’ai’u ai i Matraville i Sydney, Ausetalia. O lo’u Tama o se Faifeau, o lona uiga, o fea lava e valaau ai i la’ua e galulue ai, o iina lava matou te o i ai. A o o’u itiiti ma tuputupu a’e i Ausetalia, sa ou fesiligia fuafuaga a le Atua, ina ua fa’afuase’i ona maliu lo’u tina i le ma’i sa maua ai, o le aso na ou fesili ai i le Atua pe ai se a ua ia aveesea ai lo matou tina mai le to’a lima o’i matou, e ui a o matou matua o ni auuuna a le Atua e ola i le fa’atuatua e ala i le la valaauina, ae o lo’o tutupu pea nei mea i si o matou aiga. E le gata la i le maliu o si o ,atou tina, ae ua afaina fo’i si o matou uso la’ititi i le ma’i o le Weaver-Smith Syndrome, ua le mafai ai ona tautala, le mafai ona ai, ia ua le mafai fo’i ona savali, e mana’o mia ai la le tausia ma va’ava’ai lelei. O si o matou tina sa faia lea galuega tele, a’o lea ua valaau i ai le Atua i si o matou tina. A’o le aso lemei ma lona faitauga, fa’amanatu mai i a’i tatou, e ta’ita’i loa i tatou e le agaga Pa’ia, ua avea i tatou ma fanau a le Atua. O lo’o aumai a le ata o le Atua mo a’u ma o’u fa’afitauli, o ia lava na ia aumai le tali mo a’u.

Tatalo: O lo matou malosi mai le Atua o malosi, e magalo ai lo matou fesiligia o le auai mai o le Atua i taimi faigata, fa’amalosi i matou ava le Tama e, e matou te saili atu ai i le malosi ma le filemu o lau lava Afio. **Amene.**

Aso Lua – Iuni 20: “O le tamaitiiti le suli o le Atua”

Tusi Faitau – Kalatia 4:1-7 (*A child heir of God*)

Matua – f. 7: “*O lea, ua le toe fai oe ma pologa, a o le atali’i; a e afai o le atali’i, o le suli fo’i ona o le Atua.*”

O fa’amasinoga o fanua ma suafa, ua tele ina vevesi ai aiga i nei ona aso, i le tele o aiga Samoa e fa’asolo mai i auga tupulaga mea totino a le Aiga, e pei o fanua ma suafa o aiga. Tele a o taimi e tula’i mai i latou ua ta’ua o suli moni o aiga e latou te ta’ita’iina aiga, o le avea lea ma matai o le aiga. E i ai fo’i le taimi e fesiligia ai e le aiga le so’otaga po’o le aia tatau o le tagata lea ua fai ma matai. Aua e i ai tagata e ola mai i totonu o le aiga e le o se tagata e tau i le aiga, ae ua ola ma tuputupu a’e i totonu o le aiga, e pei o le tagata sa vaetama, o lona uiga o se tagata sa vavae ese mai i ona matua a’o pepe, ma tausia e matua i totonu o le aiga. Ona ola lea ma avea ai ma se tagata ua filifilia e tausii le aiga ma tu’u i ai le suafa o le aiga, ae le o se suli moni o le aiga. E i ai isi taimi e foa’i atu fanua o se mea alofa mo se aiga e le i ai se mea e tau mai ai i le aiga lea, ia po’o le ave fo’i i ai o se suafa matai o le aiga, ona o lana tautua, ae ua le tilotilo i suli moni o le aiga. E i ai taimi i le lumana’i e tula’i mai ai tagata ia ua ave fa’ameaalofa i ai fanua ma matai, ma taumafai e pulea mea totino a le aiga.

O le tatou autu o le aso lenei, o le avea lea ma suli o le Atua, ma ta'ua ai o fanau a le Atua, afai la oi tatou o fanau a le Atua, e tatau la ona o tatou usitaia poloa'iga a lo tatou Tama, ma ia fa'aaogaina lelei tiute ma tofi e tatou te galulue ai i fausia ina o le aiga o le Atua, o le Ekalesia lea a Iesu Keriso, o le aiga o le Atua e le tau su'eina po'o ai oe, a'o lou galue fa'amaoni o oe o se suli moni o le Atua Soifua.

Tatalo: Le Atua malosi ma le Atua mamalu, fa'amagalo i matou ina ua matou fesiligia le auai mai o lau Afio i o matou tagata. Fa'amalosi mai ia i matou ava le Tama, ma aumaia lou agaga e matou te saili atu ai i lau Afio. **Amene.**

Aso Lulu – Iuni 21: “Fanaufouina se alo o le Atua”

Tusi Faitau – Ioane 19:25-27 (*Born again child of God*)

Matua – f. 26: “*Ua silasila atu Iesu i lona Tina, ma le so'o ua alofaina e ia, ua tutu mai, ona Fetalai atu ai lea o ia i lona Tina, Sena e, fa'auta o lau tama.*”

O le molimauiina e se Tama le fanau mai o se pepe fou, o se vaaiga fo'i e ese mai i le tele o mea o lenei olaga. O se vaaiga e ese fo'i, pe a mafaufau i le alofa o le Atua i lana foafoaga Pa'ia, ua fai ai le tagata ma paleali'i o lana foafoaga. O le taimi lea e vaaia ai le o'o mai o le ola i totonu o le aiga. Molimauiina fo'i e le Tama le ogaoga ma le luluti o Tiga o le tina i le fanauina o le pepe, na uma loa ona fanau mai o le pepe, fai mai le musumusu a le tina i le Tama, o lou atli'i lena. Upu e aumai e le tagata o lo'o feagai ma tiga. A'o le taimi fo'i lea ua fa'atumulia le agaga i le fiafia ma vivi'i ma fa'afetai i le Atua ona o le tagata fou ua fa'aopoopo i le aiga. O se fiafiaga sili lea e le gata ia te a'u le Tama, a'o le Tina fo'i ina ua vaai i lana tama na fanauina.

O le autu o lo'o aumai i lenei aso, ua fai lea ma fa'avae e tatou te tali atu ai i le fesili lea e tula'i mai i le autu o le vaiaso, “O ai lo'u aiga?” Ua na ole tagata ua toe fanauina, ua ta'ua o le fanau a le Atua. O le tagata la ua toe fanauina, ua le o le tagata e toe fanau mai i le manava o lona Tina, A'o le tagata ua salamo, ma toe maua le agaga e talia ai Iesu e avea mona Ali'i ma lona fa'aola. Fetalai Iesu i lona tina, o le taimi fo'i lea na tu'umavae ai Iesu ma lona tina fa'ale lalolagi, e ala lea i lana valaau, Sena e, (woman). O i tatou fo'i, ua avea i tatou ma fanau a le Atua, o le avea fo'i lea o i tatou ma suli o leaiga o le Atua. Talia Iesu e avea ma ou Ali'i, ma ia toe fanauina i le agaga o le Atua.

Tatalo: Le Atua e, fa'afetai ona o lau foafoaga, ua avea ai le tagata ma paleali'i o lau foafoaga Pa'ia. Ia talia i o matou loto le toe fanaufouina e ala i lou agaga, ma ia atagia lau Afio i mea uma matou te faia. **Amene.**

Aso Tofi – Iuni 22: “Avea ma fanau a le Atua”

Tusi Faitau – 1 Ioane 3:1-14 (*Becoming children of God*)

Matua – f. 7: “*Le fanau e, aua ne'i fa'asese se tasi ia te outou, o le fai le amiotonu, o le amiotonu lea, fa'apei ona amiotonu o ia.*”

Se'i o tatou toe vaai lava i le fa'ataotoga mai o le autu o le vaiaso i le ogatotonu o le vaiaso. O le aso lenei o lo'o fa'apupula mai i lona faitauga, ma i le avea ma suli o le Atua, i le ta'ua ai o fanau a le Atua. I le tele o aiga Samoa, e to'atele tamaiti, ae

maise lava taimi e potopoto ai aiga ma o mai fa'atasi. O uso, Tuafafine, o matua o matua, o tausoga, o i latou uma a nei. E i ai le vaega taua a le fanau i faia i totonu o le aiga, e pei o tamaiti matutua, latou te vaaia fanau pe a o matua is w feau. O tama ma teina matutua fo'i e gafa ma le faia o mea 'ai a le aiga. A o'o fo'i ina o mai fa'atasi aiga, e i ai taimi e fia nonofo ai fanau e momoe ma fa'aaoga le taimi lea, e fiafia fa'atasi ai. E fa'ai'uina lenei mafutaga i se aiga tele i luga o se laulau e i ai tagta e ova atu i le lusefulu. O le faitauga la o le aso lenei, o lo'o ua fa'amanatu mai i a'i tatou, o tatou uma o fanau tatou a le Atua e ala lea ia Iesu Keriso le Alo o le Atua. E pei la o fanau i totonu o tatou aiga e tofu le tagata ma lana matafaioi e fai, e fa'apena fo'i le aveva ai o i tatou ma fanau a le Atua, ua tofu i tatou ma valaauga, tiute ma tofi ua tu'uina i a'i tatou. E mana'omia la le fa'amaoni e faia o tatou tiute ua valaauina ai i tatou.

Tatalo: Le Ali'i e le Atua, fa'afetai ona o Iesu lo matou Ali'i ma lo matou fa'aola, ua aveva ai matou ma fanau i lau Afio, ma ua ia fa'asino mai le ala matou te savavali ai ma le amiotonu. **Amene.**

Aso Faraile – Iuni 23: “Auauna ia Keriso” (Service to Christ)

Tusi Faitau – Roma 14:10-21

Matua – f. 18: *“Aua o le ua auauna atu ia Keriso i ia mea, ua fiafia i ai le Atua, ua ta'uuleia fo'i o ia e tagata.”*

Tautua, o se tasi lea vaega taua o le aganu'u i totonu o aiga ma nu'u Samoa. Aisea? Ona o se tasi lea o vaega o lo'o fafau ai le ola o le tagata Samoa. E iai le alagaupu fa'asamoa, o le alai le pule o le tautua. O lona uiga o le tagata e ola ma tuputupu a'e i totonu o le aiga. Fai suavai ma fu'e le suavai a le Matai, sail ii le sami aua lava le matai. Taimi o fa'alavelave e tua atu i ai le matai, faia nei mea uma e aunoa ma se leo, aua o le lagona o le leo e mafua le upu lea o le tautua pa'o. O tagata la ia fai ai le filiga a le aiga pe a saili se tagata e nate tausia le aiga, po'o le nofo fo'i i le suafa matai o le aiga. O le tagata tautua la ia malamalama lelei i lona tulaga o le tagata tautua. O le tagata e auauna ia Keriso, e mana'omia le ta'ita'iga a le agaga o le Atua i taimi uma. O le faitauga la o lenei aso, o lo'o a'oa'o mai ai ia i tatou ia aua ne'i o tatou tu'uina atu le fa.amasinoga i le isi uso a tagata, ae taumafai e avatu i ai le filemu o le Ali'i, pei ona aumaia e le aposetolo o Paulo, ia fa'atutumumu lava le malo o le Atua, e le o le tautuaina i mea 'ai ma vai inu i le tino, a'o mea 'ai ma vai inu fa'ale agaga, tatou te tautua ai le malo o le Atua e alai lo tatou Ali'i o Iesu Keriso ma lo tatou Fa'aola.

Tatalo: Le Ali'i e, fa'auau pea ona e a'oa'o mai i matou ina ia o matou faia le tautua ia Keriso e maua ai se vi'iga o le Atua. **Amene.**

Aso Toona'i – Iuni 24: “Iloaina Keriso” (Knowing Christ)

Tusi Faitau – Efeso 3:14-19

Matua – f. 19: *“Ia iloa fo'i le alofa o Keriso ua silisili ese e le mailoa, ia faatutumuina outou i le tumu uma lava o le Atua.”*

A o feagai ai ma le taufa'ai'u o a'u taumafaiga i a'oa'oga, sa fesili se ou mamae ia te a'u, fai mai, o le a se fa'amoemoe e tusa ai ma a'oa'oga o lo'o e

taumafai i ai? I le taimi lea, sa ou i ai i a'u su;ega fa'ai'u o lea vaega o le a'oga, na ou tali atu i a'u taumafaiga o lo'o fa'apea ona latalata mai ai le Ali'i ia te A'u, sa ou maua lava le filemu ma le mafanafana o le Ali'i, o le mea fo'i lea o lo'o u'una'ina pea la'u taumafaiga o lo'o faia nei. Ou te lagona lava le vaivai ma le le lavatia, ae o le agaga lea o lo'o maua ai pea le malosi e fa'auau ai pea le taumafaiga. Mo se malamalamaaga, o le iloa o Keriso, e le o se mea e tau nanaina, ae fa'ailoa atu mo nisi o lo'o fia maua fo'i lea metotia. O le lautele, maualuga ma lona loloto, o Iesu lava e nate aumaia i le loto e tasi. I le alu ese mai i lau sailiiliga mo sina taimi o le aso, ma iloa ai le auai mai o le Atua i o tatou tagata, ma aumaia ai i tatou i lona aiga e tatou te tatua ai le Ali'i i lenei Lalolagi.

Tatalo: Le Atua alofa e, fa'afetai i le malamalama ua e aumai matou te iloa ai o lu Afio o le Atua foafoa, a'o le Atua alofa, fa'amalosia i matou ina ia o matou vi'ia lau Afio ona o le ola ua e aumaia i lou alofa. **Amene**

FAITAUGA I LE TUSI O AMOSA (Readings in Amos)

Aso Sā – Iuni 25: “Fa’amasinoina o ou tuaoi”

Tusi Faitau – Amosa 1:1-2:3 (*Judgement on the neighbours*)

Matua – f. 3: “*O lo’o fa’pea mai le Ali’i, E tolu agasala a Tamaseko, e fa fo’i, ou te le liliu ese ai lana sala; aua na latou solia ia Kiliata i uamea e soli ai saito.*”

E ese fo'i le tulaga o le amataina o lenei tusi, ua pei o se ata tifaga e amata e aunoa ma sona fa'atomuaga, e leai fo'i se musika e tata'i ai le matamata a le tagata, ae ua oso sa'o a i totonu i gaioiga o le ata. I mataupu ia e lua, e fa'alima ona aumai ai le fuaiupu lea e tolu o lo'o aumai i le faitauga o le aso lenei. (3): *O lo'o fa'apea mai le Ali'i, e tolu agasala a Tamaseko, e fa fo'i, ou te le liliu ese ai lana sala, ona ua latou solia Kiliata i uamea e soli ai le saito.* O le Atua e tumau pea lona alofa, O lana tulafono o le Alofa. O le fa'alima lea ona aumai o le fuaiupu lea, ae o le a sona uiga? O le fuli ese mai o le Atua ma i latou, ua maua ai le avanoa e latou te salamo ai ma fa'atoese i le Atua, ae leai ua fai lava le loto o le tagata ia, ma ua le amana'ia le Atua o lo'o alofa pea i a'i latou' tusa lava po'o a tausiga a le Atua i a'i latou, e le suia lava i latou, o e mea lea, o le a aveese mai ai le mamalu o le Atua mai i a'i latou.

O le mea lea na talanoa mai ai Paulo i le tusi a Kalatia, e le o toe pologa i tatou, a'o atali'i i tatou a le Atua. O le mea fo'i lea na fa'ailoa mai ai i le foafoaga a le Atua, na ia faia lava le tagata i lona lava fa'atusa Pa'ia, fai mai fo'i le fuaiupu e sefulutasi, ou te fefe ia te outou, ne'i fa'aleaogaina la'u galuega na ou faia ia te outou. Fai mai fo'i le fuaiupu e sefulutolu.” *Ua outou iloa fo'i, o le ma'i na ou folafola ai le talalelei ia te outou.*” *Tatala o tatou mata ma toe silasila ane lava i lenei tusi i le tatou teena pea o le mafuta mai o le agaga, Pe le o fautuaina i tatou e le Atua?*

Tatalo: Tama e, ia galuea'ina o matou loto ina ia matou tatalo ma galue mo se lelei e tali atu ai i fa'afitauli o lo'o feagai ma tagata i le lalolagi. **Amene.**

Aso Gafua – Iuni 26: “Fa’amasinoga o Isarael” (*Judgement on Israel*)

Tusi Faitau – Amosa 2:10—3:12

Matua – f. 2:13 “*Fa’auta, ou te taomia outou i lalo, e pei ona taomia o le eleele i le fata fa’atavalevale ua tumu i fusi saito.*”

A’o tatou faitau ai i lenei tusi, e lagona le mamafa i o tatou loto se lagona le talafeagai, fa’atasi ai fa’atasi ai ma fiafia fa’atasi, e ese fo’i le manaia o lea fo’i fa’amoemoe, le tele o taimi e puipuia ai i tatou, ma lavea’i mai i tatou. E le o se tala e aumai ai ni lagoa tiga o le tagata, po’o ni mea fo’i e mafatia ai. Ae ona o le saisaitia i manatu ma lagona ona o se tagata le alofa o lo’o ia alofa i ai. Ona o se leoleo mamoe, e fa’alogoia le mafatia ma tiga ona ua saeia le mamoe e se Leona, ae toe maina o lona vae, ia po’o se fasi taliga, silafia e le Atua, e fa’apena tonu a le mea e tatau ona o’o i ai Isaraelu. O le a o’o i le tulaga e vaivai ai ma le maua ai se malosi e tete’e atu ai i le finagalo o le Atua. O ananafi o tala i nu’u tuaoi o Isaraelu ma Iuta, e faigofie ona tu’ua’iina lea ma lea i fafo atu o le li’o. O le Lotu a ia e se le faigofie le tautala i le gagana fa’afamisinoga, ae o le feau mo le aso lenei, o lo’o fetalai mai le Atua i le feau lava lea e tasi ia Isaraelu ma Iuta ma le toe soso’oina mai ma le feau o le avea lea ma fanau a le Atua.

Tatalo: Le Atua e, ua tele ina saisaitia i matou i auala o lo’o o natou fa’atino a matou mea e fai, fesoasoani mai ina ia aua ne’i o’o i a’i matou e tusa ma a matou amio. **Amene.**

Aso Lua – Iuni 27: “Sauni e feiloa’i ma lou Atua”

Tusi Faitau – Amosa 4:1-13 (*Prepare to meet your God*)

Matua – f. 9: “*Ua uo taia outou i le mamae ma le polopologā; ua ‘aina e le sē kasama o outou fa’atoaga, ma o outou tovine, ma o outou mati, ma o outou olive; a ua le toe fo’i mai outou ia te a’u, o lo’o fetalai mai ai le Ali’i.*”

A’o o’u faitauina lenei tusi, e lagona pea i o’u taliga le musumusu mai o nai o’u matua ma lapata’i mai ia te a’u e tusa ai ma lo’u le fa’alogo, ou te lagona i nisi o taimi, ae Talofa e, pe a ou le lagonajna o le taimi fo’i lea e fa’alogoia ai i lo’u tino. O le feau lea e aumai e Amosa, o lo’o aumai i ni vaega se tolu, o le tatau ai ona tatou silafia le finagalo o le Atua, ae le gata i lea, ia o tatou iloa fo’i po’o ai Ia. O upu la o le autu o le aso lenei, tatou te vaaia ai o ia ua le gata i le ola e fa’avavau, a’o le olaga masani o lo’o tatou o i ai nei. E pei a ona valaau mai o’u matua ia te a’i, ae ou te le mafai ona tali atu i ai. Ioe, o le usita’i i ou matou, e le ose mea fou, a’o lou sauni e feiloa’i ma lou Atua, e foliga mai o se tala e tau fa’amata’u, aua a fua i le fa’amatalaga, o le oti o le toe fo’i atu lea o le agaga i le Ali’i. o le usita’i i matua o se mea e tatau ona fa’ataunu’u, ae o le feiloa’i ma le Atua o se fiafiaga sili lea, aua e talia fiafia e le Atua le tagata e toe fo’i atu ma le loto ua salamo, o le fiafiaga sili lea o le a maua e i tatou.

O le ala lea o lapata’iga ma fautuaga e fautuaina ai i tatou i mea e tula’i mai i le tatou ola, o tala e tau fa’amata’u i le tagata, ma nofo sauniuni ai pe a o’o mai a’o le’i tuai. O le fesili e fesili ai so’o i taimi e fautuaina ai, Pe e te iloaina e mafai ona e fa’amatalaina se tala, pe usu fo’i sau pese i le taimi e te le mautonu ai, pe tula’i mai fo’i ni fa’afitauli ia te oe, se’i o’u fesili atu a i le tu’uaina fua po’o le fa’alumaina, a ia fa’amalosia le fa’amaoni e ona tula’i mai ai ni suiga lelei. Ioe, pe a tatou tali atu i

le upu a le Atua nai lo le tatou fa'atalitali e feiloa'i ma ia ina ia maua ai le moni ma le fa'amaoni.

Tatalo: Le Ali'i e, a'oa'o i matou ina ia matou fa'alogo i lau Afio, a'o matou solomuli ese mai i lau Afio, a'oa'o mai ina ia o matou fa'alogo ma le manino.
Amene.

Aso Lulu – Iuni 28: “Ia tafe mai pei o se vaitafe le fa'amasinoga tonu”

Tusi Faitau – Amosa 5:18-27 (*Let justice flow down like a river*)

Matua – vaega ff. 21-24: “*Ua ou 'ino'ino, ua leaga ia te a'u ... ou te le fiafia ... ou te le talia (o le taulaga fa'afetai i a outou manu pepeti) ... ou te le va'ai atu i ai ... Ia e ave ese ia te a'u le ta'alili o ou pese, ou te le fa'alogo ai ... A ia tafe ifo le fa'amasinoga e pei o vai, ma le amiotonu e pei o le vai e tafe tetele lava.*”

O lea ua tatou o'o mai i le nafuaaga o le galue mai o le Atua, nai lo le fultua mai i le agasala a tagata ma lana filifiliga. O a latou agasala ua le na ona tete'e atu i le Atua, a'o i latou ua leai se malosi, leai se filifiliga sa'oloto. I le mataupu e lima o lo'o fa'aalia ai le tele o le le fa'amaoni i fa'amasinoga, ma ua taotaomia ai le ola oe e leai ni o latoe e fa'aleoina, po'o e fo'i e maulalo i le nu'u. E tupu le fa'amasinoina ona o le fa'amasino mai. O lo'o laualuga i a latou gaoiga o a latou Tapua'iga, o le latou upu leaga lea i le Atua, se'i vagana ai ua tula'i malosi mai e fa'aali lo latou alolofa i le Atua, e ala lea i le fa'atinoina o le alofa i isi tagata o lo'o mana'omia le alofa, pe a tatou mafaufau i lea mea, o le a tatou le ama'ia ai le Atua, ae ua manatu lava i tou o le tatou ,alosi lava lea e mafua ai, ae galo ai le Atua le mafuaaga o mea uma. O lo'o ua fa'amanino mai e le Atua lona fia silasila i fa'amasinoga e faia ma le amioano, aua e faia ai fa'ai'uga tonu e fa'aalia ai fo'i le alofa, a'o le alofa fa'a le Atua. I le vaitau o Martin Luther King, ua ia fa'aילו mai ina ia faia o le fa'amasinoga tonu, ua le na o tagata meauli ae mo tagata uma. Ua fai mai a ia o lo'o atagia mai pea le feau a Amosa i nei ona aso.

Tatalo: O le tagi a le auuana o Amosa, ina ia avea le fa'amasinoga e tafe pei o le vaitafe, ma le amiotonu pei o se auvai. Tama, aumai i a'i matou lou mamalu ia avea ma ta'avale o le fa'amasinoga o le amiotonu i le taimi nei ma le lumana'i.
Amene.

Aso Tofi – Iuni 29: “Ua faataoto le fua faatautau” (*The plumb line is set*)

Tusi Faitau – Amosa 6:8—7:9

Matua – Amosa 7: 9 “*Fa'auta, ou te tu'u se fua fa'atautau i totonu o lo'u nu'u o Isaraelu, ou te le toe sopoia lava. E fa'atafunaina mea maualuluga a Isaako, e fa'atafunaina fo'i malumalu o Isaraelu; ou te tula'i atu ma le pelu i le aiga o Ierepoamo.*”

So'o se tagata lava e na te fausia se galuega, e pei o le tu'uina o ni pepa i luga o le wall, e ese le taua o le fa'aaogaina o le fuavai. O lo'u Tama e masani ona ia fa'aogaina le fuavai i ana galuega, ma sa ia a'oa'o ina a'u i le fa'aaogaina o le fua vai. O lefa'asa'o ina o le laina o pepa i luga o le wall, o le fa'aaogaina lea o le fuavai. A uma ona toe siaki ina lea i le fuavai po'o tumau pea le sa'o. Valaau le Atua i tagata ina ia ola ma tutu fa'atasi. O lo'o ia valaau i se auala e mafai ona e mafai ai ona latou

fa'aioa atua ai le Atua, o le Atua o Malo, o le Atua o nu'u, o'i latou fo'i ia e mauaina le fa'amanuiaga a lo tatou Tama oi le lagi, a'o le tatou vaai mamao fa'a le fuavai i malo tatou te fa'aioa atu ai i malo o le lalolagi, o lo'o tatou iloa atu ai le olo palaina o tagata vaivai; ua leai se fa'amaoni po'o se amiotonu e fa'aalia, ma ua avea ai le fuavai ma fuavai e le'o toe sa'o. o lo'o ua fa'asa'oina e le Atua le fuavaifou i luga o latou ulu. O le feau lea mo le aso lenei, o le a le fuavai tatou te fa'aaogaina e fai a tatou fa'ai'uga tonu? O le a le fuavai tatou te fuaina ai le lalolagi? E le o le fuavai a le Atua, po'o le fa'aaogaina o se pto ma se atamai ua i a'i tatou? Ou te manatua le tausaga ua mavae, i nisi o aulotu na o latou fa'aaogaina le idea lea o le galuega fa'aso'o ma ua lu'itauina le matagofie o lou tagata.

Tatalo: Le Ali'i e, ua tele naunau le fa'alelalolagi ua pulea ai o matou ola i lenei vaitau, ia o matou tete'e atu i fuavai fa'alelalolagi. **Amene.**

Aso Faraile – Iuni 30: “Ua sa'o le taimi” (*The time is right*)

Tusi Faitau – Amosa 8:1-14

Matua – f. 9-10: *“O lea aso ou te fa'agotoina ai le la i le aoauli, ou te fa'apouliuligia fo'i le lalolagi i le ao malamalama. Ou te liu i fa'anoanoaga a outou tausamiga, ou te liliu fo'i o outou pese uma i auega; ou te fa'alavalava fo'i sulugatiti uma i le ie talatala...ou te faia lea mea ia pei o le pese e aualofa a'i ona o le atali'i e to'atasi, o lona i'uga fo'i, o le aso vale lava lea.”*

I le aso Sa, sa o tatou vaia ai ni fa'aupuga i fa'aosoosoga e tolu, e fa fo'i, a'o le Atua e silasila ma le Alofa, e tu'uavanoa mai pea i le tagata mo le toe fa'aolaina o le tagata, ma toe liliu ai e faia ana fa'ai'uga tonu. A'o le taimi nei, ua faia le fa'amasinoga tonu mo e o lo'o olopalaina pea, o mea ua tatau ona fa'aumatiaina. E le o le itu lea o le Atua e tatau ona tatou vaai i ai. E le o le itu e tatou te matauina, a'o Le itu o le Atua alofa, o le alofa, e pei ona fai mai Paulo, e le saili a e le alofa le alofa, a'o lana fa'ai'uga e saili a ia te ia lava. O le alofa e n ate aumaia le matagofie o atatou fa'ai'uga fai. O fa'amasinoga tonu a le Atua e aumaia i le taimi e mana'omia ai e le tagata, o le Atua e alofa, a'o le Atua e tumau, e le liliu e fa'avavau.

O Isaraelu ma Iuta o lo'o ua o mai ma a latou talitonuga, e tutumau pea i a latou fa'ai'uga, a'o le lua Korinito fai mai, o lo'o fa'amauiina ai le fa'ataunu'uina o folafola a le perofeta o Amosa, fai mai, o tagata e agasala se'i vagana ua leai se fa'amamaina, e pei ona aumai i le tusi o 2 Nofoa'iga a Tupu 36:16, *“a ua latou fa'atauemu i e na auina mai e le Atua, ma ua i'noi'no i ana afiga, ma ua ula i ana perofeta, ua o'o ina tupu le to'asa o le Ali'i i lona nu'u, ua o'o ina leai se fofo.*

Tatalo: Le Atua alofa e, a'o matou faitau i le tusi a Amosa, ia matou a'oa'o i a'oa'oga o au fa'amasinoga tonu. **Amene.**